

日本北村澤吉著

儒學概論

商務印書館發行

日本北村澤吉著

儒學概論

商務印書館發行

儒學概論目錄

第一篇	儒道源流	一
第二篇	儒學源流	一五
第三篇	儒道之發生	三三
第一章	作為——經綸——道術——儒學特性	三三
第二章	作為經綸之本質——厚生與成性	三八
第四篇	儒道之展開	四九
第一章	人道與天道	四九
第二章	王道	八〇

- 第一節 王道之規模——皇極與民極……………八〇
- 第二節 王道之要義——盡性與遂生……………九二
- 第三章 誠道……………九九
- 第一節 誠道本幹……………九九
- 第二節 誠道之表面一般法式——內正與外政——成己（仁）
與成物（智）（義）——執善之道（勇）……………一二七
- 第三節 誠道之裏面實際法式——率性之道——性與教……………一五〇
- 第四節 道術體行實踐之方法……………一五七
- 第一段 格致之道——誠身與明善——親民與明明德……………一五七
- 第二段 止至善之道……………一八〇
- 第三段 中庸之道——中與和——忠恕與絜矩——樂與禮……………一八四
- 第四段 權衡之道——反求與擴充——羣化與分義……………二〇三
- 第五段 正直之道——剛克（用九）與柔克（用六）……………二五六

儒學概論要目

第一篇 儒道源流

儒之字義 術士 作事篤實深厚透徹 道術 周禮保氏及師氏之道義德行

漢志儒家者流 周禮之聯師儒 儒教儒道之興起 見於古今籍之儒及儒道 道術之

士 通天地人曰儒 王道之輔成 六藝與六經 孔子 儒道之分裂 孔墨

董子 儒道與國勢盛衰 日本與儒道

第二篇 儒學源流

古代之學 學之字義 政教一致官師合一 孔經成而儒學興 仁及天人之合一

禮文內部之研究 自我之自覺 己之字義 思孟溯源反求之學 荀子之人道論

儒道之統體組織 漢代訓詁之學與宋代心性理氣之學 日本儒學之特質 漢代儒學

陸賈文翁等 經生 賈生 漢代經學之二方面 兩漢經師家法 經學與儒學之

根本 馬鄭 經學之九變 清代學術 訓詁義理與經驗純理 顧亭林 戴東原

考據學與文藝復興

第三篇 儒道之發展——儒道基礎論

第一章 作爲 經綸 道術 儒學特性

人爲與人性 認識活動與作爲活動 形相理致之考究與作爲經綸之事業 藏用 觀

念生活與經綸生活 作爲經綸之道術 道術之學 規範學與原理學 哲學與儒學

文特爾彭氏

第二章 作爲經綸之本質 厚生與成性

生活之作爲 厚生之欲求作爲 成性之欲求作爲 二者之一致與乖離 理想 豫

想前定 善惡 理性之固有 孟子 理想境與現實界 實現理想之道 現實自

我與世界之經綸裁成 自我意志之力 自我之完成與世界之完成 奚其爲政 自我

不斷之脫化 盡性之道與遂生之道 大公至正之王道 人道 天人合一 儒道

第四篇 儒道之展開——儒學本統論

第一章 人道與天道

人與天地 現實與理想 反本原始之人格活動 儒道之根據 萬物之一原 一原之實體與種種形想 儒道之統會 易道之要義 萬象之理法與人世之規範 太極之實在 第一次素朴認識上之實在觀 萬物之生成 無極之意義 大一 平田大壑 儒道所包含之宗教觀念 萬物所以生成之道法之原理 氣與理 形相本質 亞氏 程朱 仁齋東原益軒 道與器 乾坤之往來交通 理氣性情之發揮 實體與現象 本質與形相 易與不易 動而靜 太極圖說 陰陽與生殺 天地之體質 天與太極 孔子所觀之天 天地之交通 天地與太極理氣性情之發現通行 生道 乾坤之道 神道君道 德與道 天地自然之大道德 人與天地及太極理氣性情道德之通同 董子天人同類論 三才特殊之性質形相 人道之仁義與陰陽剛柔 用九用六 人與天地道器之周偏大小 人格之完成 敬天尊天道 自我之理想 天人合一之活動 繼承與法倣 周易一書 儒道根本要義 儒道特質 理想之向上與經綸之道之發展 彌綸化裁 本於天而成於人 儒道本質 先王之道 徠 變通改制 王道 徂

第二章 王道

要目

第一節 王道之規模——皇極與民極

三重之道 素行 王道 仁齋 孟子 春秋 董子繁露 王之意義 改

制不變道 公羊學派 列寧 王道規模之二方面 洪範皇極 蔡倫 亭林

周禮民極 周公 師儒 儒道

第二節 王道之要義——盡性與遂生

裁成三才之道 遂生之道 仁道 錦城 譚壯飛 六府三事 生生 素行

盡性之道 思孟世碩荀子 王道要義表 盡字意義 王道與誠道

第三章 誠道

第一節 誠道之本幹

誠道之本質 自我及世界之完成 中庸篇之誠道論 毛西河王柏徂徠仁齋素行

誠之意義 誠意誠身誠性 誠與事物 事物之完成實在 荀子 誠與獨立

成之字義 信之字義 論語與十七條憲法 正之字義 人物責任之根本原理原則

事物獨立自由正義之大本源 萬物一體 誠道與王道 忠 政 一太極

誠道之發生與過程 第二次理想上之實在論 天性與理想 自我之實在 天性

與理氣性情 自我之內容與形相 情意與理性 誠與誠者 自我本質之諸說

康德氏之事物自體 夏考白菲希特叔本華諸家之偏見與學庸之誠意誠身 誠與意

尼采 自我要自我之觀念 純理學派之窠臼 謝林黑格兒 自我性情全體之獨立

實在活動不息 王陽明之致良知 宋元以來性理學家之通弊 文特爾彭列該爾德諸

氏之價值哲學 自我自體與事物自體 菲希特之絕對自我 相對與絕對之相對

知識論與作爲活動 究竟實在之認定確立 意識活動之第二次覆檢 實在與豫道及

誠道 誠道之內外關係 真我本質之顯現與外部世界之善言善行 外部修晦與自我

之發展完成 徂徠之卓識 理想之向上與教化之發達 理想上之誠者 天道

天道之實現 明道晦庵 理性與理想 天道與人事 誠道精義之壅晦 宋儒與

佛教 事事無礙法與論語 誠道發展之實際次第 致曲 神道之發展與世界之變

化 慎 无妄 生道之推行 自由獨立恆久之生活 一切道術之根本規範

誠道之本幹與諸法式 根本共通之道德權利義務

第二節 誠道表面一般法式——內正與外政——成己（修己）（仁）

與成物（成人）（智）（義）——執善之道（勇）

王道與誠道形式之差異 誠道本幹與諸法式之關係 內正與外政 政之意義 大

明錄 五山學風 內正之道 成己 義我 成己仁也 曾子 新大真我

無差別方面 外政之道 成物 仁道之實施 爲仁由己 萬物一體與特殊自

體之獨立 義與智 辨義 豫知 幾 差別方面 主觀客觀兩方面之關係

誠道推行之中樞中核 勇 意志 智仁勇 誠意之意 大學之道圖解 浩

然之氣 自由之真生活

第三節 誠道裏面實際法式——率性之道——性與教

成己與性 性與天 循由與法傲 復性與率性 節性 率性與盡性遂生 修

道之教 性教內外之關係 教化與政事

第四節 道術體行實踐之法式

第一段 格致之道——誠身與明善——親民與明明德

知行之共進 格物之道 身體體當體得體行 格字周例 大學之道 物字用例

顏習齋李恕谷物徂徠等格物說 亭林 晦庵之格物窮理 陽明之格正 格物

與致知 自我合理生活之完成 致知與誠意 郝京山 致敬主一 知行合一

致字用例 自我之努力活動 內外合一之關鍵 格致與誠身明善 誠身明善與

豫道 誠身與親民明善與明明德 誠身之工夫 慎獨 王念孫物徂徠俞曲園

內部真我之鍊成 內部深深之工夫與天地萬物之位育 盡心與知性 知性先在知天

知人 盡心先在事親 仁道之大端大本 孝弟 愛敬 忠孝一本 親民

親民與新民 大學證文 先入爲主之大害 改字之妄 親字之意義 親民與成

仁 親民之實際與社會之結合發展 普遍無差別中所含特殊差別之明辨 誠身親民

與明善明明德表裏相成之意義 使事事物物各得其宜 事事物物自體之成立 明明

德與親民之相成 藕益之解釋 古人用語之本義

第二段 止至善之道

止字之意義 艮卦象 孔子 曾子 止至善與時處位 止至善之內部要諦

定靜安慮 其與佛家戒定慧之同異 京山 止至善實例一則

第三段 中庸之道——中與和——忠恕與絜矩——禮與樂

大司樂六德 中庸大義 用中之道 三大用 中道 中庸字義 藏用 中

庸之道與率性之道 亞氏中行說及龍樹中觀論 中和內外之關係 未發已發 理

性與感性 西河之中庸說 佛學與儒道 公孫尼子 樂記之中和說禮器 中和

與忠恕絜矩及禮樂 忠恕與絜矩 忠恕一貫之道與仁道 絜矩與明明德 禮樂內

要目

外之關係

第四段 權衡之道——反求與擴充——羣化與分義

何謂權衡之道 推行時中之道 孟子之權度 孔子之時中 周易之時中時義時用

儒道之所以大公至正無偏無頗 孟子之諸說 荀子之諸說 求心法與遠心法

反求之道 良貴天爵 性善之意義 董子之善端未善論 良心 良字之意義

良知良能 陽明與仁齋 道德性與非道德性 孟子之主張 道德之根本萌芽

四端 仁齋與晦庵 四端與四德 存養與擴充 寡欲 擴充與分義 樂

與禮 孟子善性之擴充與荀子惡性之變化養育 荀子與霍布斯 性與偽 荀子之

誤會與宋儒之誤會 董子之善質論 荀子羣化分義之說 禮義 羣之意義 分

義之論理上基礎 正名 孟子之經濟上分義說 其教化禮義說 五倫 楊墨

社會主義 許行 擴充分義與仁義(智) 仁義二德之分合 當然與自然 自

道 天命 無上命法之奧義 聖學之要 顯仁藏用 仁與諸德 利與遂生

第五段 正直之道——剛克(用九)與柔克(用六)

儒道中樞之發展與諸法式之歸結 仁與義 實踐與地道 乾知與坤作 剛柔相摩

正直與權衡 用九用六 正與直 直道之切要 九六剛柔與一切道術之關係

儒學概論

第一篇 儒道源流

儒之字義。許氏說文。柔也。術士之稱。从人需聲。按。需者。說文。頤也。遇雨不進。止頤也。从雨而聲。易曰。雲上天需。按。周易需卦彖傳。需須也。險在前也。剛健而不陷。其義不困窮矣。利涉大川。往有功也。朱允倩。通訓定聲曰。許意謂。而者須也。按。頤而須頤也。頤按。也。待公羊宣八傳。而者何。難也。穀梁宣八傳。而緩詞也。亦頤意。愚謂。此字當从雨奘省。會意。卽今所與濡濕字。按。奘者。說文。稍進大也。从大而聲。讀若畏。朱氏曰。从大从耑者。耑亦聲。所謂本不勝末也。廣雅云。奘弱也。字作輒。俗作軟。按。耑者。說文。物初生之題也。上象生形。下象其根也。段茂堂注曰。題頤也。人體頤爲最上。物之初見。卽其頤也。古發端字作此。今則端行。而耑廢。按。耑鐘鼎古文作耑。又按。而者。說文。須也。象形。周禮曰。作其鱗之而。考工記段氏曰。而爲口上口下。毛之總名。分之則口上爲髭。口下爲須。戴先生

云。鱗之屬。頰側上出者曰之。下垂者曰而。按。而字亦應有柔軟之義。而需之遇雨不進。止頤者。是緩舒之義也。段氏曰。儒柔疊韻爲訓。朱氏以爲雙聲。按。鄭氏三禮目錄。儒之言優也。柔也。言能安人。能服人也。又儒者濡也。以先王之道。能濡其身。禮記儒行總之。篇正義引。儒有優柔舒緩。浹洽透達。作事而不輕浮急迫等意。質言之。其作事篤實深厚。不至透徹不已。參考藝文雜誌第十一年第十一號。所載狩野博士論文。題曰儒之意義。

術字。亦有柔濡義。說文。術。邑中道也。从行尢聲。按。行者。說文。人之步趨也。从彳。彳。按。彳者。說文。小步也。象人脛三屬相連也。彳者。說文。步止也。从反彳。讀若畜。按。彳。彳。後世作躑躅。尢者。說文。稷之黏者。象形。廣雅。秫稷也。按。尢。小篆作秫。稷亦作糯。

又術。道也。廣雅釋宮。術。道也。禮記月令。審端經術。注。術。周禮作遂。遂上有徑。遂小溝也。步道曰徑。按。遂者。說文。亾也。从辵彖聲。古文作誦。形似隸書逋。或曰。亾者往之誤。往亾聲相近。古文从辵尢聲。用未詳。據此。則遂亦有柔濡義也。彖者。說文。从聿也。从入豕聲。朱氏曰。入象氣之舒散。經傳皆以遂爲之。

又禮記鄉飲酒義。古之學術道者。將以得身也。注。術猶藝也。

又廣雅釋詁。術法也。禮記樂記。應感起物而動。然後心術形焉。注。術所由也。孔氏正義。術謂所由道路也。

道者。說文。所行道也。从辵从首。一達謂之道。按辵者。乍行乍止。从辵从止。爾正。道直也。廣雅。道大也。楊雄法言。道也者通也。釋名釋道。一達曰道路。道。蹈也。路。露也。言人所踐蹈而露見也。釋言語。道。導也。禮記禮器。及中庸注。道由也。從也。國語吳語。道將不行。注。道術也。莊子天下篇曰。天下之治方術者多矣。又曰。後世之學者。不幸不見天地之純。古人之大體。道術將爲天下裂。按。此云道術之分裂者。卽所謂方術是也。自是道術二字。演成熟語。故賈誼新書。有道術篇。

周禮天官冢宰。大宰以九兩繫邦國之民。三曰師。以賢得民。注。師諸侯師氏。有德行以教民者。曰四儒。以道得民。注。儒諸侯保民。有六藝以民教者。按。是師儒以其德行道藝。爲上下教化之連鎖者也。

又地官司徒。師氏掌以媿詔王。以三德教國子。一曰至德。以爲道本。二曰敏德。以爲行本。三曰孝德。以知逆惡。教三行。一曰孝行。以親父母。二曰友行。以尊賢良。三曰順

行。以事師長。保氏掌諫王惡。而養國子以道。乃教之六藝。一曰五禮。二曰六樂。三曰五射。四曰五馭。五曰六書。六曰九數。乃教之六儀。一曰祭禮之容。二曰賓客之容。三曰朝廷之容。四曰喪紀之容。五曰軍旅之容。六曰車馬之容。

由是觀之。師氏與保氏。師與儒。兩相分立。各有職掌。一則爲賢者以德行教民。一則爲術士以道藝術即道養民。德行與道藝。分科而行。故地官鄉大夫之職。各掌其鄉之政教禁令。正月之吉。受教法於司徒。退而頒之鄉吏。使各教其所治。考其德行。察其道藝。三年則大比。考其德行道藝。而賓與賢者能者。是師儒雖有別。而二者固不能不互相聯絡教養。以收其效果也。漢書藝文志曰。儒家者流。蓋出於司徒之官。按。尚書堯典。契作司徒。敬敷五教。司徒之職。專掌教化。至周猶然。故地官大司徒。以本俗六安民。一曰媿宮室。二曰族墳墓。三曰聯兄弟。四曰聯師儒。五曰聯朋友。六曰同衣服。既聯師儒。則師亦不可無儒之道藝。儒亦不可無師之德行。故天官大宰注曰。儒亦有道德之稱也。儀禮鄉飲酒禮。先生注曰。古者年七十而致仕。老於鄉里。大夫名曰父師。士名曰少師。而教學焉。按。此鄭氏據尚書大傳注之也。又君子注曰。有大德行不仕者。按。周禮地

官。師氏爲中大夫。保氏爲下大夫。師氏之爲中大夫。與小司徒同。保氏之爲下大夫。與鄉師同。並用大夫者。重其職也。然此不過專舉其在本官者耳。若夫曰師。曰先生。曰君子等類。則皆當時致仕之賢者。專以其高尚人格。感化鄉閭子弟。兼勸其教學者。而所謂儒者。則通達道藝。專以各科學術。六藝六儀等。爲之授業。欲以成就其德行。此兩者之所以有同復有異也。

且夫地官司徒之屬六十。皆教官也。春官宗伯之屬六十。皆禮官也。教與禮相成。而其職亦相輔以行。然教化寓諸禮樂。自古已然。堯典曰。夔命汝典樂。教胄子。直而溫。寬而栗。剛而無虐。簡而無傲。詩言志。歌永言。聲依永。律和聲。八音克諧。無相奪倫。神人以和。禮記王制曰。樂正按樂正樂師也。周禮居大司樂之下。崇四術。立四教。順先王詩書禮樂以造士。周禮春官宗伯下曰。大司樂掌成均之法。以治建國之學政。而合國之子弟焉。凡有道有德者。使教焉。禮記文王世子曰。語曰。樂正司業。父師司成。一有元良。萬國以貞。世子之謂也。又曰。凡祭與養老。乞言合語之禮。皆小樂正詔之於東序。大樂正學舞于戚。語說命乞言。皆大樂正授數。大司成論說在東序。按教胄子。說文引作教育子。四術四教。師

儒所職也。司成鄭注曰。司徒之屬。師氏也。孔正義曰。父師與樂正相連。大司成亦與大樂正相次。江永禮記訓義擇言曰。君求言於老人。爲乞言。三老五更。與君言父子君臣長幼之道。爲合語。合言之。乞言合語。皆謂之語。下經云。既歌而語以成之也。是也。內則謂。三王皆有惇史。惇史所以記此言語也。其言語有篇章辭說。大樂正授數。大司成論說之。經文前後甚明。按。徂徠曰。大學一篇。卽是乞言合語之記。誠哉是言。雖不中不遠矣。師儒既輔禮官。以成其事。於是後世職官。歷代因襲。有禮部而無教部。以禮官兼行教化之事。雖有翰林學政考官等類。而周禮教官之屬。存於後代者。亦幾希矣。所謂鄉師鄉老鄉大夫。司諫司救。調人媒氏等職。不可復見也。唯師儒二者。其職位雖經變遷。或在官或在野。時不相同。然其所任之事業。則永久不至泯滅。及夫禮官不備。禮儀不講。而後師儒之事業。益形專重。舉禮樂之事。皆包攝而任之。講求而習之。於是所謂儒家者成立焉。儒教興起。儒道始漸得專稱。

更考周禮。其教育行政之機關。專屬大小司徒。鄉師鄉大夫。州長黨正族師。閭胥比長等。除大小司徒外。皆爲地方行政長官。自成系統。若師保二氏。則均在此系統之

外。自占一特別地位。故能不與周禮俱興廢。而散在民間者。乃漸得其勢。

試就當時儒者及儒道之見於經籍者條述如左。

左傳哀公十七年會盟。齊侯稽首。孟武伯相公。執周禮。擇而不稽首。曰。非天子。寡君無所稽首。二十一年。公及齊侯。邾子盟於顧。齊人責稽首。因歌之。曰。魯人之臯。數年不覺。使我高蹈。唯其儒書。以爲二國憂。按。武伯嘗問孝於孔子。其父孟懿子。實爲孔子弟子。

論語。子謂子夏曰。女爲君子儒。無爲小人儒。

晏子春秋。及墨子書。均有非儒之語。此則戰國儒家末流。道術荒怠。有以自招之也。

孟子書。墨者夷之曰。儒者之道古之人若保赤子。此言何謂也。之則以爲愛無差等。施由親始。按。若保赤子語。見書康誥。成王告康叔之言。此則似以成王康叔亦爲儒者也。

孟子曰。逃墨必歸於楊。逃楊必歸於儒。又曰。楊墨之道不息。孔子之道不著。又曰。

吾爲此懼。閑先聖之道。距楊墨。放淫辭。邪說者不得作。按所謂孔子之道。先聖之道者。卽孔子所謂君子儒之道也。

荀子儒效篇。舉大儒雅儒俗儒。以論其效。勸學篇。有陋儒散儒。非相篇。有鬻儒。非十二子篇。有子張氏子夏氏子游氏之賤儒。

禮記有儒行一篇。載哀公與孔子問答。

漢書儒林傳曰。古之儒者。博學。虛六藝之文。六學者。王教之典籍。先聖所以明天道。正人倫。致至治之成法也。周道旣衰。壞於幽厲。禮樂征伐。自諸侯出。陵夷二百餘年。而孔子興。以聖德遭季世。應聘諸侯。以答禮行誼。因近聖之事。立先王之教。

史記儒林傳曰。孔子卒後。七十子之徒。散遊諸侯。如田子方段干木。吳起。禽滑釐之屬。皆受業於子夏之倫。爲王者師。是時獨魏文侯好學。天下並爭於戰國。儒術旣絀焉。然齊魯之間。學者獨不廢也。

又曰。秦之季世。焚詩書。阬術士。六藝從此缺焉。張守節正義曰。顏師古云。今新豐縣溫湯之處。號愍儒鄉。衛宏云。此時諸生賢儒皆至。方相難不決。因發機從上填之以

士。按此類亦儒與術士二名通用之例。

儒既爲道術之士。故後世道士方士之類。亦皆稱儒。如漢書司馬相如傳列仙之儒。王充論衡。儒增道虛談天說日是應諸篇。列舉儒書所稱者。包含後世所謂道墨名法陰陽神仙諸家所記。一皆謂之儒。桓寬鹽鐵論。以慎到田駢等。及孟荀諸子。未集齊稷下先生。凡千餘人。皆齊稱爲儒。

蓋儒術分裂。而方術起。方術者殊方之道術。猶言諸儒百家。莊子天下篇。既總說其本源。又分說其末流。可云精盡。其略曰。天下之治方術者多矣。皆以其有爲不可加矣。古之所謂道術者。果惡乎在。曰無乎不在。曰神何由降。明何由出。聖有所生。王有所成。皆原于一。古之人其備乎。配神明。醇天地。育萬物。和天下。澤及百姓。明於本數。係于末度。六通四羣。大小精粗。其逆無乎不在。其明而在數度者。舊法世傳之史。尙多有之。其在於詩書禮樂者。鄒魯之士。縉紳先生。多能明之。詩以道志。書以道事。禮以道行。樂以道和。易以道陰陽。春秋以道名分。其數散於天下。而設於中國者。百家之學。時或稱而道之。天下大亂。賢聖不明。道德不一。天下多得一察焉。以自好。譬如耳目口鼻。皆有

所明不能相通。猶百家衆技。不該不偏。一曲之士也。察古人之全。寡能備於天下之美。稱神明之容。是故內聖外王之道。闇而不明。鬱而不發。天下之人。各爲其所欲焉。以自爲方。百家往而不反。道術將爲天下裂。此先舉孔子以前古道術未分派之全也。以下列敍諸家分派之狀。曰。不侈於世。不靡於萬物。不暉於數度。以繩墨自矯。而備世之急。古之道術有在於是者。墨翟禽滑釐。聞其風而說之。爲之大過。己之大循。作爲作樂。汜愛兼利。而非鬪。相里勸之弟子。五侯之徒。南方之墨者。苦獲。已齒。鄧陵子之屬。俱誦墨經。而倍譎不同。相謂別墨。以堅白同異之辯相訾。以綺偶不侔之辭相應。以巨子爲聖人。皆願爲之尸。冀得爲其後世。至今不決。以上汎愛平等主義派不累於俗。不飾於物。不苟於人。不忤於衆。願天下之安寧。以活民命。人我之養。畢足而止。以此白心。古之道術。有在於是者。宋鉞尹文。聞其風而悅之。作爲華山之冠。以自表。接萬物。以別宥爲始。見侮不辱。救民之鬪。以上平和主義派公而不黨。易而無私。決然無主。趣物而不兩。不顧於慮。不謀於知。於物無擇。與之俱往。古之道術。有在於是者。彭蒙田駢慎到。聞其風而悅之。齊萬物以爲首棄。知去己。而緣不得已。以上體疑主義派以本爲精。以物爲粗。以有積爲不足。澹然獨與

神明居古之道術。有在於是者。關尹老聃聞其風而悅之。建之以常無有。主之以太一。以濡溺謙下爲表。以空虛不毀萬物爲質。以上形而上芴冥無形。變化無常。死與生與。天地並與。神明往與。茫乎何之。忽乎何適。萬物畢羅。莫足以歸。古之道術。有在於是者。莊周聞其風而悅之。以謬悠之說。荒唐之言。無端崖之辭。時恣縱而不儻。不以矯見之也。以上自然無惠施多方。其書五車。其道舛駁。其言也不中。卵有毛。雞三足。輪不蹶地。差別主義派飛鳥之景未嘗動也。以上雜學議

韓非子顯學篇亦言孔子以後道術分裂漸繁。曰。世之顯學。儒墨也。儒之所至。孔丘也。墨之所至。墨翟也。自孔子之死也。有子張之儒。有子思之儒。有顏氏之儒。有孟氏之儒。有漆雕氏之儒。有仲良氏之儒。有公孫氏之儒。有樂正氏之儒。自墨子之死也。有相里氏之墨。有相夫氏之墨。有鄧陵氏之墨。故孔墨之後。儒分爲八。墨離爲三。取舍相反不同。而皆自謂真孔墨。孔墨不可復生。將誰使定世之學乎。又遡論孔墨源流。曰。孔子墨子俱道堯舜。而取舍不同。皆自謂真堯舜。堯舜不復生。將誰使定儒墨之真。今乃欲審堯舜之道。於三千歲之前。意者不可必乎。無參驗而必之。愚也。弗能必而據之者。

誣也。故明據先王。必定堯舜者。非愚則誣也。愚誣之學。雜反反猶駁也之行。明主弗受也。按韓非奉信老子道德。以自然無爲爲宗。故指斥孔墨作爲之道術如此。然古道術之分析乖離。日益自小。其迹蓋有不可掩者也。

太史公作史記。始論列陰陽儒墨名法道德六家要指。議其長短。而言其殊塗同歸。直所從言之異路。有省有不省耳。劉歆七略。有諸子略。班固藝文志。據此分列儒道陰陽法名墨縱橫雜農小說十家。而曰。諸子十家。其可觀者九家而已。皆起於王道旣微。諸侯力政。時君世王。好惡殊方。是以九家之術。蠶起並作。各引一端。崇其所善。以此馳說。此合諸侯。雖有蔽短。合其要歸。亦六經之支與流裔。方今去聖久遠。道術缺廢。若能修六藝之術。而觀此九家之言。舍短取長。則可以通萬方之略矣。蓋古道術。卽內聖外王之道。一統於周公之六藝。與孔子之六經。而後分爲殊方之諸家。此孟堅所言。與莊子天下篇無異。

楊雄法言。君子篇曰。通天地人曰儒。通天地而不通人曰伎。按董子春秋繁露。已以一貫天地人解王字義。併觀以求儒道卽王道之義。極爲切當。詳見下篇

論衡。超奇篇曰。能說一經者爲儒生。博覽古今者爲通人。掇傳言以上書奏記者爲文人。能精思著文。連結篇章者爲鴻儒。故儒生過俗人。通人勝儒生。文人踰通人。鴻儒超文人。

夫古時所謂道術者。佐成王道。經綸家國天下之具。詳見第四篇第二章王道而其要在六藝。

卽禮樂射御書數事也。得之於身。而施之於世。經綸之道德。實地之事業也。禮猶今之修身倫理法制政事也。樂音樂藝術。射御體操武道競技。書文學。數理科也。皆成己成物。完善人生及世界之道德道術也。至孔子整理訂定。以成六經。故六經者。先王周公之古訓法度。古記文書之類。非爲誦讀講說而作者也。其時六藝雖有分科。實則一大道德道術。未有所謂百家殊方異端之主義也。周道衰。孔子沒。百家爭出。而儒術漸析。漸小。泊乎漢初。黃老一派。無爲之說。乘戰後人心休息之虛。風靡一世。至武帝時。得董子對策。始罷黜百家。專尊孔子。自是而後。思想界之中樞。又歸於儒道矣。

顧自邃古。迄夏殷。官師合一。君師一人。必要身行道術。此禮學記所謂師也者。所以學爲君者也。章實齋文史通義。言之詳矣。至於成周。君師相別。道術在儒。儒與師聯。

以繫君民。然猶有官守。以王道之扶翼宣揚爲任務。及近周末。官守亦失。禮散在野。於是聖賢起自民間。以道自任。而儒教儒學。鬱然盛興焉。繼經戰國暴秦。道術殊方。百家乖析。無所統一。至兩漢諸儒。稍復古道。繼承表章。一時普及天下。爾後歷朝革命。雖不無污隆。然其開國之初。雄圖宏謨。必常以儒道儒術爲本。唐宋明清。莫不皆然。及其末造。國勢與道術之衰頹。若合符節。惟斯道之傳入日本也。獨能承接周漢遺風。本天地之大道。成悠久之王道。國家之經綸。民物之發育。蒸蒸日上。記紀二書。古事記及日本書紀所載。具見其體制之堅實雄偉。上下三千歲。皇紀惟一系。無偏無黨。王道蕩蕩。無反無側。王道正直。經大化太寶。而至明治大正。變通無窮。日新盛德者。其有以夫。其有以夫。

第二篇 儒學源流

周禮師儒之職。德行道藝。皆於實事上學習之。與後世所謂學不同。卽其所教六藝六儀。亦皆在實地。效之覺之而已。然則古時唯有儒道或儒教。而無後世所謂儒學者。可以知矣。其有學。早見於三代所見之學。大學小學等類。亦非專事誦讀講說之學也。孟子曰。設爲庠序學校而教之。庠者養也。校者教也。序者射也。夏曰校。殷曰序。周曰庠。學則三代共之。皆所以明人倫也。人倫明於上。小民親於下。

學之字義。說文。教部。學。覺悟也。从教从一。其狀切一。尙朦也。白聲。居玉切篆文。學。省。段注。學。胡覺切。後人分別。學。胡孝反。學。胡覺反。一。下曰。覆也。尙童朦。故教而覺之。此說從一之意詳。古之製字。作學。從教。主於覺人。秦以來。去支作學。主於自覺。學記之文。學。教分別。已與兌命統名爲學者殊矣。兌命曰。學。學半。上學字。謂教。言教人。謂之學者。覺所以自覺。下之效也。教人所以覺人。上之施也。故古統謂之學也。枚賾。僞尙書。兌命。上字作學。下字作學。乃已。下同玉篇之分別矣。按。教者。說文。上所施。下所效也。从支从季。會

意。按教。效。疊韻。季亦聲。古孝切。季者。說文子部。效也。从子。交聲。按。季與孝父母之孝。从子。老省不同。段氏曰。上施故從支。下效故从季。按。支者。說文卜部。小擊也。从又。卜聲。按。支亦作扑。尙書堯典。扑作教刑。僞孔傳。榎楚也。周禮司市。大刑扑罰。注。扑撻也。按。扑段借爲扑。又爲撲。曰兩手下垂扶持也。曰聲亦兼義。總之。學者。就人身。施教發蒙。覺悟之之謂也。不離躬行實踐者也。

盛周之時。民之所學習。皆周公所制定之典章法度。當時天下通行者。可目覩而身行之。司徒月朔。布施教法。鄉吏讀法。以考德行道藝。禮鄉飲酒義。孔子曰。吾觀於鄉。而後知王道之易易也。鄭注曰。尊賢尙齒而已。按。鄉者。卽指鄉飲酒之禮言。由是而觀。當時政教不分。官師合一。王道之化。風行雨施之迹。亦可以想見矣。

周祚衰。道藝缺。周公之制度。不復通行天下。於是孔子手定遺典。統整六經。經者。通古今之常軌。非必當時現行之法度。須有特別研鑽之學。始可明通。故曰。周法施而儒道行。孔經成而儒學興焉。

雖然孔子之集大成者。非獨手定六經之謂也。中庸曰。仲尼祖述堯舜。憲章文武。

上律天時。下襲水土。其所謂祖述憲章律襲者何在。孝經鉤命訣曰。孔子曰。我志在春秋。行在孝經。史記世家引孔子言曰。後世知丘者以春秋。罪丘者亦以春秋。按春秋正國體。尊王道之大義。太史公及董子發明之審矣。及見史記白序孝經道德之遍行世界。藤樹中江氏著有孝經心法。翁問答等書。蕃山熊澤氏著有推論之至矣。而錄孔子生平言行者。則固無

如論語一書之純粹精鍊也。論語中所見最重要之義。凡有兩端。一則該括古來雜多德目。歸諸知仁勇三德。更約諸仁。以爲諸德之總腦。參照伊藤仁齋童子問及語孟字義二書而配於天。以成立所謂天人合一觀。二則以其天人合一之道。近求諸內部自我。使勿他求是也。

夫儒道所包。光大精微。雖一言難罄。然於禮文治化之事。特爲注重。文王之文。周公之禮。孔子所夢而傳者。固周代菁華之所在也。三百之禮經。三千之威儀。唯待其人而後行。時及未造。聖人不出。綱張日舉之不失墜。尙不敢期。況其神運靈化乎繁文縟節。尾大不掉。弊在偏重外觀。流於虛僞。務人爲之末。忘大道之本。周之亡。亡於外部之虛飾。與道術之失本也。於是考察禮文之思想興焉。學者心眼。轉向教化之本源。深觀禮文之內部。而遠思夫天人究竟之歸結。遂盡其內外表裏。索其關係樞紐。以成一新

學。亦卽孔子及七十子之徒。所努力開拓之新天地也。

向內向上之考察。先在自覺其自我。故曰。君子求諸己。小人求諸人。爲仁由己。而由人乎哉。此實孔門修德工夫之第一步。亦卽新學樹立之第一標幟也。夫希臘人心之馳外。舉世飾辭詭辯。蘇格拉底氏出。始警人曰。先知汝自己。意在以知己爲凡智慧之首端。與孔子語。雖有仁智注重之異。然其以己字爲凡修學之所起發。其揆一也。蓋己者。獨立統理一體之稱也。說文。己中宮。地象。萬物辟藏詘形。段氏曰。戊己皆中宮。故中央土。漢律歷志云。理紀於己。釋名云。己紀也。皆有定形可紀識也。引申之義爲人己。己在中。人在外。可紀識也。又說文。己古文己。朱氏曰。己卽紀之本字。古文象別絲之形。三橫二縱。絲相別也。小篆象古文之形。左右誤連。子夏以三豕爲己亥。借爲台。人之視己。施諸己。字實當作已止之己。借己爲台也。段氏善解語義。朱氏善解字形。禮月令疏。己理也。己字有紀理統理之義。不特戊己之己爲然。卽自己之己。亦無不然。且紀己台己四者。語義亦皆通用。不必如朱氏峻別己與己也。今日學界所謂自我之語。正與此相當。

若其向內之工夫。則曰己矣乎。吾未見能見其過。而內自訟者也。又曰。見賢思齊焉。見不賢而內自省也。又必以四教。曰文行忠信。又曰主忠信。凡此皆內省內觀之法也。

子思子繼之。深遡自我之內容。本質之源頭。明言人性出乎天之所命。乃述天人上下本末之關係。以定性道教一貫之義。並論中和誠明。成己成物。盡性參立。以啓示天人同原合一之要諦。是其中庸篇所見也。與此相輔而行者。復有大學一篇。其大學之道。朱晦庵所謂三綱領八條目者。與中庸諸義。表裏契合。同爲儒學之大經者也。周易十翼。雖出自孔子。而記成之者。亦爲子思。故其文辭義理。多與中庸符合。而儒道遠源。於是乎可尋。

至孟子更反求道德之根據。於自我之內部。心性之底奧。務使其確然不拔。故曰仁義禮智根於心。又曰萬物皆備於我。不特此也。其言性善。言良知良能良心。言四端之固有擴充。養氣養性。盡心知天。亦莫不皆然。

思孟遡源反求之法。因尊主觀內省。故其徒輒好談天論性。偏重理性固有義。蔑

視感性發育之迹。卒至疏略經驗。遠於實踐躬行之道。於是荀子出。而喁喁爲之講明。力補其闕。使人得詳知人道之尊貴。禮義教化之功用。亦於維持儒道之大體有力焉。顧先王之大道。散在於詩書六藝者。得孔子主裁而統理之。金聲而玉振之。其大義微旨。始得不託諸空言。而寓諸事實。故唯刪定六經。不務述作。及夫異端蠡起。聖旨奄昧。然後七十子之徒。根據聖言。推廣旨意。以斯道之統體。彰諸文章。而成立獨立之門戶。其見於大小戴記者。雖成於漢代補錄。而精言奧旨。猶存未泯。羽翼六經。莫或過之。就中如孔子三朝記。自千乘四代。至用兵少間。七篇有洪頤煊單行注本。曾子。立事立孝至疾病天貝十篇有阮元單行注釋本。曲禮學庸。緇衣表坊。禮器學樂。祭統諸篇。尤其卓卓者也。孟荀二子。行文說理。異曲同工。發揮斯道要端。殊無餘蘊矣。

儒學組織綱目。本非一時一人一書之所成。必合觀此等聖經賢傳。以尋其條理。見其會通。始可領得其體裁系統之要略。且斯學之變遷。經戰國至漢初。漸至衰微。漢志曰。儒家者流。蓋出於司徒之官。助人君。順陰陽。明教化者也。游文於六藝之中。留意於仁義之際。祖述堯舜。憲章文武。宗師仲尼。以重其言。於道最爲高。然惑者既失精微。

而辟者又隨時抑揚。遠離道本。苟以譁衆取寵。後進循之。是以五經乖析。儒學寢衰。此僻儒之患。按此云游文於六藝之中。留意於仁義之際。及五經乖析。儒學寢衰者。卽言儒學之在經學也。故史漢儒林傳。專載齊魯傳經諸家。而不及賈誼。匡衡。陸賈。叔孫通等巨儒。後漢書儒林傳。亦唯舉包咸。何休。服虔。許慎等。注釋訓詁之家。而不及賈逵。班固。馬融。鄭玄。荀爽。荀悅等碩學。想自周末以來。政教寢分。官師相離。行事之學。變爲誦說之學。秦之統一天下。雖一復古官師合一之制度。然亦胥吏之治。主刑法。輕德化。未數十年而國亡。漢立博士。益重誦習傳注之學。其置弟子。設科取士。皆是也。唐書儒學所列。亦與史漢同例。自是而後。歷代科舉之制益備。而晦庵所謂俗儒記誦詞章之學。亦益盛。古時王道之輔翼。國子之養成。以及六藝六儀實地之學習。凡儒家所任一切道術精神。闕損殆盡。儒學之天地。日形狹隘。唯至宋元以後。哲學方面。心性理氣之學起。別開思索之新生面耳。鄭樵著通志。其藝文略。諸子類。揭有儒術之題。猶存往昔面目。宋史則新立道學傳。名稱雖妥。而實乃心性之理窟。亦宋人所謂道學。非古來所謂道術之學。且非王道經綸之學也。李白有嘲魯儒詩。曰魯叟談五經。白髮死章句。問以

經濟策。茫如墜煙霧。學之偏僻固陋。無用於經世。豈獨魯叟而已哉。成齊先生曰。江戶幕府二百有餘年。文運之盛。前推元祿享保。後稱寬政文政。有二大儒。生長於二政之間。碩學鴻文。誘掖後進。以資國家異日之用。其人謂誰。安井軒。鹽谷宕陰二先生是也。二先生同遊昌平學。同陞幕府儒官。其學主經世實用。不欲區區老字句間。蓋自寬三政博士出。文學蔚興。弊至繪章綺句。爭勝壇坫。二先生思有以救之。且時世亦漸多艱。故其平素所指授。皆切時事。宕陰先生常曰。予士也。非儒。因賦詩曰。不願死入儒林傳。輕甲一聯藏在家。宕陰墓表夫德川氏。標榜宋學。而林家學風。萎靡不振。民間古學。反見日盛。寬政異學之禁。亦不足挽回此頹勢。宕陰之言。其有所激而發耶。抑亦儒學之發達於東方者。自吉備南淵諸公。經營江清善諸家。傳至闇齋。山崎氏藤樹。素行。山鹿氏仁齋。徂徠一齋。佐藤氏慊堂。松崎氏輩。其中一種活潑生動之精神。自有磅礴於水土之間。而使之然耶。吾國先儒于孔孟之道。則直接承其大精神。而不取湯武放代之迹。於宋學。則專用其大義名分之論。而不陷于心性之理窟。于王陽明。則主其知行之合一。而不墮于致良知之窠臼。其所以有活潑生動之趣者在此。參考巽軒先生日本朱子古學陽明三派哲學。久保天隨日本儒學史諸書。

雖然虛心而觀。漢之起也。開國之大規模大精神。既見於陸賈新語。仁義王道。儒

術經綸。天人合策之要綱。剛明宣揚。殆無不盡。文翁之出於蜀。賈生之起自河南。齊皆以春秋一經。作輿一代風尚之大端。至董子。遂成爲一切法制倫理之標準。儒學之振起。亦云盛矣。史記儒林傳曰。秦之季世。焚詩書。阬儒士。六藝從此缺焉。陳涉之王也。而魯諸儒持孔氏之禮器。往歸陳王。於是孔甲爲陳涉博士。徐廣曰。孔子八世孫。名鮒。字甲也。按漢志。雜家有孔甲。盤夫。驅瓦合適成。旬月以王楚。不滿半歲。竟滅亡。其事至微賤。然而縉紳先生之徒。負孔子禮器。往委質爲臣者何也。以秦焚其業。積怨而發憤於陳王也。按漢初魯儒。無復急於救世。如孔甲者。叔孫通以故秦博士。說高帝以儒者守成之道。欲徵魯諸生。共起朝儀。魯有兩生。不肯行。曰。禮樂積德而後可興。通因爲太常。與所徵及上左右。與弟子百餘人。爲綿蕪野外。習之。由是觀之。齊魯儒術之古道。已西移入漢矣。至武帝時。言時則魯有申培公。齊有轅固生。燕有韓太傅。言尚書。始自濟南伏生。言禮自魯高堂生。言易自菑川田生。言春秋於齊魯。自胡毋生。於趙。自董仲舒。董子以前。齊魯諸儒。所謂經生之徒。在亂離世。能抱殘守缺之功。固不可沒。而其事業。則與國家治務。關係甚微。齊魯

間孔孟學風之衰頹。已不可掩矣。西漢儒學精神之發越。於賈生治安過秦二篇中。可以概見。其文曰。移風易俗。使天下回心而鄉道。類非俗吏之所能爲也。俗吏之所務。在刀筆筐篋。而不知大體。夫立君臣。等上下。使父子有禮。六親有紀。此非天之所以爲人。之所設也。夫人之所設。不爲不立。不植則僵。不修則壞。是其先唱破儒術經綸之要道者也。又曰。廉恥節禮。以治君子。故有賜死。而亡戮辱。故古者禮不及庶人。刑不至大夫。貴大臣定有其皐矣。猶未斥然。正以諱之也。其在大譴大何之域者。何問也聞譴何。則白冠。釐纓。盤水加劍。造請室。請罪之室也而請皐耳。白劓也上不執縛。係引而行也。上設廉恥禮義。以遇其臣。而臣不以節行報其上者。則非人類也。故化成俗定。則爲人臣者主耳忘身。國耳忘家。公耳忘私。利不苟就。害不苟去。唯所在上之化也。故曰。聖人有金城者。比物此志也。彼且爲我死。故吾得與之俱生。彼且爲我亡。故吾得與之俱存。夫將爲我危。故吾得與之俱安。顧行而忘利。守節而仗義。故可以託不御之權。可以寄六尺之孤。此厲廉恥行禮誼之所致也。主長何喪焉。此之不爲。而顧比之久行。故曰。可爲長太息者此也。文帝深納其言。養臣下有節。是後大臣有罪。皆自殺不受刑。休哉。至武帝時。稍復入

獄。而節義廉恥之氣風。遂逐漸衰微。終不復振。致不能與東方武士道爭光。可不惜哉。雖然。終兩漢數百年。士氣之揚。固非後世文弱積習之所能及。世人斯之不審。乃專以傳注訓詁之學。概論漢代。則大謬矣。

然則漢代經學。宜分二方面觀察之。一則主經世實用。一則主傳注訓詁者。是也。夫國家每有大事。朝臣援引經義。折衷是非。以補法制之不備。如趙歐北廿二史劄記所摘出。張湯倪寬張敞雋不疑等。經義斷事之例。已見其一般矣。至東漢中興。卽將帥亦多習儒術。風尚所趨。普及州郡官吏。遂以成俗。是誠儒學實施之極也。桓靈之間。處士橫議。黨禍尤烈。然而忠義之士。好尚名節。國家緩急。尙有可恃者。詎非平日教養之所致與。至其主傳注訓詁者。亦與後世徒事剪裁敷衍輩迥異。未可以經生之徒概輕之也。阮雲臺詁經精舍文集。收錄諸家兩漢經師家法考。胡縉論其家法。大略有三。曰守師說。曰通小學。曰明天人之理。又論其釋經之體。亦約有三。一曰以經釋經。或依經以析理。或錯經以會文。或辨經以校誤。如毛公古詩。多用爾雅。費氏說易。卽本繫辭。依經之體也。毛詩之箋。廣引禮經。地官之注。半參王制。錯經之義也。由左邱之古經。知祠

兵之文誤。據魯詩之正字。識繡黼之傳乖。辨經之法也。一曰以字釋經。或擬其音。或正其誼。或改其誤。擬音者。古無反語。故爲比方之詞。如某讀如某。某讀如某之例。是也。觀夫賈逵定弟圖之異字。何休辨登得之同聲。周官故書。必存於注。儀禮古文。盡著之篇。舉一反三。餘可識矣。一曰以師說解經。如仲梁子孟仲子高子之說。見於毛氏詩。子沈子司馬子女子此宮子尸子沈子之說。載於公穀傳。箋詩之旨。半發表夫亨棊。注禮之言。先引徵夫杜鄭。譬後海而先厥河。非數典而遺其祖也。繇茲家法。闡厥微言。以故用日少。而畜德多。稱文邇。而見義遠。函雅故。綴道綱。知時務。統陰陽。通天地人之謂儒。惟漢儒斯不媿焉。故家法精。漢學明。家法棄。漢學廢。謹授受。研六經。家法不失。孔書乃明。按。詁經之學。權輿于爾雅一書。盛行於西漢。而大成於東漢。西漢學者。多用今文。以發新義。頗有所貢獻於當時。東漢學者。則兼采今古文。折中會通。亦有所遺饋於後世。綜其所爲。雖不通儒學之一端。而儒學之精要。固寓於經義之中。是經學乃儒學之根本。而訓詁解釋之學。實其基礎之不可忽者也。東漢之集經解而大成者。馬鄭其大宗。而鄭學尤精洽。范曄論之曰。自秦焚六經。聖文埃滅。漢興。諸儒頗修藝文。及東京學者。及

各名家。而守文之徒。滯固所稟。異端紛紜。互相詭激。遂令經有數家。家有數說。章句多者。或乃百餘萬言。學徒勞而少功。後世疑而莫正。鄭玄括囊大典。網羅衆家。刪裁繁蕪。刊改漏失。自是學者略知所歸。王父豫章君。按范曄祖文舉字武子。晉武帝時爲豫章太守。每考先儒經訓。而長于玄。言經義以玄爲長也。常以爲仲尼之門。不能過也。及傳授生徒。並專以鄭氏家法云。詰經精舍文集。經師家法考。邵保初曰。好古之士。保殘守缺。誠能捃摭緒言。遠宗古義。則將由高密之門牆。窺昌平之津畔。善哉言也。盡之矣。王西莊作鄭氏年譜。敘其著述。門人迮鶴壽。更爲補成鄭氏羣書表。見蛾術篇卷五十八。據知鄭氏所著書。凡六十四種。其卷數可知者。二百八十二。除集類一種二卷外。餘皆無一不關經義。謂爲千古學術之湊會。洵非過譽也。

王季雍

湖北人。前清宣統年間。與子同。學教于京師。優級師範學堂。

經學講義。後附歷朝經學九變圖。本四庫

提要經部總敘。經學亦變之說。而參酌增益其未盡。以表明逐時變遷之大旨。謂第一變。爲兩漢時代。董賈許鄭諸儒。專門授受。遞稟師承。各守所聞。謹嚴篤實。其弊也拘。第二變。魏晉唐代。北宋。王弼。王肅。孔賈。啖。趙。孫。復。劉。敞。等。漸持異議。或信或疑。各自論說。

不相統攝。其弊也雜。以上遠古漢學家 第三變。北宋及元代。程朱及其後學。王柏吳澄等。擺落

漢唐。獨研義理。排斥舊說。務別是非。其弊也悍。第四變。宋末及明初。金履祥許謙吳師

道張存中倪士毅等。攀緣既衆。見異不遷。務定一尊。驅除異己。其弊也黨。第五變。明正

德嘉靖以後。王守仁及其末派。主持太過。激而橫決。聰明才辯。各抒心得。其弊也肆。以上

近古宋學家 第六變。國初及乾嘉時。毛奇齡至戴震諸人。學尚博雅。不爲臆說。援引古義。徵

實不誣。其弊也瑣。第七變。嘉道以後。劉逢祿宋翔鳳龔自珍魏源諸人。子家緯侯。皆所

採信。辨經注僞。主張微言。其弊也駁。以上近世漢學家 第八變。咸同以來。陳澧黃以周朱一新

張文襄諸人。不尙攻擊。不立門庭。兼資漢宋。義取折衷。其弊也流。第九變。光緒以來。其

書有周禮政要。中庸九經今義。論孟卮言。小學發微等作。中學治經。兼證西學。巧詞證

合。義主溝通。其弊也鑿。以上現世漢宋學家 又謂若五經之中。各經之本體。亦有變不變之分。提

要五經總義類。後敍曰。漢儒五經之學。惟易先變。且盡變。惟書與禮不變。詩與春秋。則

屢變而不能盡變。蓋易包萬彙。隨舉一義。皆有說可通。數惟人所推。象惟人所取。理惟

人所說。故一變再變而巳。書紀政事。禮其器數。具有實徵。非空談所能眩亂。故雖欲

變之而不能。詩則其美其刺。可以意解。其名物訓詁。則不可以意解也。春秋則其褒其貶。可以詞奪。其事迹始末。則不可以詞奪也。故二經雖屢變。而不盡變。劉勰有言。意翻空而易奇。詞徵實而難巧。此雖論文。可例之於說經矣。此說與右圖一縱一橫。可以盡經家變遷之大概。至圖中變境。雖分九等。其大旨實不出漢宋兩家。殆猶西人哲學之有唯物唯心二派然。卽漢宋分割之。則西漢之微言大義。與東漢之訓詁制數。亦似有唯心唯物之分。宋之程朱家說經。與陸王家說經。亦幾有二者之別。此中外學術大旨之略可證合者也。又謂。歷代經學之大勢。約可分四期。以周秦兩漢爲一期。三國至唐爲一期。宋元明爲一期。圖中近儒分二期者。約歸一期。兩漢之時。不出今文古文兩家。今學多齊。古學多魯。六朝之時。不出南學北學二派。北儒多尙漢訓。南儒多崇魏晉經注。唐承其後。黜北崇南。漢訓遂替。宋元明三朝。或以義理說經。或以心悟說經。或衍史事說經。古說蓋亡。國朝經學。本盛於吳越之儒。吳中則掇拾故籍。訓詁昭著。徽州則詳於名物典章。湛深思致。常州則微言大義雅所宣究。用是而古訓造興。然則由近儒而考漢儒。由漢儒以闡經奧。更參稽六朝唐人之義疏。宋元明人之經說。當有自詣折衷。

而不能已者也。按王氏約舉歷代經學變遷之大旨大勢。瞭如指掌。無以加焉。至常州今文學派之發展。及其影響於清末思想界。可參觀最近梁任公清代學術概論。此書直筆事實。瑕瑜不掩。功過自見。亦善本也。

經學既分漢宋。訓詁義理。互有消長。而儒學亦以此昇降隆替。故後世學者。當爲比較得失。以折中之。不待言矣。西洋哲學史上。亦有經驗純理兩派。本同祖述希臘柏亞二氏精博之古學。隨時發展。分家相成。各有所主。亦自然之勢也。至其末流。轍固執偏見。人主出奴。馳陷極端。覆國亡家之慘。往往而見。修經學者。不可不於此深長思也。顧亭林曰。經學卽理學也。自有舍經學而言理學者。乃墮於禪學而不自知也。先正事略戴東原曰。論者謂有漢儒之學。有宋儒之學。一主訓詁。一主義理。夫使理義可以舍經而求。將人人鑿空得之矣。奚取於經乎。惟空任胸臆之無當於理義。然後求之古經。而古今縣隔。遺文垂絕。然後求之訓詁。訓詁明則古經明。古經明而我心同然之理義。乃因之以明。古聖賢之理義。非他。在乎典章制度者也。昧者乃歧訓詁理義而二之。是訓詁非以明理義。而訓詁何爲。理義不存乎典章制度。勢必流入於異端曲說。而不自知矣。

方東樹漢學商兌引戴氏遺書
文集卷七題惠定宇授經圖文

始有終。惟二氏是賴。清朝亡而二氏之學不亡。中外學術變遷之大勢。有以證明之也。歐洲近世學術。濫觴於中世末之文藝復興。遡求羅馬希臘古典。脫離宗教羈絆。始得自由討究之新精神。清朝考據之學。舉一代學者之精力。盡之於古言古文之研鑽。原原本本。蔑視宋元。遡自東西漢。至先秦。亦爲一種文藝復興之大運動。梁氏之書。言之甚當。日本德川時代。復古學派之興起。遂釀出明治文化。其事亦甚相似。所異者。現代支那。應收文藝復興之效果。而卒未得者何也。是豈討究之精神。猶有所缺耶。曰否。輸入海外新出種種思想。橫流國內。無所拒也。建設新學之資格。有所不備耶。曰否。先人三百年。顯幽闡微之結果。資材山積。任人取用也。嘗試思之人。而無自主獨立之精神。遂流浮沈。迎合阿附。沾沾自喜者。奴耳婢耳。學術之自主獨立。實爲人及國家自主獨立之本。此豈唯支那一境之事哉。今之時。猶古之時也。君子求諸己。小人求諸人。仲尼蘇氏。千古鐵案在焉。爲學之道。除求放心而自覺外。別無良法。厭己之醇醪。羨人之糟粕。璞玉爲賤。敗鐵爲貴。真僞混淆。本末顛倒。昏昏瞶瞶。欲風尚之不每況愈下。豈可得

乎。雖然。時窮傑出。吾信救之必有其人。而未之見耳。

第三篇 儒道之發生 儒道基礎論

第一章 作爲——經綸——道術——儒學特性

儒道雖成於人爲。而其所本。則在人性自然之欲求。非純由人爲者也。人性之自然欲求雖多。約可分爲兩方面觀之。一則欲有所認識。一則欲有所作爲是也。其欲有所認識者。只其人格活動。而欲構成其知識者。則亦不過爲一種作爲活動耳。然則據廣義言之。認識與作爲兩方面。亦俱歸於作爲之一活動矣。德國康德氏以後有所謂義。乃欲斥認識之對象之實在。而專歸之于主觀之。新康德學派者多主張此作爲活動。詳見第四篇第三章第一節誠道本幹。若據狹義言之。此兩方面固不無

可區別者。蓋此二種活動。雖同出乎人格自然之欲求。錯綜相成。而其所活動欲求之對象。則各有所主。夫認識活動之對象。專繫於知識作用所欲求。世界事物之形相理致是也。作爲活動之對象。專繫於情意作用所欲求。世界事物自體是也。事物之形相理致。既能明之。則心中自安而滿足。是認識活動之特性也。必得其事物自體。而其動作成有如何結果。始自滿足。是作爲活動之特性也。認識活動之進步發達者。卽成一

切科學之知識。各自考究動植心物。一切世界特殊事物之形相理致。而以哲學統合之。以明普通之根本原理。構成某種人生觀及世界觀而後已。作爲活動進步之發達者。顯爲政治經濟。倫理教育。衛生工業。藝術等事物。此等事物。各有其特殊之形相理致。故依科學及哲學。以闡明之。亦吾人知識活動之所欲求也。必矣。雖然。此等事物。初專爲吾人作爲活動之對象。終屬吾人所經綸之事業。事業一語。出周易繫辭傳。又單曰業。又曰行。或謂之用。俱見下章所

引孟子曰。天不言。以行與事示之。非希特經綸者。朱晦庵曰。皆治絲之事。經者理其緒而分

之。綸者比其類而合之也。見其中蓋以世界一切事物。組織經營創始。而作成其自體

之謂也。如是則此等事物。其形相理致。雖既經十分闡明。猶不足以滿吾人情意所欲

求。吾人情意。必欲實得以其事物自體。作爲之經綸之。有所達成而後已。亦必欲實際

得成其所欲求之政治經濟。教育倫理。工藝美術而後已。即亦必期實際作爲經綸。得

成其所欲求之人生及世界者也。如此者。乃吾人作爲活動之特質。亦即所謂經綸生

活之特性。繫辭傳所謂藏諸用者。是也。用者乃作爲經綸之作用活動。詳見第四篇第

庸字義條及第此與夫知識活動。觀念生活。判然可區別者也。世之專修科學及哲學

者。動輒偏重知識。耽溺觀念。不能脫出其範圍。或所不免與。然豈世上一般人類所欲求之實情哉。吾人一生。自一身至家國天下。不可一日無作爲。經綸以滿足其生活。何以獨用知識觀念而濟之。又豈能待夫知識觀念十分完成。而後始營活動生活哉。是故。吾人平生。既得有某種人生觀與世界觀。卽非據此而作爲經綸之。達成之不可。否則未有能滿足安定者也。且人生觀及世界觀之十分足以厭飫吾人欲求知識之心者。果於何時見之。此所以古來哲學問題。起滅轉變。永無窮期也。反之。吾人日常實際生活。必欲達成某種人生與世界。則其作爲經綸。不可一日有所間斷。苟能得其時處所資。較完較備之某種人生觀及世界觀。有所定立。則直據此作出某種人生及世界。以滿足其生活。亦勢所必然者也。

雖然。所謂作爲活動。經綸生活者。必如何可能達成之。吾人作爲經綸教藝藝術。一切事業。必如何可能推行之。又吾人所欲人生與世界。必如何可能作成之。是不可無道也。不可無術也。於是乎所謂道術之學起焉。道術之學者。欲考究一切作爲活動。經綸生活。所以能達成之共通法式。而定立之者也。譬如政治教育諸事物。皆吾人作

爲經綸之事業。而作爲之。經綸之。以達成之者。則必需其方術法式。故政治學不止闡明政治一事爲何。亦必欲推究其所以經綸政治之道。而定立之。教育學不止闡明教育一事爲何。亦必考察其所以作爲教育之道。而開示之。倫理學不止闡明人倫一事爲何。亦必考究其所以踐引倫理之道。而指定之。凡世之所謂規範科學者。皆以此道術法式之考究定立爲主。則此類卽謂爲道術學之分科可也。此等作爲上諸種道術學。或規範之諸科學。乃與知識上記述說明之諸科學。互異方面而對立。可以滿足吾人自然欲求之兩方面焉。夫知識上諸科學。更得哲學一層深邃之知識。統合之。以欲闡明普遍之根本原理。無復遺憾。而何獨於此規範道術之學。無一層廣大規範之定立。共通根本原則。與哲學異面而對立者乎。曰有。惟儒學足以當之。

儒學者。作爲之學也。經綸之學也。道術之學也。亦規範之學也。然其所定立之道術規範。爲共通一般作爲活動之原則法式。而非一科特殊之法則規範。若其一科特殊之法則規範。則政治法理倫理教育等諸科學所考究是已。法理與倫理二學。俱屬吾人行爲之學。輓近學者。推廣範圍。進入哲學域中。或近接儒學境界。然其所本原。在

一科特殊之考究。或以法律。或以人倫。各成限界。而向上溯求其原理之歸結於哲學。一得根據。便即滿足。故不免爲一科特殊原理之學。以視考定一切作爲活動之原則之儒學。不特有範圍廣狹之異。且有性質之截然不同者在焉。儒學者。以定立原則爲主。而此等諸科學與哲學。則以認識原理爲主。以認識原理爲主者。起自特殊。溯至普遍。歸着於根本原理。終成一統合之觀念。或形式上概念而止。所謂人生觀及世界觀者是也。以定立原則爲主者。先據普通之根本原理。以定立共通之原則。而指示其實際生活作爲經綸之諸法式。所謂人生及世界實際作成之諸道術是也。然二者之別雖如此。而其實則原理由道術而顯。道術由原理而行。猶作爲與認識不可分立。必相待而後人格活動。始能完全也。是故。從來以認識原理爲主之西洋哲學。亦間演出道術。以考定道術爲主之東洋儒學。亦或推窮原理。主原理之學者。利於知見。闡幽析微。其弊也偏於主義。輕舉浮動。主道術之學者。勝於實踐。統體堅確。其弊也拘於因襲。固陋不通。得失長短。各不相掩。善學者。應該於其兩面。表裏一貫。存精去粗。互相輔成。以盡人生與世界之全體而已。若強以彼規此。此以擬彼。互失特色。非所以發達學術之

道也。西村泊翁曰：哲學考究事物之理，而儒佛二學中，因含有哲學之義，然儒佛二學與哲學大異。蓋此二學兼重知行，而行爲最重，卽以修身治人爲其目的。篤信教祖，而奉守經典，哲學則唯究宇宙之真理而已。既無教祖，亦無經典，乃可怪乎。但其考究真理，是爲哲學之所長，則儒佛謂東洋哲學，印度哲學，支那哲學等名稱，無乃可怪乎。但其考究真理，是爲哲學之所長，則儒佛二家亦併講之，而有益也。無疑矣。見泊翁叢書第二輯，明治二十年論文題，哲學會質疑。雖然就輓近世界哲學大勢而觀之，其所傾向，日去其純粹理論方面，趨於人生實際方面，將自其世界事物形相理致之學，轉入

吾人目的理想規範之學，以補其古來一大缺陷。其所謂價值哲學者，益見與我儒與相近接矣。夫認識之學，而捨其所主，失其特質，得失損益，未可遽斷，而勢有不能自己者。抑亦偏局一面之學，不能滿足人類之欲求，及人格活動之全體，而使然歟。試觀德人文特爾彭氏 *Wilhelm Windel band, 1648-1915* 哲學史，則思過半矣。東方學者，不此之務，反捨其千古特有之學，徒拜西人後塵，而不知自省，良可惜也。

第二章 作爲經綸之本質——厚生與成性

人之作爲，起於自然衝動，而成爲本能。爲欲求一作欲衝動之種類，如食色言動，以及一切生活情事，不可勝數。本能欲求之雜多，亦猶是。而其中最根本之作用，是生活之欲求是也。祇爲生活，以作爲生活，是生活之作爲，乃人自然之欲求，不可遏止。凡一

切生物之欲厚其生而遂之。亦猶是也。欲其生存生殖之長久盛大而爲之作爲活動。無一間斷。此之謂厚生之欲。求作爲卽生理學生。或生物學上作用之屬也。至於人之作爲。則非僅以單純生存生殖之長久盛大而卽滿足者。必也向上發達。更欲求其生活之性質。達到十分完善而後已。此之謂成性之欲。求作爲成性之欲。求作爲與夫厚生之欲。求作爲相因相輔。以成吾人生活活動之全體。參考巽軒先生論文。題曰追憶黑開爾(Hoekel)氏而及人生之

根本問題。見大正九年二月刊。哲學雜誌第三百九十六號。然而此二種作爲。時見乖離。不能必其一致。譬如厚生之作爲。或至以力相爭。現出優勝劣敗之慘禍。而成性之作爲。則反欲制止爭。以得彼此平均和平之生活。如此矛盾衝突之現象。其所由來者何在。

蓋人之自然欲求中。含有某種目的理想。其目的則主依其知性。輔以意志之向往。而認定之。以起發某種有目的之作爲活動。其理想則主依其理性。輔以情意之感動。而構成之。以成立某種理想上人生觀。及世界觀。既有此種理想上之人生觀。及世界觀。卽據此以定立其目的。則必欲由其情意作用。追求之實現之。作成如此當然應有之某種人生及世界。而後已。中庸曰。凡事豫則立。不豫則廢。言前定則不跲。事前定

則不困。行前定則不疚。道前定則不窮。蓋言吾人作爲活動。必常豫想某種完全事物。而前定之。以成理想。是於事物之成立。出乎不得已者。而儒學上相對之道德。理想之發現。莫不原本乎此豫道之義也。

詳見第四篇第三章第二節辨義條及第四節第一段誠身明善條

人之智慧情緒。向

上益進。不能以自然現實之人生與世界。自致滿足。而其所豫定之理想。益至高尙。則其所追求之目的。亦隨之益致遠大。其作爲活動。亦由此益見發越。遂至步步向前層層轉進。有不可已者矣。於是始有所爲許價作用者發生焉。評價作用者。按作爲活動之目的理想。以評量一切事物之價值。判斷其尊卑善惡。必欲擇定其中最完善者。而有所作成。所謂成性之欲求作爲。實基於此。而其所以與單純厚生之欲求作爲。不能必得一致者。亦實於此見之。然則凡人有理性者。必由其當然應有之理想。欲求乎性質完善之生活。而起發乎成性作爲之活動。是亦其本性之自然。無足怪者。繫辭傳曰。精義入神。神以知來。知幾其神乎。幾者動之微。吉之先見者也。君子見幾而作。蓋此之謂也。

詳見辨義條

古來講論道德之學者。動輒偏重理性。蔑視情意。卽以純理一孔之見。欲

盡人之本性。與道義上生活之全體。雖大謬不可取。然苟言人生之善惡。論其道義生

活之高下者。終不可不以人類理性之固有。認爲其成性欲求作爲活動所由來之主要素也。孟子謂人類固有良心。良知良能。是非之心。皆可以擴充而成德。且曰。仁義禮知根於心。曰理義之悅我心。猶芻豢之悅我口。曰魚我所欲也。熊掌亦我所欲也。二者不可得兼。舍魚而取熊掌者也。生亦我所欲也。義亦我所欲也。二者不可得兼。舍生而取義者也。曰可欲之謂善。有諸己之謂性。充實之謂美。充實而有光輝之謂大。大而化之之謂聖。聖而不可知之之謂神。蓋言成性之欲求作爲。與判斷價值之理想。本乎人性之所固有。而豫想前定。層層向上。發展無窮極。王陽明所謂堯舜之上。善無盡者。譯亦此義。

人之作爲。既由其目的理想發起。決不復滯留於素樸衝動本能之生活。安住於單純厚生作爲之境域。乃欲向一層善良完全之境域。進行作爲。而不已者也。然此境域。果何在耶。吾人所住之現實自然世界。固所未有。則不可不求之。吾人所追求當然應有之理想中。而其求之者。卽吾人現實之自我。住在現實世界者也。故此理想中之境域。唯可以此實現於吾人現實之自我。及世界上。而始實得身踐其地耳。否則吾人

所欲求目的理想。終無達成之一日。何則吾人努力以欲實現理想上境界。亦唯可依吾人實際作爲之事業。而始能達成之。則其實現達成之道。亦唯在此現實界可求之。不可超越現實界外。而求之別種世界也。若超越現實界外。而求之別種世界。則或欲進入所謂本體界。或欲憧憬所謂歸依界。此種世界。乃所謂形而上學。或宗教上所開示。唯可以一部思想理會之。覺悟之。或以一部感情信仰之。投歸之。非吾人平生實際自我全體所欲求作成之境界也。古來高明超凡之士。往往或欲脫離此現實之自我與世界。直入彼理想中境界。逍遙自適。以爲達其目的者。是乃所謂觀念生活之特質。如老莊道家。柏拉圖學派(即如柏羅的諾斯)及佛教小乘與大乘始教徒等類是也。此輩率排現實世界。專求幽玄恍惚之道。不顧身世家國之存亡。雖或屬一部生活。知識活動之樂地。要非吾人一般生活。人格活動全體所欲求之道也。然則吾人一般生活。人格活動全體所欲求之道何如。曰。唯於此現實日常作爲生活中。一則依其現實自我。更欲作成一層完善之實際自我。一則由其現實世界。更欲作成一層完善之實際世界。必使其自我與世界。共近接於至善至完之理想境界而後已。故其爲道也。唯以

其自我與世界爲之經緯修造。變通化裁。精進而不已。卽亦唯據其現實之自我與世界。加以經綸化裁之功。以作出新自我與新世界而已。是故其道之於現實界。則一切事物能保存其實質內容。而變化其形相體格。卽無全然破壞滅亡之禍。亦能收漸次創造改修完成之效。周易繫辭傳所謂繼之成之。顯諸仁。藏諸用。鼓萬物。富有日新。盛德大業至者。又中庸所謂成己成物。合外內。擇善固執者。此之謂也。雖然。吾人以此眇然一身。向上向下。對敵天地萬物。加以經綸化裁之功。而不疑其不能收效果者。無他。吾人自我中。具有獨立自由之意志故也。意志者。實吾人作爲經綸之本幹。吾人苟欲一有所作爲經綸。必依其自我意志之力。選擇而決定之。精進而推行之。蓋吾人意志。其廣義者。雖同屬天地萬物之一。不能脫出天地大自然界。然其狹義者。直可與天地萬物相對並立。以保持其特種自由。故吾人自我意志之於天地間。除其自我外。毫無所羈束。此其所以能爲自我之本幹。而使吾人能有獨立自由之作爲活動也。詳見第三章第二節末段然則吾人意志。實能固持其自我所追求至完至善之目的理想。而推行其作爲經綸之事業矣。卽使自我與世界。轉進完善無難矣。但吾人之自我不能離其所

住環境世界。而獨自生成。故真能使其自我作成完善者。亦必能使其所住世界。共同作成完善。此所謂合外內之道也。果能行此道。則按此自我向上完善之程度。以下知彼環境世界。向上完善之程度。亦無難矣。或謂孔子曰。子奚不爲政。子曰。書云。句孝乎惟孝。句友於兄弟。施於有政。是亦爲政。奚其爲爲政。此之謂也。是故吾人作爲經綸。先宜下手用力者。卽在此自我統體之向上完善。卽亦在此自我自體不斷之脫化轉進。大學曰。苟日新。日日新。又日新。子絕四。毋意毋必。毋固毋我。子曰。克己復禮。周易繫辭傳曰。日新之謂盛德。皆言努力修治。脫化其舊自我。以爲新自我。後儒解此。或執純理之偏見。謂可淨盡人欲。只存天理者。非其義也。毛詩大雅曰。周雖舊邦。其命維新。孟子說滕文公曰。子力行之。亦以新子之國。尙書康誥曰。作新民。言其作爲經綸之由其自我。延及國民國家也。周易屯卦象傳曰。雲雷屯。君子以經綸。乾卦象傳曰。天行健。君子以自強不息。泰卦象傳曰。天地交泰。后以裁成天地之道。輔相天地之宜。以左右民。此更推此經綸創造之道。以至天地世界之大也。繫辭傳又曰。化而裁之。謂之變。推而行之。謂之通。舉而錯之天下之民。謂之事業。此亦形容吾人經綸作用之廣大也。

總之。人之作爲生活。不僅欲求其生活程度之厚遂。更必欲求其生活性質之完善。而此二種欲求。原出乎人性之自然。而亦其必然者也。何則。厚生與成性二者。不可不相輔而行。若闕其一。而欲獨成。不可能也。獨成既不可能。而猶欲特立孤往。偏求其生活全體之完成。愈不可幾也。蓋成性之道。其所本之基礎。必在厚生之道而得之。厚生之道。必待成性之道而遂之。苟成性之道。而能十分曲盡其道。久不失其所本。則其道卽謂爲遂生之道。亦無不可。是以凡人作爲生活之道。先欲盡成其性。而厚遂其生活。此所以有教育倫理。政治經濟諸道術。自然興起。以求盡性遂生之道。而儒道更握其諸道術之大本樞要也。不然。其道必偏於一面。名雖稱盡性。實或陷於剝性。遂致滅殺人之生機。甚或有不能復活者。如羅馬末造。斯多噶學徒。及宋元以後性理學家。比比皆是。戴東原曰。後儒以理殺人。戴氏遺書文集卷八。與某書曰。酷吏以法殺人。後儒以理殺人。其此之謂歟。反之。專務厚生之道者。多主功利。流於霸術。以力爭爲事。使人縱情放恣。陷於禽獸。而其所求富強。亦終歸於消滅而止。如戰國之興亡。古今史蹟所示。歷歷可數。唯此儒道所作爲經綸。必欲使人本乎厚生而成性。待於盡性而遂生。以完全其生活之統體。故其道能

無偏無黨。蕩蕩平平。此王者大公至正之道。所以迥異於霸術者偏側暴亂之道。與夫遺世獨善。隱居放言之道。且夫使人完全其生活之統體者。卽亦使人完成其人格之謂也。故其道似唯人之完成。其人之道。實則兼及人之所以完成一切人生。及世界之道者也。故其道可一言以約之。曰人道是已。

然則此人道之完全生活。完成人格。將於何處求其方途耶。予意決不能於自然現實世界求得之。唯於當然應有之理想上。卽唯於理想上自我。始可求得之也。吾人仰觀俯察。偏求此理想上自我而不得。唯有覆育宇宙萬物之天。與此爲近。於是直欲向上而與此天合一。以其理想上自我。實現於現實自我。及世界上也。且其推行之道。亦唯在以天所推行作爲之道爲其道而推行之。是故人道之究竟。人作之大法。唯以天道之推行。天作之至法。爲其理想。乃與天道天作合一。而推行之。以至其所至耳。此天人合一。推行作爲之道。卽吾所謂人道。亦卽所爲儒道。其在古書。燦然放光於易書。記紀等中者。皆此道也。


雖然。宇宙萬象森羅。可繫者多也。而吾人作爲生活之理想。何獨必繫之天與天

道耶。又何以必以是道實現於現實自我。與自我所住世界上耶。指明斯道根據。而依此尋繹其當行之道術法式以定立之。是乃儒學本統要務之所在，下篇審之。

第四篇 儒道之展開——儒道本統論



第一章 人道與天道

吾人生活之作爲經綸。其進行過程。唯在完行人道。而人道最完全之理想。唯在
天道。故吾人行道。亦唯欲與此天道合一。而實現之於現實自我。及自我所住世界上
而已。參照第三章末章然吾人生活之理想。何獨繫於天耶。
又何獨繫於天道耶。蓋現實出於自然。而成於理想。
理想本於現實。而實現於現實界。知現實與理想相
豫定立之關係。則知天人相待合一之關係矣。天與
天道。不特爲吾人作爲生活之理想。且爲吾人現實
生活之本原。凡吾人生活之作爲。唯遡源於生成人物之本原。尋其所以自能作爲生
成之道。而始得確固不拔之根據。故儒道展開之第一步。在反本原始之人格活動。夫
唯先反本原始。窮明現實之形相。實在之理致。然後可言其理想之構成實現。與人道



之定立展開。而不至謬誤。故吾人講求道術。著實進行。欲不陷於假空混茫之理想論。則於此天人自然作爲之關係。現實世界之大本原。儒道根據所在。不可不詳加反省考察焉。


人之生於天地萬物間也。仰觀俯察。自思其關係。求其本原。曰人何以生。曰有萬物而後生其中也。曰萬物何以生。有天地而後生其間也。曰天地何以生。此疑問之解釋。必待自然科學。及哲學上觀察推究之知識。而後得之。不然。則必由宗教信仰上。直接悟覺之感性而得之。即必取宇宙萬物。而考察其象數。從繁至簡。由顯入微。盡其形相理致。推求究竟大本。而歸之一原。或由直接經驗。以至體認此一原而後已。古今東西。人類思想史上問題。種類雖多。要其歸結。皆一其揆。雖然。此一原之爲物也。所觀既異。而所映亦各不同。其由形而上學上思辨推究者。或視爲究竟原理。或視爲實在本體。其從物理學上考察認定者。或謂爲原質。或謂爲原氣原力。又其從



宗教信仰上感悟崇尊者。或曰神明。或曰上帝佛陀。凡此種種觀念。皆由其心所映形相。理致不同而成之。故雖不免模象言說之相違。至其所指一原實體。則皆無不同。譬如廬山。其爲峯爲巒。惟因見地不同而已耳。又如荀子解蔽所說曰。厭日而視者。視一以爲兩。掩耳而聽者。聽漠漠以爲啍啍。冥冥而行者。見寢石以爲伏虎。見植林以爲後人。明月而宵行。俯而見其影。以爲伏鬼。仰視其髮。以爲立魅。凡其感忽之間。疑玄之際。此人之所以無有而有無之時也。此雖就所謂錯覺妄覺之所蔽。言其可解除。然吾人知覺事物。認識形相。同是一物。而由人稍異其所見。又同是一人。而亦由時地稍異其所見。此亦心理學上難免之事也。周易繫辭傳曰。神无方而易无體。蓋言易道作用。神運妙變。無一定形相。唯其然也。斯其所以能呈種種形相。而不可測也歟。故又曰。仁者見之謂之仁。智者見之謂之知。百姓日用而不知。彼諸科學哲學。及宗教上所見。所謂一原實體。恆呈種種不同之形相者。豈有他哉。其理亦猶是也。古來東西諸種教學並起。各據所見。互相是非。各立宗旨。互相排斥。褊狹已甚。決非達觀大本之道。唯我唯道。所包至廣大精微。攝收種種思想。而無衝突。統會一切理致。而能曲通。形相之異。在所

不拘。譬如浩海大野。雲山合沓。氣象萬千。任人遊目騁志。各使隨分自得而已。譬如天地之無不持載。無不覆幬。譬如四時之錯行。如日月之代明。萬物並育而不相害。道並行而不相悖。小德川流。大德敦化。溥博淵泉。而時出之。是以舟車所至。人力所通。天之所覆。地之所載。日月所照。霜露所隊。凡有血氣者。莫不尊親。中子曰。天下何思何慮。天下同歸而殊塗。一致而百慮。天下何思何慮。曰。易其至矣乎。夫易聖人所以崇德而廣業也。曰。夫易廣矣大矣。以言夫遠則不禦。以言乎邇則靜而正。以言乎天地之間則備矣。聖人有以見天下之賾。而擬諸其形容。象其物宜。是故謂之象。聖人有以見天下之動。而觀其會通。以行其典禮。繫辭焉以斷其吉凶。是故謂之爻。言天下之至賾。而不可惡也。言天下之至動。而不可亂也。擬之而後言。議之而後動。擬議以成其變化。曰。君子將有爲也。將有行也。問焉而以言。其受命也如響。无有遠近幽深。遂知來物。非天下之至精。其孰能與於此。參伍以變。錯綜其數。通其變。遂成天下之文。極其數。遂定天下之象。非天下之至變。其孰能與於此。易无思也。无爲也。寂然不動。感而遂通天下之故。非天下之至神。其孰能與於此。夫易聖人之所以極深而研幾也。惟深也。故能通天下之

志。唯幾也。故能成天下之務。唯神也。故不疾而速。不行而至。子曰。易有聖人之道四焉者。此之謂也。繫辭傳 學者能精觀易道所包之廣大。以思儒道所該方面之多端。亦可以得其一斑矣。蓋易道要義。在指明宇宙萬象生成之理法。而定立其對於人類作爲生活之關係。以示其作爲經綸之方途。故必觀象推數於卦爻中。據時處位之關係。以考天人作爲生成之故。以斷其當然之規範。說卦傳所謂窮理盡性。以至於命者。是也。然而其窮萬象生成之理法。而推其大本也。遂自天地陰陽。溯至絕對一原之太極。乃由此太極。演繹天地陰陽人物萬象。所以能作爲生成發展之法則。以定立其可以盡性遂生完成人世之規範。繫辭傳所謂易有太極。是生兩儀。兩儀生四象。四象生八卦。八卦定吉凶。吉凶生大業者。是也。太極者。天地人三極。卽三才之究竟。卽亦一切萬物之大本一原也。故其名義。雖猶不免與三極萬物相對稱。然其實體。則有若哲學宗教所指之一原實體然。唯一絕對渾然無差別者也。且既曰有太極。以明太極之有。是認可其究竟本體之實有實在。決非假空幻滅之現



象也。夫實有實在者。必自具有實有實在之性能。故自誠能實有實在也。苟自誠能實有實在者。必自顯現而不可掩。大學曰。誠於中。形於外。孟子曰。有諸內。必形諸外。中庸曰。莫見乎隱。莫顯乎微。詩曰。神之格思。不可度思。矧可射思。夫微之顯。誠之不可揜如此。夫皆言凡能實有實在者。必自能顯現其本質於種種形相物象。而不可揜也。既自能顯現其本質於種種形相物象者。是乃其自能作爲生成事物之謂。一人如是。一物如是。萬物亦如是。則太極爲一切萬物之究竟一原。而實有實在者。亦必爲作爲生成一切萬物之根原本質也。無疑矣。繫辭傳又曰。生生之謂易。蓋謂此也。此種觀察專據至窮其本質之實有實在。故其所論。亦只是第一次素朴認識上之問題。若進

太極之有言其實有本質。自能恆久作爲生生不已。卽一切儒道確實存立之大本根據也。然而其作爲生成發展無窮之特性所在。是不可不加意深思焉。周濂溪乃於太極上。更加無極二字。以爲太極之本。甚屬無謂。陸象山與晦庵書曰。按山兄謂太極圖說。與通書不類。疑非周子所爲。不然則

或是其學未成時所作。不然則或是傳他人之文。後人不辨也。素引曰。伏羲一畫而道乃通。山鹿語類卷四仁齋曰。伏羲之目無死物。童子此言幾得之矣。太極又曰大一。孔氏周易正義曰。太極謂天地未

分之前。元氣混而爲一。卽禮之大一也。故老子云。道生一。卽此太極也。按老子析言道與一爲二其實

說一太極也。詳下文。禮記禮運曰。夫禮必本於大一。分而爲天地。轉而爲陰陽。變而爲四時。列而

爲鬼神。孔氏正義曰。大一者。天地未分。混沌之元氣也。極大曰大。未分曰一。鬼神謂生

成萬物鬼神也。四時變化。生成萬物皆是鬼神之功。平田大壑曰。大一者。元始至尊之

神明。記紀所謂天御中主神是也。陰陽天地者。高神二柱。皇產靈神。及岐美二柱伊邪

那神是也。凡其著赤縣太古傳黃帝傳記三易由來記及弘仁歷運記考等諸書。蓋以太極或大一。視爲絕對渾一之元

氣。一切萬物所以生成之根原。又視爲至高至尊之神明。或名之曰大一神。漢以前傳

來之古義皆如是也。繫辭傳曰。作八卦以通神明之德。說卦傳曰。幽贊於神明而生著。

其必以神明言之者。因其作爲妙生萬象之主體。神化作用。不可測也。故說卦傳曰。神


也者。妙萬物而爲言者也。繫辭傳曰。陰陽不測之謂神。知變化之道者。其知神之所謂

乎。精氣爲物。游魂爲變。觀卦彖傳曰。觀天之神道。而四時不忒。聖人以神道設教。而天

下服矣。文言傳曰。夫大人者。與天地合其德。與日月合其明。與四時合其序。與鬼神合

其吉凶。中庸曰。質諸鬼神而無疑。知天也。鬼神之爲德。其盛矣乎。視之而弗見。聽之而

弗聞。體物而不可遺。使天下之人。齊民盛服。以承祭祀。洋洋乎如在其上。如在其左右。詩曰。神之恪思。不可度思。矧可射思。由是觀之。儒道淵源。含有一種宗教上之觀念。可以想見。而其所主。則在現實人生及世界之作爲經綸。故不至自立一派特種之宗教。如後世道教。及日本神道而已。且夫以太極視爲渾一之元氣。一切萬物所以作爲生成之根原者。乃自認其中亦含有萬物所以作爲生成之道德之元理在也。是故其發爲宇宙萬象也。萬物散殊。各享有其性分氣質。而其中又有條理道德。普遍通行。以能錯綜變化。作爲生成無窮。然則太極一原。其中包含理氣。而成一究竟實體者。以彼形而上學。及物理學上原理原質二種思想。攝收其中。以爲一者也。其所謂理



點以假示
生成之元
氣以假示
線以假示
生成之元
理

是其實體統一之形相理致。而其所謂氣。是其實體活動之本質。二者相依共存。而使其實體自能作爲之。生成之。發現之。展開之。以成宇宙森羅萬象。希臘亞氏舉形式與質料二者關係發展以說其實體之顯現者。義頗近之。老子所謂道非常道。乃專指太

極自體之本質言之也。曰：道生一，一生二，二生三，三生萬物。曰：道之爲物，惟恍惟惚，惚兮恍，其中有象，恍兮惚，其中有物，窈兮冥，其中有精，其精甚真，其中有信，自古及今，其名不去，以閱衆甫。大壑改信，字作申，引說文曰：申，神也。按：老子所謂一也，象也，是指實體統一之理，致形相言，物也，精也，信也，指實體活動之本質言。苟言理致形相，已墮於形而下現象界，卽可以吾人相對上名辭表明之。故曰：一生萬物，指示實體之本質，猶超然在形而上絕對界，難以吾人相對上名辭提舉之。故曰：有物混成，先天地生，寂兮寥兮，獨立而不改，周行而不殆，可以爲天下母。吾不知其名，字之曰道，強名之曰大，又說此間不離不卽之關係。曰：視之不見，名曰夷，聽之不聞，名曰希，搏之不得，名曰微。此三者不可致誥，故混爲一。謂以一表明其理致也。其上不皦，其下不昧，繩繩兮不可名，復歸於無物。謂其本質之超越於現象界也。是謂無狀之狀，無象之象，是謂忽恍，迎之不見其首，隨之不見其後。謂實體之形質本質活動，與相卽如是也。夫太極太一實體之形質，形相理致與本質活動。待老子而始析微闡玄，至矣，盡矣。後儒程朱二氏之徒，好講性理之學者，或偏重理而貶氣，舉人物本性，全歸之一理，乃以太極亦純視爲一理，遂使所謂人物氣質之性，失其所本，故其說愈高，而其義愈

差。終至支離乖謬。不可實證。仁齋東原二氏。極力排闢。參考仁齋語孟子守義疏證。原善

文集。素行益軒二氏。審覈究明。參大山鹿氏語類。聖學篇。惟諸書。心大原兩節。貝原氏大疑錄。學者始得復見人物本性。

及太極之全真。繫辭傳曰。形而上者謂之道。形而下者謂之器。蓋陰陽天地萬物。皆太

極元氣所發動分生。所謂器是也。陰陽天地萬物所以自能作為消長。循環往來。交通

不已者。是太極原理所顯現通行。所謂道是也。器就萬殊形體現象之實質言。道就萬

殊形器中普遍通行之種種作用法式。形相理致言。故又曰。一陰一陽之謂道。一字之

字。措辭之意。在表陰陽之作用理致。是乃其所謂藏諸用者。非謂陰陽即為道也。此義

伊川既善闡明之矣。見其遺書。繫辭傳曰。易之為道也。變動不居。周流六虛。上下无常。剛柔

相易。惟變所適。道有變動。故曰爻。爻。一作也。爻有等也。等。差也。故曰物。萬物也。物相雜。錯雜也。故曰文。

文理也。天地網緼。萬物化醇。男女構精。萬物化生。所謂網緼也。化醇也。構精也。化生也。是


乃道之作用理致大端所見。今試舉卦爻。更具體而言之。譬如乾坤二卦。二五往來。應

爻交通。以互成水火既濟定。二。三。六。爻各得其所。自能窮理盡性。而其所以作為生成

萬物之理致。亦自見於其中。是苟爽虞翻所傳。漢易精義所在。陳蘭甫東塾讀書記。表

彰之不誤。羽嶽先生恆言。能通乾坤二卦。往來交錯之義。而易道可知也。繫辭傳曰。乾坤其易之門耶。乾陽物也。坤陰物也。陰陽合德。而剛柔有體。以體天地之撰。以通神明之德。乾坤其易之蘊邪。乾坤成列。而易立乎其中矣。文言傳曰。乾元者始而亨者也。利貞者性情也。大哉乾乎。剛健中正純粹精也。六文發揮旁通。情也。坤道其順乎。承天而行之。蓋陰陽天地。分生運交。互行其道。而其中粲然見文理之顯現。是乃太極一原理氣性情之所發揮。亦天地理氣性情之所發揮也。夫器由氣而成。道依器而行。理依道而現。表裏相成。外內相依。顯微本末。體一分殊。聚散離合。作為生成無窮者。是太極實體自能作為生成顯現之形相。即亦萬象生成發表之理致。自然如是也。

如上所述。則太極一原之實體。包含生氣生理二元。而其生氣則其實體發動作為生成之本質。其生理則其實體所以自能保持實在之理致形相。理致形相之見。雖因時地有異。然必唯在其統一靜定之形式。即法見之。故繫辭傳曰。易无思也。无爲也。寂然而不動。感而遂通天



下之故。所謂无思无爲寂然不動者。就其實體統一保持實在之形式言之。感而遂通天下之故者。就其實體流動作爲生成之本質言之。中庸曰。誠者不勉而中。不思而得。不見而章。不動而變。無爲而成。此之謂也。夫形式則能靜定示相。本質則能流動不息。非靜定示相。何以時見理致。非流動不息。何以永存本質。故自能靜而動者。太極之性情。易道之本性。卽亦天地萬物之實情也。孔氏正義。據鄭氏易贊。舉變易與不易兩義。以解易之性質者。以此故也。繫辭傳曰。其爲道也屢遷。不可爲典要。惟變所適。其出入以度。外內使之懼。初率其辭。而揆其方。既有典常。原始要終。以爲質也。六爻相雜。唯其時物也。其初難知。其上易知。本末也。初辭以擬之。卒成之終。所爲度也。揆也。質也。時物也。本末始終之關係也。言其萬變中必有一定形式。式法可以把握者也。苟其形式與本質之不可分離。必也靜中有動。動中有靜。以成實體。不可偏視一面。以爲全體。然老子書中。旣多主靜之語。王氏易注。周氏太極圖說。又遞提其義。宋元以下學徒。竟瞢然奉之。而主靜無欲之說。遂風靡天下。有不使生民相比爲泥塑人不止之勢。是則不慎本之過也。

陰陽者。就萬象生成之始終而言者也。繫辭傳曰。原始反終。以知死生之說。是以生爲始。以死爲終者也。蓋陰陽相對而生。無陽則無陰。無陰則無陽。故陰陽不能獨存。亦不能獨生。唯陽主生。而陰主殺。譬如春生秋殺。殺者節度分限之謂。所謂死者。亦猶是耳。秋冬往而春夏來。陰陽二氣。循環消長。生生不已。終始無端。生死如環。故吾人欲求恆久生活者。必專尊生。或獨言陽生。以統陰殺。固無防也。

天地以體質言。則天主陽生。而地主陰殺。皆器也。


惟天主陽生。故或以此與太極同一視之。爲絕對一元之實體。或視爲哲學上原理。或視爲物理學上原氣原質。或視爲宗教上主宰神明。若孔子所謂天之觀念。則兼具此三種思想。而有時見其一面也。

參考蟹江義丸氏。孔子研究一書。


天地以往來交通言。則各有所推行之道。此之謂天道地道。天道主陽。地道主

陰陽循環消息圖

點以示器。線以示道。



陰。陽道主生。陰道主殺。故吾人尊生者。或獨舉天道。以攝地道。單言天道。譬如日月雨



露。覆育萬物。萬物生死於地上。然死而必復生。循環不已。則

謂爲以生終始者亦可。故吾人本性。欲求恆久生活者。專尊

生。而有時唯舉天道。以言天地之道。亦無防也。蓋天道者。乃

太極生生理氣之所發現通行。故亦爲作爲生成之道。孟子曰。以生道殺民。雖死不怨殺者。夫地道屬陰。其道雖以殺爲主。而其殺道。亦已生道行之道。則其所歸。亦必在於生而已。故雖攝爲生生之道。亦無防也。然則天地之道。卽是一生道。有時或舉天道言之者。其中亦攝有地道在焉。周易觀卦彖傳所謂天之神道者。此之謂也。是故天地之道。一而二。二而一者也。泰卦辭曰。小往大來吉。彖傳曰。天地交而萬物通也。上下交而其志同也。內陽而外陰。內健而外順。蓋乾坤二卦。象徵天地萬物於相對之二元。以示其特殊性能之大義。繫辭傳所謂易簡而天下之理得者也。此二者。二而一。猶天地耳。乾者。說文。上出也。从乙。物之達也。軌聲。按。乙。氣屈伸而升也。軌。古文軌。小篆軌。曰始出。光軌軌也。从旦。於聲。於象旗旒偃蹇逶迤之狀也。蓋乾有伸展流布之義也。說卦傳曰。

乾健也。乾彖傳曰：大哉乾元，萬物資始，乃統天。雲行雨施，品物流形。大明終始，六位時成。時乘六龍，以御天。乾道變化，各正性命，保合太和，乃利貞。坤者，說文：地也。易之卦也。从土从申。朱允倩曰：實卽陳字。陳籀文：𠩺。从自从中。篆文：𠩺。从自从木。申聲。从自，猶以土也。地者，說文：元氣初分，輕清陽爲天，重濁陰爲地。萬物作陳列也。按：坤陳皆从申，俱有伸展之義。竹山翁曰：申古文  亦作  蓋電之本字。象陽氣發展也。見其審漢字詳解 說卦傳曰：坤順也。釋名曰：上順乾也。坤卦象傳曰：地勢坤。君子以厚德載物。按：順與訓馴等字，以川爲音義。川者，說文：毋穿通流水也。古文  廣雅：川順也。又曰：柔也。允倩曰：坤亦作  卽卦畫豎作。或以川爲之也。按：申川二字，其古音義相通，故从申之坤字，與川字本同用  或用  亦俱有伸展流布之義也。且从申之神字，其古音義，蓋猶坤字。故乾坤神三字，皆有生氣伸展流行不已之義。乾坤以其妙生萬物言之，則爲神。乾由其有所主宰言之，則爲君。故說卦傳曰：乾君也。坤以其上對乾則爲臣，而以其下對地上萬物，則亦爲君。或以羣字表之。荀子曰：羣君也。家語所謂會羣神者，會地上四方君長也。說卦傳曰：坤也者地也。萬物皆致養焉。故曰：致役于坤。坤彖傳曰：至哉坤元，萬物資生。

乃順承天。坤厚載物。德合無疆。含弘光大。品物咸亨。說文。神。天神。引出萬物者。祇。地祇。提出萬物者也。茂堂曰。天神引三字。地祇提二字。各古音同部。由是觀之。乾坤之道。猶天地之道。同謂之爲神道。固可。謂之爲君道。亦無不可。蓋其元亨利貞。作爲活動。生成萬物。發展不已之性能。與天地之生道。毫無異也。繫辭傳曰。天地大德曰生。德者何。禮樂記。釋名。皆曰。德者得也。說文。惠。外得於人。內德於己也。从直从心。德升也。从彳惠聲。允倩曰。惠。从心直聲。經傳借德爲惠。又借得爲德爲惠。說文。得。行有所得也。从彳昇聲。古文省彳。昇取也。从見从寸。寸度之。亦手也。會意。左傳。定公九年。凡獲器用曰得。得用焉曰獲。允倩曰。古又借得爲值。莊子。太宗師。得者時也。注。當所遇之時。世謂之得。禮記。王制。必參相得也。注。猶足也。按。德有廣狹二義。其廣義。蓋就凡事物所有作爲之性能。對於吾人一般遂生生活。足以決定價值程度者言之。韓退之曰。由是而之焉之謂道。足乎己。無待於外之謂德。道與德爲虛位。故道有君子小人。而德有凶有吉。按。吉德凶德見左傳。文公十年。吉凶猶言善惡。而義更寬。譬如禍福咎祥。利害得喪等諸觀念。凡事物所有作爲之性能。對於人生。其價值之高下多寡。不問直接於盡性生活與否。皆渾

在其中也。至其狹義。則專據盡性上直接評價品質之高下言之。孔子曰。驥不稱其力。稱其德也。仁齋曰。馬之有驥。猶人有君子也。論語古義一齋曰。所稱之德字。專就性良處言之。外傳孔子曰。齊景公有馬千駟。死之日。民無得而稱焉。伯夷叔齊。餓於首陽之下。民到於今稱之。若夫天地之道。凡其所以能作爲生成萬物者。乃皆廣義之德也。莊子曰。物得以生謂之德。天地篇賈子曰。所道始謂之道。所得以生謂之德。新書道說篇韓非子曰。德者人之所以建生也。詳老篇管子兵法篇注曰。德者道由以成者也。蓋道者。必能行而後爲道。而道之所以能行者。是爲德。則凡有道處。必不可無德也。是故天地作爲生成之道。所通行處。必亦備有作爲生成之德。此之謂天地自然之大道德。宗此自然道德。不欲加以人爲之功者。有所謂自然主義一派。及老莊道家者流。

有天地。而後生萬物。人爲萬物之靈。故人在天地之間。能與此參立。以行其道。謂之三才。又曰三極。才者有其材能之謂也。極者自成其一全體之謂也。蓋人既爲天地所生。卽亦太極所生。而其所享之理氣性情。亦必渾然具備。與太極無異也。又其所顯之道器形質。亦必通行徧布。與天地無異也。此非特人爲然。凡物莫不然也。然則萬物

各自成一小極。而一小極。能悉具太極所具。則不妨亦謂之爲一太極。但萬物所享之理氣性情。不能無精粗厚薄之差。唯人靈於萬物。其所享特爲精厚。故是以參天地。而作爲生成。共行其道。於是始有所謂人道立焉。晦庵語類卷四有萬物各具一太極之說。而其所謂太極。唯是一理。以氣外之。則與吾所言相似。而實有不同者。中庸曰。天命之謂性。率性之謂道。所謂天者。以天統地也。命者。天所賦與人。理氣性情是也。率者。循由不逆也。道者。人道。其理氣性情發動。而能通行者也。詳見下文

三才道德。皆一其本。故入之道。能作爲生成通行。與天地無異。文言傳所謂後天而奉天時者是也。毛詩大雅曰。天生烝民。有物有則。民之秉彝。好是懿德。此言道法德性。自然具在人物中也。董子曰。爲生不能爲人。蘇厚庵義證曰。爲人者天也。人之爲人。本於天。天亦人之曾祖父也。此人之所以乃上類天也。人之形體。化天數而成。人之血氣。化天志而仁。天地陰陽篇曰。天志仁其道也義。人道德行。化天理而義。人之好惡。化天之暖清。人之喜怒。化天之寒暑。人之受命。化天之四時。人生有喜怒哀樂之答。春秋冬夏之類也。喜春之答也。怒秋之答也。樂夏之答也。哀冬之答也。天之副在乎人。人之性情。有由天者。

矣。故曰受。由天之號也。謂號也。猶爲人主者。道莫明省身之天。如天出之也。使其出也。答天之出四時。而必忠其受也。則堯舜之治。無以加是。可生可殺。而不可使爲亂。故曰非道不行。非法不言。此之謂也。春秋繁露爲人主者。天篇人之爲人。本作人之義。今據盧氏注。增爲字。爲人主者。者字。本作也。今從蘇氏義。證改之。又曰。以類合之。天人一也。春喜氣也。故生。秋怒氣也。故殺。夏樂氣也。故養。冬哀氣也。故藏。四者天人同有之。與天同者大治。與天異者大亂。春秋繁露陰陽義篇又曰。人之受命於天也。取仁於天而仁也。有父兄子弟之親。有忠信慈惠之心。有禮義廉讓之行。有是非逆順之治。文理燦然。唯人道可以參天。夫喜怒哀樂之發。與清暖寒暑。其實一貫也。喜氣爲暖而當春。怒氣爲清而當秋。樂氣爲太陽而當夏。哀氣爲太陰而當冬。四氣者天與人所同有也。非人所能蓄也。故可節而不可止也。節之而順。止之而亂。王道通三篇孔子曰。天生德於予。桓魋其如予何。曰。君子之德風。小人之德草。草上之風。必偃。曰。德之流行。速於置郵而傳命。孟子曰。君子所過者化。所存者神。上下與天地同流。豈曰小補之哉。按。君子小人。道德有差。而道德性者。凡人所同有。故孔子曰。性相近也。習相遠也。至孟子。發明此義甚詳。曰。仁者人也。合而言之道也。曰。仁人心也。義人路也。曰。仁天之尊爵。人之

安宅也。義人之正路也。其良心良知良能。以及擴充四端之說。莫不反求吾人道德本原於天性。以闡示其作爲生成發展盡性遂生之道。伊川曰。惻隱之心。人之生道也。蓋亦述孟子之意。要之。人間自有仁義生殺之道德行焉。與天地無異也。

三才道德。本雖自然同一。而猶各有其特殊顯著性質形相之可言。故說卦傳爲之大別。以明道法之關係焉。其言曰。昔者聖人之作易也。將以順性命之理。言使人用此易道循

由其自然性命之義。理而有所生成也。

是以立天之道曰陰與陽。所謂一陰一陽。生生

立地之道曰柔曰

剛。

所謂剛柔相摩。萬物鼓動而化生者。立人之道曰仁與義。

孔氏正義所謂愛惠之仁。與斷刮之義相成者。兼三才而兩之。六畫

爲地。三四爲仁。五上爲天。

故易六畫而成卦。分陰分陽。迭用柔剛。故易六位而成章。

章文理也。言成水火既濟。定以

見其窮理。盡性也。

按天道專以流行之氣言之。地道專以成立之質言之。俱由其主於寰宇物

理上自然之關係觀之也。人道專以當行之德言之。由其主於人間倫理上當然之關係觀之也。然而其見地雖有如是差異。實則三者互相包含。各自具備。以成其道德。故人道仁與義當然之中。亦含有一陰一陽。一剛一柔。自然之道在焉。天道地道亦猶如此。文言傳所謂用九用六之道。可以悟此義矣。九爲陽剛。仁。六爲陰柔。義也。韓退之曰。凡吾所謂道

德云者。合仁與義言之也。天下之公言也。老子之所謂道德云者。去仁與義言之也。一人之私言也。按。天地之道德。其中亦自含有仁義。老子所排。只在人爲之末。至其所本不可去也固矣。仲靈之非韓。見譚津文集。其學案曾載哲學雜誌。意亦如是耳。孟子主人倫之當然者。以言仁義。猶且曰由仁義而行。非行非義也。離騷篇由者。循由其自然天性之謂。則夫天道之自然。其中亦具有仁義也。亦審矣。但天道者。主於其氣自然之流行觀之。故文言傳曰。大哉乾元。萬物資始。言其大始也。繫辭傳曰。乾大生。其動也直。地道者。以其質自然之成立觀之。故文言傳曰。至哉坤元。萬物資生。言其大成也。繫辭傳曰。坤廣生。其動也闢。天道之大始大生。地道之大成廣生。各爲其顯著之特色。亦皆人道中所應有之性能道德。而既爲自然。復爲當然者也。參照第三章第五段第四節然則人之行道。果能廣大生成。有如是者耶。


人生天地間。其道器之通同。必應能行天地之所行。然其道器之周偏大小。則不可同日而語。於是。其行道之有局限。亦勢所不得已者也。唯夫王者聖人。出類拔萃者。始足以當之。中庸曰。聖人之道。洋洋乎發育萬物。峻極於天。優優大哉。禮儀三百。威儀

三千待其人而後行。故曰：苟不至德，至道不凝焉。蓋言唯完成人格，全備其德者，始能行此道也。繫辭傳曰：苟非其人，道不虛行。聖人有以見天下之動，而觀其會通，以行其典禮，神而明之，存乎其人。孔子曰：人能弘道，非道弘人。曰：道之不行也，我知之矣。賢者過之，不肖者不及也。曰：索隱行怪，後世有述焉，吾弗爲之矣。君子遵道而行，曰：舜德爲聖人，尊爲天子，富有四海之內，宗廟饗之，子孫保之，故大德必得其位。其位，謂其人應得之位也。必得其祿，必得其名，必得其壽。故天之生物，必因其材而篤焉。故栽者培之，傾者覆之。詩曰：嘉樂君子，憲憲令德，宜民宜人，受祿於天。保佑命之，自天申之。故大德者必受命。謂亦必受其時，應受之命，非謂既有天子可代爲天子也。然則王者也，聖人也，君子也。如斯大人格，如何能作成之。如斯大道德，如何能達成之。是有道焉。人之生活於大天地間，必先仰觀俯察，反本原始，思其關係，窮其形相，理致之同異，而後欲然自覺其道器之偏小。既然也，則敬天尊天道之心，油然而起。且確信天之足以爲其自我之理想，天道之足以爲其作爲行道之理想，而欲與此合體並行。以此理想，實現於自我及自我所住世界上，爲之努力，精進不已。顧夫天人實體之爲何物，吾人既就此現實世界，依單純認識思惟之法，推察摸

人道理想圖



人道實現理想圖



寫。討尋其本原素質。窮明其實在之形相理致。以及其本質。而知其理氣性情。自然流行通達之道矣。雖然。此種現實上單純認識。思惟所得之結果。未可以滿足吾人自我成性之欲求也。吾人自我成性之欲求。必更追求理想而構成之。遂欲定立其作為經綸以實現此理想之道。乃取彼現實上種種知識。為其基礎材料。統理構盡。以求其可以充於自我及世界理想者。及可以完成吾人性格。生活之道。而終唯得之於天人合一作為活動之中。於是人道之依據。益形明定。其開展之方途。亦漸見闢達暢通。故曰。凡事豫則立。不豫則廢。言前定則不給。道前定則不窮。庸中此之謂也。孟子曰。行或使之。止或尼之。行止非人所能也。吾之不遇魯侯。天也。臧氏之子。焉能使予不遇哉。曰。聖人之於天道也。命也。謂吉凶禍福得喪有可分限。而不可論也。有性焉。謂仁義禮智四端。可擴充而完成也。君子不謂命也。又其言盡心知性知天。存養事天。修身立命。以及天吏天民。天職天爵。中庸言至聖言之配天。皆所以明其所豫想前

定。天人作爲合一之境涯者也。天人作爲合一之道。其要有二。曰繼承。曰法倣。是也。中庸曰。仲尼上律天時。下襲水土。襲者。因襲繼承之謂。律者。取則法倣之謂。天時水土。互言之耳。子曰。大哉堯之爲君也。巍巍乎唯天爲大。唯堯則之。蕩蕩乎民無能名焉。巍巍乎其有成功也。煥乎其有文章。中庸曰。肫肫其仁。淵淵其淵。浩浩其天。苟不固聰明聖知。達天德者。其孰能知之。詩曰。鳶飛戾天。魚躍於淵。豈弟君子。遐不作人。子曰。君子上達。小人下達。下學而上達。知我者。其天乎。曰。子欲無言。子貢曰。子如不言。則小子何述焉。子曰。天何言哉。四時行焉。百物生焉。天何言哉。尙書臯陶謨曰。天工人其代之。天敍有典。勅我五典。五惇哉。天秩有禮。自我五禮。五庸哉。天命有德。五服五章哉。此言代天作爲。而行其道。以爲其職分。而其必欲行之者。亦因欲繼承而繼行之。法倣而實行之也。繼承續行。所以久不忘其本也。法倣實行。所以更求其有終也。久不忘本。故能維持現實之人生。保旣濟之美。無失墜也。更求有終。故能實現理想之世界。濟未濟之美。無窮期也。周易一書所載。率多繼承法效之道。象傳必有君子以。后以等語。每用以字。以人道繫之天道。而欲倣用於人事。實現於現實自我。及自我所住世界上。爲之作爲經

綸不已。譬如天與水違行。訟。君子以作事謀始。風行天上。小畜。君子以懿文德。繫辭傳所謂一陰一陽之謂道。繼之者善也。成之者性也。又所謂法象莫大乎天地。天地變化。聖人效之。擬之而後言。議之而後動。擬議以成其變化者。是其大義也。大戴禮四代篇曰。天道以視。地道以履。人道以稽。孔廣森補注曰。天道在上。人仰而瞻之。地道在下。人踐而行之。稽同也。人道同之天地。可謂善說人道之理想與實現者也。禮記孔子閒居篇曰。天有四時。春夏秋冬。風雪霜露。無非教也。地載神氣。神氣風霆。風霆流形。庶物露生。無非教也。可謂善喻矣。至董子。更有實際具體之說。曰。人生於天。而取化於天。喜氣取諸春。樂氣取諸夏。怒氣取諸秋。哀氣取諸冬。四氣之心也。四肢之各有處。如四時。寒暑不可移。若肢體。肢體移易其處。謂之壬人。蘇厚庵曰。壬疑天。之誤。與妖同也。寒暑移易其處。謂之敗歲。喜怒移易其處。謂之亂世。明王正喜以當春。正怒以當秋。正樂以當夏。正哀以當冬。上下法此。以取天之道。春氣愛。秋氣嚴。夏氣樂。冬氣哀。愛氣以生物。嚴氣以成功。樂氣以養生。哀氣以喪終。天之志也。故生漑其樂以養。死漑其哀以藏。爲人子者也。漑讀爲既。盡也。故四時之比。父子之道。天地之志。君臣之義也。陰陽之理。聖人之法也。繁露王道通三篇又繫

辭傳所說頗極詳備。其略曰。古者包羲氏之王天下也。仰則觀象於天。俯則觀法於地。觀鳥獸之文。與地之宜。近取諸身。遠取諸物。於是始作八卦。以通神明之德。以類萬物之情。作結繩。而爲罔罟。以佃以漁。蓋取諸離。包字疑伏羲氏設神農氏作。斲木爲耜。揉木爲耒。耜之利。以教天下。蓋取諸益。是故。易者象也。象也者像也。彖者材也。爻者效天下之動也。是故。吉凶生。而悔吝著也。又曰。天尊地卑。乾坤定矣。卑高以陳。貴賤位矣。動靜有常。剛柔斷矣。方以類聚。物以羣分。吉凶生矣。在天成象。在地成形。變化現矣。是故。剛柔相摩。八卦相盪。鼓之以雷霆。潤之以風雨。日月運行。一寒一暑。乾道成男。坤道成女。乾知大始。坤作成物。乾以易知。坤以簡從。易則易知。簡則易從。易知則有親。易從則有功。有親則可久。有功則可大。可久則賢人之德。可大則賢人之業。易簡則天下之理得矣。天下之理得。而成位乎其中矣。詳見第三章第四節第五段

人道者。根於天。而起於吾人自我之理想者也。至其所以爲理想。亦在天地自然之道德。則爲之繼承法。儼作爲經綸。完成人世者。必欲合一天道。而行天所行。是實儒道根本要義所在也。雖然。儒道之推行。若止於此根本要義。而不盡其統體之全。則與

自然主義。道家者流。奚擇哉。然則儒道特質之可觀者。果何在耶。本於自然而成於人爲。是已。蓋人之住在世界也。其現實自我。與世界。不足以滿其理想之所追求。而人之理想。層層向上。高遠無窮。則其作爲經綸之道。亦步步向前。發展不能已也。明矣。夫現實界萬物。唯天與天道。廣大完善。固足以繼承法徼。而行之。但猶未十分滿足。吾人所層上追求之理想也。中庸曰。夫婦之愚。可以與知焉。夫婦之不肖。可以能行焉。及其至也。雖聖人。亦有所不能焉。天地之大也。人猶有所憾。故君子語大。天下莫能載焉。語小。天下莫能破焉。夫天道之大。而人猶有不能滿足者。以其有理想。更追求完善不已也。追求完善者。必期究竟。此其理想所繫。已超出現實界之上。不能以素朴認識思維上所得境域。爲真實安定之地。更欲作出究竟理想上實在之境域焉。於是。人之作爲經綸。不只以現實上天道。單純之繼承法徼爲足。更欲以其現實上實在之道器。爲之彌綸化裁。必達至完至善之境域。而後已。故其道。必欲循於天作。而成於人作。以視宗歸自然。遺世獨善。復性而全。天理諸道。判然有別矣。繫辭傳曰。易與天地準。故能彌綸天地之道。孔氏正義曰。以易與天地相準。爲此之故。聖人用易道。能彌綸天地之道。彌謂

彌縫補合。綸謂經綸牽引。能補合牽引天地之道。用此易道也。又曰。形而上者謂之道。形而下者謂之器。化而裁之謂之變。推而行之謂之通。舉而措之天下之民。謂之事業。泰卦象傳曰。天地交泰。后以裁成天地之道。輔相天地之宜。以左右民。是皆易道之精要。抑亦儒道本質所在。作爲經綸之大義也。孟子曰。夫君子所過者化。所存者神。上下與天地同流。豈曰小補之哉。荀子曰。君子天地之參也。天地生君子。君子理天地。王制篇又曰。天有其時。地有其財。人有其治。夫是之謂能參。天論篇董子曰。天地人。萬物之本也。天生之地。養之人。成之。立元神篇又曰。天道施。地道化。人道義。人副天數篇按。理者。統整完成之謂。義者。適宜裁成之謂。禮運曰。人者。天地之心也。夫理氣妙運。性情發揮。生生活動。乾乾反復。推行其未濟之志。欲達成之。而不息無疆者。天人豈有異哉。此蓋天人本性之自然。然而然者。亦其意志之當然。然而然者也。是故人因爲欲達於理想。用其自由之意志。活動行道。不只作爲天地之所作爲。更欲作爲天地之作爲所未至。及其將作爲而未作爲者。而爲之補理經綸。變通推達。以完成人生與世界。而與天意無乖戾。此所以人能合一

於天使其道得究竟完全無漏

文言傳所謂先天而天不違者。此之謂也。

參照第三篇儒道之發生

夫彌綸化裁。變通補理之事業。亦人之所以作爲經綸。完成天地之要道。而古先

聖王。既能行之矣。文言傳曰。首出庶物。萬國咸寧。又曰。聖人作而萬物覩。作者。作爲經綸之謂。屯

卦辭曰。雲雷屯。君子以經綸。彖傳曰。天造草昧。利建侯。而不寧。繫辭傳曰。聖人有以見

天下之動。而觀其會通。以行其典禮。樂器曰。作者之謂聖。孟子曰。君子創業垂統。爲可

繼也。董子曰。聖者設也。聖能施設事。各得其宜也。春。秋繁露五。行。五事篇。夫伏羲之作易。神農之

作耒耜。文王之安民。周公之制禮。孔子之作春秋。定六經。凡其所以作爲經綸。開物成

務者。卽成其道。而傳於後世。詩周頌曰。天作高山。大王荒之。毛傳。作生。荒。大也。天生萬物。於高山。大王行道。能安

天之所彼作矣。文王康之。彼徂矣。岐有夷之行。子孫保之。鄭箋。彼。彼萬民居岐。邦也。徂。往。行道也。彼。彼萬民居岐。邦也。徂。往。行道也。

宮室。以爲崇居。文王則能安之。後之往者。又以此訂大王文王之道。卓爾與天地合其德。中以易知。坤以簡從。易則易知。簡則易從。以此訂大王文王之道。卓爾與天地合其德。中

庸曰。無憂者。其唯文王乎。以王季爲父。以武王爲子。父作之。子述之。宗廟響之。子孫保

之。孟子曰。由堯舜至於湯。五百有餘歲。若禹皋陶。則見而知之。若湯則聞而知之。由湯

至於文王。五百有餘歲。若伊尹萊朱。則見而知之。若文王。則聞而知之。由文王至於孔

子。五百有餘歲。若太公望散宜生。則見而知之。若孔子則聞而知之。由孔子以來。至於

今百有餘歲。去聖人之世。若此其未遠也。近聖人之居。若此其甚也。然而無有乎爾。則亦無有乎爾。至吾邦。皇祖。皇宗。肇國樹德之道。則冠絕宇內。流傳終古。至今猶新。詩云。倬彼雲漢。爲章於天。周王壽考。遐不作人。大雅中庸曰。君子之道。造端乎夫婦。及其至也。察乎天地。豈不然乎。物徂徠曰。道。先王之道也。先王之道。先王所造也。非天地自然之道也。作爲是道。使天下後世之人。由是而行之。大抵自然而然者。天地之道也。有所營爲運用者。人之性也。見其著按。性字宜作道字看。徂徠此說。蓋本於荀子。退天地之高遠。而近獨尊人。元良先生嘗曰。人之行道。唯人意志成之。徂徠之以道爲先王所造。亦有一面真理存焉。按。人道雖本乎自然。其成必在人爲。故古先聖王君子。作爲經綸。以遺後世之道。亦不可不尊也。誠如荀物二子所言。但徂徠之偏重人爲。不顧自然。徒馳末而忘本。殆與法家相近。是以大壑起而抗之。曰。道。自然之道而已。惟天之神道而已。乃以太昊伏羲氏。爲大國主神。視易道。爲惟神之道。排斥文王孔子之教道。按此亦單視素朴原始之道。而遺人爲修治之道。殆與黃老無異。夫易道所該浩繁。故觀天之神道而設教者有焉。欲順性命之理。而立三才之道者。亦有焉。中庸曰。率性之謂

道。修道之謂教。則道豈惟天之神道而已哉。詩曰。成人有德。小子有造。大雅孔子曰。君

子有三畏。畏天命。畏大人。畏聖人之言。孟子曰。規矩方圓之至也。聖人人倫之至也。百

世之師也。韓退之曰。夫聖人乃萬世之標準也。董子曰。先王之遺法。亦天下之規矩。故

聖法天。賢法聖。聖人易治同理。古今通達。故先賢傳其法於後世也。深察名號篇子曰。述而

不作。信而好古。比我於老彭。通本。我於顧。此依古本。又曰。篤信好學。守死善道。孝經曰。先王有

至德要道。以順天下。民用和睦。上下無怨。大雅曰。不愆不忘。率由舊章。乃見周成王之

顧命。尙書列大訓於西序。我國皇祖。皇宗之遺訓。載於勅語。億兆奉承。莫之或違。至若

記紀易書。典謨誥誓。以及聖經賢傳之等。其大法大經。赫耀世界。與天地日月並行。雖

不欲繼承法做。豈可得乎。仁齋曰。聖人未生。道在天地。聖人既生。道在聖人。聖人既歿。

道在六經。道在天地。微不可見。道在六經。空言無補。唯聖人在世。煥乎其有文章。上下

與天地同流。斯之謂凝焉。非至德豈能然乎。中庸此言天地之道法。必待聖人。而後行

之於世。聖人之道法。亦必待其人。而後行之於今也。

雖然。以彼天地之道之廣大無邊。而人猶欲彌綸化裁。加力變通之。則其於古人

所遺之道法。亦不能只以繼承法效爲足也。無論矣。子張問十世可知也。子曰。殷因於夏。禮所損益可知也。周因於殷。禮所損益可知也。其或繼周者。雖百世可知也。顏淵問爲邦。子曰。行夏之時。乘殷之輅。服周之冕。樂則韶舞。放鄭聲。遠佞人。鄭聲淫。佞人殆。此皆言有時損益變通改制之不可已者。是乃吾人作爲經綸之進至於實際者。而亦所謂王道之大端。董子述之最詳。下章審之。

總之。吾人作爲生活之理想。於萬物中。唯繫之於天地。及古先聖王。賢人君子。欲繼承其道。而法倣之。又欲以其道。變通而補理之。以完成其自我。及自我所住世界而後已。是乃中庸所謂三重之道。尙書洪範所謂皇極王者。實爲人道之極則。而其能推行此道。坦坦蕩蕩。使無澀滯否塞之患者。唯於至高至大。合理自由之生活。卽所謂誤道或率性之道見之。以下逐章分說此義。

第二章 王道

第一節 王道之規模——皇極與民極

人道之完行。在三才之道之完行。卽以天地及古先聖王賢人君子之道爲其道。

而欲更有所化裁彌綸也。中庸三重之道。三重之道，諸家解讀不全。今從曰：王天下有

三重焉。其寡過矣乎。上焉者。為高過者。雖善無徵。無徵不信。不信民弗從。下焉者。雖善

不尊。不尊不信。不信民弗從。故君子之道。本諸身。徵諸庶民。考諸三王而不繆。建諸天

地而不忤。王引之曰：建字當作達。說詳第三章第一節。誠道本幹。未條夾注。質諸鬼神而無疑。百世以俟聖人而不惑。

質諸鬼神而無疑。知天也。百世以俟聖人而不惑。知人也。是故君子動而世為天下道。

行而世為天下法。言而世為天下則。遠之則有望。近之則不厭。詩曰：在彼無惡。在此無

射。庶幾夙夜。以永終譽。君子未有不如此而蚤有譽於天下者也。蓋言唯三才之道之

完行。足以為人道之極則。其冥想空言過高。與俗學末伎卑陋者。俱不可從。而能行此

三重之道者。惟於孔子見之。故結之曰：仲尼祖述堯舜。憲章文武。上律天時。下襲水土。

祖述堯舜。憲章文武。即考諸三王而不繆也。上律天時。下襲水土。即建諸天地而不忤

也。三重之道之要義。不出於此。其於人舉四聖。以代表古先聖王。其於天地舉律時襲

水土。以具象而示其要。太田錦城曰：法天時。因地理。古人論禮之言也。禮記云：禮也者。

合於天時。設於地財。喪服四制云：凡禮之大體。體天地。法四時。左傳昭公二十五年。子

太叔曰。夫禮則天之明。因地之性。雖小有異同。其大要則一也。原中解庸素行之箴中朝事實。徵於我國體之特質。以及人物化育之道。意在襲水土。顧世之學者。高窮天人之玄際。明察宇宙之原理。而其道或不通行於國民實際之生活。是不下襲水土。不明辨特殊地性之過也。吉田松陰。乃紹明此義。以作興神州士氣。其言曰。離地而無人。離人而無事。故論人事者。必自地理始。講孟劉記亦知其教有所本也。周易晉卦彖傳曰。晉進也。明出地上。順而麗乎大明。柔進而上行。象傳曰。明出地上。晉。君子以自昭明德。豫卦彖傳曰。天地以順動。故日月不過。而四時不忒。聖人以順動。則刑罰清而民服。豫之時義大矣哉。彖傳曰。雷出地奮豫。先王以作樂崇德。殷薦之上帝。以配祖考。可見三重之道。皆錯綜而相成也。是故。三重之道。亦王道之謂也。王道者何。

王道者。儒學之對象。經綸天下。完成人生之達道也。故仁齋曰。聖人之學。包該宇宙。統攝道德。堯舜禹湯文武周公治天下之大經大法。而孔孟之所祖述憲章之者也。本無名稱之可擬。強欲命名。則以王道號之。或直稱儒學亦可。又曰。學問以王道爲本。孟子之說。卽孔子之學。皆堯舜文武治天下之道。外此豈有所謂學問者耶。蓋修己治

人爲學之要。而皆由王道而出。夫聖人從天下上見道。故就天下之所同焉。不欲離乎天下。而獨善其身。故其學爲經世。其道爲達道。其教爲仁義忠信。其言曰。吾非斯人之徒與。而誰與。天下有道。丘不與易也。童子問

孟子曰。昔者禹抑洪水。而天下平。周公兼夷狄。驅猛獸。而百姓寧。孔子成春秋。而

亂臣賊子懼。我亦欲正人心。息邪說。距詖行。放淫辭。以承三聖者。豈好辯哉。予不得已

也。滕下文又曰。詩亡。然後春秋作。其事則齊桓晉文。其文則史。孔子曰。其義則丘竊取之

矣。離婁按。春秋義例。嚴具於五始。曰。元年春王正月。公卽位。董子述之曰。春秋之道。以

元之深。正天之端。以天之端。正王之政。以王之政。正諸侯之位。五者俱正。而化大行。春秋

繁露二端篇又曰。道王道也。孔子明得失。差貴賤。反王道之本。王道篇又曰。古之造文者。三畫

而連其中。謂之王。三畫者。天地與人也。而連其中者。通其道也。取天地與人之中。以爲

貫。而參通之。非王者。孰能當是。王道通三篇說文曰。王。天下所歸往也。董仲舒曰。古之造文

者。三畫而連其中。謂之王。三者。天地人也。而參通之者。王也。孔子曰。一貫二爲王。按。王

字之成體。非無異議。然董子之說。許氏旣採之。且證以孔子言。則亦古先相傳之一義。

籍以爲解無妨也。董子又限定王之意義概念。曰：深察王號之大意。其中有五科。事科條爲皇科。方科。匡科。黃科。往科。合此五科。以一言謂之王。王者皇也。王者方也。王者匡也。王者黃也。王者往也。是王意不普大皇。則道不能正直而方。道不能正直而方。則德不能匡運周徧。德不能匡運周徧。則美不能黃。美不能黃。則四方不能往。四方不能往。則不全於王。深察名號篇又曰：春秋之於世事也。善復古。譏易常。欲其法先王也。然而介一言曰：王者必改制。今所謂新王。必改制者。非改其道。非變其理。今天大顯已。物襲所代。而率與同。則不顯不明。非天意。故必徙居。更稱號。改正朔。易服色。若夫大綱人綸道理。政治教化。習俗文藝。盡如故。亦何改哉。故王者有改制之名。無易道之實。按王道之精神大義。古今一貫無渝。而其運用施設。則不能不時有所損益。故白虎通三教篇曰：王者設三教者何。承衰救弊。欲民反正道也。三正之有失。故立三教。以相指受。夏人之王。教以忠。其失野。救野之失。莫如敬。殷人之王。教以敬。其失鬼。救鬼之失。莫如文。周人之王。教以文。其失薄。救薄之失。莫如忠。繼周尙黑。制與夏同。三者如順連環。周則復始。窮則反本。董子所謂改制者。其意亦如是耳。故其對策曰：道之大原出於天。天不變。道亦不變。

是以禹繼舜。舜繼堯。三聖相受。而守一道。亡救弊之政也。繼治世者。其道同。繼亂世者。其道變。今漢繼大亂之後。若宜少損周之文。用夏之忠者。按清末康南海著春秋董子學一書。力闡三統三世之說。附會何休一派異常可怪之說。又著改制大同諸書。專言改造國制之要。所謂常州公羊今文學派。自清中葉。莊述祖存與劉達宋翔魏源龔珍戴望前後流傳。至王闈廖平二氏。南海更承而擴之。其說遂橫溢一世。然固奇僻難從。朱鼎甫早已辨之。有無邪。堂畚問。隨軒先生又斥而闢之。豈無故哉。見其著孔子及孔子教一書。抑康氏輩。身生國政頹敗之時。故其言多有爲而發。猶西漢諸儒。多爲漢制立言。苦心之迹。不無可諒。然其過者。則流入大同無國之世界主義。或陷溺共產無家之社會主義。比之俄國列寧（Lenin）過激一派。殆有甚焉。流弊所極。遂至國事不可收拾。古人云。學尙純正。不詭。至今益信。

王道之規模。自上下二方面建立之。周易賁卦彖傳曰。觀乎天文。以察時變。觀乎人文。以化成天下。卽爲其大義。一則見於洪範皇極之道。一則見於周禮民極之道。皇極之道。以天然爲本。乃從王道上面。規畫其大體範疇。蓋洪範者。世界彝倫攸

叙。儒道組織之最古者也。大禹曾據此以建設國家。經綸天下。傳至殷末。箕子以是傳之。武王以爲周代建國之大本。大經。孔子曰。禹吾無間然矣。非飲食而致孝乎鬼神。惡衣服。而致美乎黻冕。卑宮室。而盡力乎溝洫。禹吾無間然矣。是足以想見其人格道德之高大也。亭林曰。洪範所謂彝倫者。天地人之常道。九疇皆在其中。不止孟子之言人倫而已。日知錄按。後儒偏以人間倫理關係爲道德之全體。此未足以語洪範皇極之道。

亦不足以知儒道之大規模也。洪範九疇。以其第五建用皇極爲中樞。其他八疇輔成

而行之。八疇者。五行。金土水火木。五事。貌言視聽思。八政。食貨祀司空司徒。五紀。歲月日星辰曆數。三德。正直

剛克柔克。稽疑。卜之五占爲兩。齊蒙擊克。筮卦之二衍。忒爲貞。鑽蒙。擊也。鑽雲氣。絡繹也。庶

徵。雨暘燠寒風。休徵咎徵。五福六極。五福。壽富康寧攸好德。考終命。六極。凶短折疾。憂貧惡弱。是也。五行八政五紀。爲一般經

濟政事生活之基調。五事三德。人性德性上之基調。稽疑庶徵五福六極。一般社會生

活之徵驗。而其能統合此等基調徵驗。而推行其化裁彌綸之道者。是爲皇極大中至

正之道。箕子解說之曰。皇建其有極。皇一作王。君也。大也。建。建立有極。大標準也。欽時五福用敷錫厥庶民。

惟時厥庶民。於汝極。於取也。言取極於汝也。錫汝保極。使汝守極也。凡厥庶民。有猷有爲有守。汝則念

之。無偏無陂。遵王之義。無有作好。好也。私也。遵王之道。無有作惡。遵王之路。無偏無黨。王道蕩蕩。無黨無偏。王道平平。平也。不辨也。無反無側。王道正直。會其有極。會。臣民來也。於此也。歸其有極。曰。皇極之言推行王道。至其極也。敷言。是彝是訓。於帝其順。順於上也。凡厥庶民。極之敷言。是訓是行。以近天子之光。光。德也。曰。天子作民父母。以爲天下王。節錄本文。若訓詁之詳。參考王氏孔傳參正。

王道之推行。從其下面實地施設而觀之。則有所謂民極。佐王之道。是以人事爲主者也。周禮天地四時之六官。其屬各六十。係周公所制定。經綸世界。施行王道之機關也。故天官統宰第一曰。惟王建國。辨方正位。體國經野。設官分職。以爲民極。乃立天官冢宰。使帥其屬。而掌邦治。以佐王均邦國。地官司徒第二曰。惟王建國。辨方正位。體國經野。設官分職。以爲民極。乃立地官司徒。使帥其屬。而掌其邦教。安擾邦國。其餘春夏秋冬四官。亦皆如此。唯冬官今缺。不可復見耳。其云佐王也。均國也。安擾邦國也。皆欲用其所建立民生規範。以遍布王道。而作成理想上國家也。蓋周禮之爲書。雖不必無後世附託。然其總匯前代文化之結果。擷取先王道術之樞輿。以舉政教之大本。而示經綸之至軌。規模之宏。組織之詳。閎意眇旨。通關常變。斷非周公一人所臆定而手

創。孫仲容所言不我欺也。參照孫詒讓周禮正義敘文。

周禮六官之職掌法典茲概述之。曰。天官冢宰之屬。掌邦治。所謂治官是也。地官司徒之屬。掌邦教。所謂教官是也。春官宗伯之屬。掌邦禮。所謂禮官是也。夏官司馬之屬。掌邦政。所謂政官是也。秋官司寇之屬。掌邦刑。所謂刑官是也。冬官司空之屬。掌邦事。所謂事官是也。行邦治有治典。以經邦國。以治官府。以紀萬民。行邦教有教典。以安邦國。以教官府。以擾萬民。行邦禮有禮典。以和邦國。以統百官。以諧萬民。行邦政有政典。以平邦國。以正百官。以均萬民。行邦刑有刑典。以誥邦國。以刑百官。以糾萬民。行邦事有事典。以富邦國。以任百官。以生萬民。六典皆天官大宰所掌也。若其行政之法。則大宰以八灋治官府。以八則治都鄙。以八柄詔王馭羣臣。以八統詔王馭萬民。以九職任萬民。以九賦斂財賄。以九式均節財用。以九貢致邦國之用。以九兩繫邦國之民。此其大略也。至其制度施設。與社會文化關係之詳。則有孫林二氏書。可以參考。孫氏有周禮政

要。林博士書。曰。周公與其時代。茲不多贅。

周禮三百六十官。莫非施行王道之機關。而其專從事王道。指導之。輔翼之。宣揚

之者。則爲師儒。其職與天子世子之傅相。內外相輔而行之。禮記文曰。世子篇曰。凡三王教世子。必以禮樂。禮所以修外也。樂所以修內也。禮樂交錯於中。發形於外。是故其成也。懌恭敬而溫文。立太傅少傅以養之。欲知其父子君臣之道也。太傅審父子君臣之道。示之少傅。奉世子以觀太傅之德行。而審喻之。太傅在前。少傅在後。入則有保。出則有師。是以教喻而德成也。師也者。教之以事。而喻諸德者也。保也者。慎其身以輔翼之。而歸諸道者也。記曰。虞夏商周有師保。有疑丞。設四輔三公。不必備。唯其人。孔氏正義曰。世子外有傅相。內有師保。是以於師教曉喻。其德業成就。四輔者。尙書大傳云。古者天子必有四鄰。前曰疑。後曰丞。左曰輔。右曰弼。伊藤東涯制度通曰。周三公。太師太傅太保三孤。少師少傅少保三孤。又曰三少。三少與六卿共謂之九卿。六卿六官之長也。三公九卿亦謂之三槐九棘。按。周禮師氏居虎門之左。司王朝。鄭氏注曰。虎門路寢門也。王日視朝於路寢。門外畫虎焉。以明勇猛於守宜也。司猶察也。察王之視朝。若有善道可行者。則當前以詔王。果然。則師氏之職。不亦重乎。又凡祭祀賓客會同喪紀軍旅。王舉則師保二氏皆從之。聽治。鄭注。謂王舉於野外。以聽朝。亦如之。賈氏疏曰。此以王所在。皆須

詔王以美道故也。又師氏使其屬帥四夷之隸。各以其兵服。謂旃布弓劍等也。守王之門外。且

蹕朝在野外。則守內外。保氏使其屬守王闈。宮中門也。由是觀之。師保守在王門外內。隨地

隨事。指導輔翼。期無闕漏也。又師氏之教國子。以國家得失之事。為其材料。所為掌國

中失之事。以教國子弟。凡國之貴游子弟學焉者。鄭注曰。中。中禮者也。失。失禮者也。故

書中為得。杜子春云。當為得。記君得失。若春秋是也。阮氏校勘記曰。九經古義云。三蒼

中。得也。封禪書。康后與王不相中。周勃傳。勃子勝之尙公主。不相中。皆訓為得。呂覽。禹

為司空。以通水潦。顏色黎黑。步不相過。竅氣不通。以中帝心。高諺云。中猶得。然則中失

猶得失。故鄭用杜說。而不改字也。毛詩小雅節南山篇曰。節彼南山。維石巖巖。赫赫師

尹。民具爾瞻。憂心如惓。毛傳。惓也。朱氏集傳。音談。不敢戲談。尹氏大師。維周之氏。傳。音木也。集秉國之

均。傳。平也。四方是維。集傳。持也。天子是毗。鄭箋。輔也。俾民不迷。不弔昊天。平。吳箋。猶善也。不善不宜空

我師。傳。窮也。箋。不宜此人居。尊宮。困窮我之衆民也。毛傳曰。大師。周之三公也。鄭箋曰。尹氏作大師之官。為周

之錙鍤。持國政之平。維制四方。上輔天子。下教化天下。使民無迷惑之憂。言至重也。十

月之交篇曰。皇父卿士。番維司徒。家伯維宰。仲允善夫。槩子內史。槩。集傳。音鄂。蹶維趣馬。音蹶。

傳傳音 醜醜音 豔妻傳音 嬖傳音 嬖寵傳音 方熾傳音 時傳音 並處位傳音 言妻黨盛傳音 女謁行之甚也傳音 周傳音

傳傳音 豔妻傳音 嬖傳音 嬖寵傳音 方熾傳音 時傳音 並處位傳音 言妻黨盛傳音 女謁行之甚也傳音 周傳音

傳傳音 豔妻傳音 嬖傳音 嬖寵傳音 方熾傳音 時傳音 並處位傳音 言妻黨盛傳音 女謁行之甚也傳音 周傳音

傳傳音 豔妻傳音 嬖傳音 嬖寵傳音 方熾傳音 時傳音 並處位傳音 言妻黨盛傳音 女謁行之甚也傳音 周傳音

傳傳音 豔妻傳音 嬖傳音 嬖寵傳音 方熾傳音 時傳音 並處位傳音 言妻黨盛傳音 女謁行之甚也傳音 周傳音

傳傳音 豔妻傳音 嬖傳音 嬖寵傳音 方熾傳音 時傳音 並處位傳音 言妻黨盛傳音 女謁行之甚也傳音 周傳音

傳傳音 豔妻傳音 嬖傳音 嬖寵傳音 方熾傳音 時傳音 並處位傳音 言妻黨盛傳音 女謁行之甚也傳音 周傳音

傳傳音 豔妻傳音 嬖傳音 嬖寵傳音 方熾傳音 時傳音 並處位傳音 言妻黨盛傳音 女謁行之甚也傳音 周傳音

傳傳音 豔妻傳音 嬖傳音 嬖寵傳音 方熾傳音 時傳音 並處位傳音 言妻黨盛傳音 女謁行之甚也傳音 周傳音

傳傳音 豔妻傳音 嬖傳音 嬖寵傳音 方熾傳音 時傳音 並處位傳音 言妻黨盛傳音 女謁行之甚也傳音 周傳音

傳傳音 豔妻傳音 嬖傳音 嬖寵傳音 方熾傳音 時傳音 並處位傳音 言妻黨盛傳音 女謁行之甚也傳音 周傳音

傳傳音 豔妻傳音 嬖傳音 嬖寵傳音 方熾傳音 時傳音 並處位傳音 言妻黨盛傳音 女謁行之甚也傳音 周傳音

傳傳音 豔妻傳音 嬖傳音 嬖寵傳音 方熾傳音 時傳音 並處位傳音 言妻黨盛傳音 女謁行之甚也傳音 周傳音

傳傳音 豔妻傳音 嬖傳音 嬖寵傳音 方熾傳音 時傳音 並處位傳音 言妻黨盛傳音 女謁行之甚也傳音 周傳音

之稱。其所以能然者，亦因有此特殊性質故耳。然則今日儒道者，豈僅一二在官職者所行之道而已哉？曰：王道者，亦豈唯一帝王自身所行之道而已哉？孔子曰：吾觀於鄉而後知王道之易易也。凡天下有道，道之所行，無非斯道也。松陰曰：七十里而王，百里而王，乃雖賤民，亦有王有霸。世道之衰也，求霸於天子諸侯，絕無而僅有焉。何況王乎？名教之敗也，求霸於士農工賈，絕無而僅有焉。何況王乎？講孟劉記蓋此之謂也。

第二節 王道之要義——盡性與遂生

王道之實行，義雖多端，而其要領，則略如下。

一則欲貫通三才，化裁而完成之，乃是儒道經綸之本質所在。

二則欲行生道，生道者，遂生之道，亦即所謂仁道也。其承法於天，而欲完成於人者，即基乎人類根本欲求，而欲滿其究竟之理想也。董子曰：王者，唯天之施法，其道而以出治，法其志而歸之於仁，仁之美者，在於天，天仁也。天覆育萬物，既化而生之，有同又養而成之，事功無已，終而復始。凡舉歸之以奉人，察於天之意，無窮極之仁也。天常以愛利爲意，以養長爲事。春秋冬夏，皆其用也。王者亦常以愛利天下爲意，以安樂一世

爲事。好惡喜怒。皆其用也。春秋繁露王仁道諸義。論孟二書所述審矣。錦城仁說三書。

素行語類聖學篇。網羅古來諸家。攷覈亦云盡矣。後儒解仁。專以普遍空虛之理。而忘

惻隱不忍。親愛生育之實。非其義也。清末譚壯飛。箸仁學一書。唱極端之平等主義。此

一家之私言。亦無足取。仁之意義。詳見第三章第二節內正與外正義條及第四節擴充分義條左傳文公七年。晉卻

缺引夏書。言於趙宣子。以六府三事。僞古文尙書大禹謨所載。據此。六府亦見尙書禹

貢。水火木金土穀是也。三事。正德利用厚生是也。成公十六年。楚申叔時。對於子反所

說。襄公二十八年。齊晏子對於子尾所說。亦皆略同。周語曰。先王之於民也。懋正其德。

而厚其性。阜其財求。而利其器用。王念孫曰。性之言生也。經義述聞按。僞古文尙書君陳篇

惟民生厚。因物有遷。僞孔傳。以生爲自然之性。此本左傳。而轉移其義者。如梅鷟考異

所證。周易繫辭傳曰。利用安身以崇德。又曰。天地設位。而易行乎其中矣。成性存存。道

義之門。孔氏正義曰。易道在天地之中。能成萬物之性。使物生不失其性。存其萬物之


存。使物得其存成也。物之開通。物之得宜。從此易道而來。故云道義之門。中庸曰。贊天

地之化育。所謂利用厚生。存存化育。皆遂生之謂也。尙書盤庚篇曰。汝萬民乃不生。

往哉生生。敢恭生生。生生自庸。朱彬曰。易大傳。生生之謂易。蓋取變化不窮之義。周官大宰。以生萬民。注。生猶養也。與大傳天地之大德曰生。義同。重言之。則曰生生。莊子大宗師。生生者不生。釋文引崔譔注。常營其生爲生生。凡滋生謀生安生樂生。遂生之類。皆可謂之生生矣。經傳考證卷二董子曰。王者欽欽不以議陰事。然後萬物遂生。而木可曲直也。春秋繁露五行事篇五又曰。若去其度制。使人人從其欲。快其意。以逐無窮。是大亂人倫而靡斯財用也。失文采。所遂生之意矣。度制篇素行。謫居童問。乃摘出遂生二字。以該一切生活完成之義。甚爲切當。今從之。

三則欲爲其自我及萬物行其盡性之道。說卦傳所謂窮理盡性以至於命。是也。中庸曰。唯天下至誠。爲能盡其性。能盡其性。則能盡人之性。能盡人之性。則能盡物之性。能盡物之性。則可以贊天地之化育。可以贊天地之化育。則可以與天地參矣。孟子切言盡心養氣。氣性之要。董子言公孫尼子說性。與孟子相發明。循天之道篇王充論衡本性篇曰。周人世碩以爲人性有善有惡。故世子作養書一篇。宓子賤漆雕開。公孫尼子之徒。亦論情性。與世子相出人。按周漢間。爲養性之言者多。而大小荀子。力說最至。

自荀悅成書，其齋總之。所謂養性，及繫辭傳成性者，其大義所歸，皆與所謂盡性，略無差異。而盡性之盡字，含有擴充發揮完成之意。表內部自我向上發展之義。尤覺有力。故中庸特言盡性。孟子亦言盡心。皆注重盡字。後儒解之者，多以爲知見之事。非思孟本旨也。素行童問所說甚備，今亦從之。



洪範九疇。皇極爲王道中樞。其他八疇。則五事三德。是盡性之屬。五行八政五紀。

稽疑庶徵。五福六極。是遂生之屬也。

今就上所敍。表示之。如右。

遂生與盡性。爲王道之二大端。今先舉盡性。而後遂生者。蓋有說焉。孔子曰。志士仁人。無求生以害仁。有殺身以成仁。曰。朝聞道。夕死可矣。曰。篤性好學。守死善道。危邦不入。亂邦不居。天下有道則見。無道則隱。邦有道。貧且賤焉。恥也。邦無道。富且貴焉。恥也。孟子曰。生亦我所欲也。義亦我所欲也。二者不可得兼。舍生而取義者也。生亦我所欲。所欲有甚於生者。故不爲苟得也。死亦我所惡。所惡有甚於死者。故患有所不辟也。曰。人之於身也。兼所愛。兼所愛。則兼所養也。無尺寸之膚不愛焉。則無尺寸之膚不養也。所以考其善不善者。豈有他哉。於已取之而已矣。體有貴賤。有小大。無以小害大。無以賤害貴。養其小者爲小人。養其大者爲大人。飲食之人。則人賤之矣。爲其養小以失大也。飲食之人。無有失也。言不至失其理義。仁義之良心也。則口腹豈適爲尺寸之膚哉。蓋言生活之向上。人格之進修。先在養成其理義之心性也。又其說至大至剛浩然之氣。亦須以理義十分養成之。曰。是氣也。配義與道。無是餒也。是集義所生者。行有不慊於心。則餒矣。

又曰。存其心。養其性。所以事天也。殀壽不貳。修身以俟之。所以立命也。又曰。盡其道而死者。正命也。桎梏死者。非正命也。夫說卦傳所謂窮理盡性。以至於命者。與孟子所言。其意無異也。命者。韓康伯曰。生之極也。乃知命是遂生之極限。欲至於命。必以窮理盡性。窮理之窮。猶盡性之盡。言其生活力行中。推及理義。無不遍至。後儒解說。亦多偏於知見者。非是。胡五峯曰。惟仁者爲能盡性至命。釋氏見理而不窮理。見性而不盡性。音知晦庵曰。至誠盡人物之性者。非特曉得盡。亦是要處處盡其道。若凡所以養人教人之政。與夫利萬物之政。皆是也。盡心是就知上說。盡性是就行上說。語類卷六十四又曰。窮理是知字。上說。盡性是仁字上說。言能造其極也。至於範圍天地。是至命。言與造化一般。類語

卷七說盡性於行上。仁字上則可。說盡心窮理於知字上則不可。故晦庵晚年更說之曰。某初間亦把做只是知得盡。如大學知致一般。未說及行。後來仔細看。如大學誠意字模樣。是真個恁地盡。如惡惡臭。如好好色。知致亦須兼誠意。乃盡。如知得十分真切。自家須著過二十分心力。實去恁地做。便是盡。如云盡心力爲之。語類卷六十按盡者。用盡也。推盡也。梁惠王曰。寡人之於國也。盡心焉耳矣。河內凶。則移其民於河東。移其

粟於河內。河東凶亦然。察鄰國之政。無如寡人之心者。孟子曰。一羽之不舉。爲不用力焉。百姓之不見保。爲不用恩焉。舉斯心。加諸彼而已。善推其所爲而已矣。又曰。親喪固所自盡也。又曰。盡其心者。知其性也。皆言實際用盡心力於事物也。

參照第五章第四節第一段事

親親民條

窮亦推盡極盡之義。孟子曰。去則窮日之力而後宿哉。是在實行推及上言之也。

素行曰。自然與當然相因。而聖人之道立焉。天作與人作相依。而萬物能盡其性。而遂其生焉。聖人者。盡天作之實。而立人作之至善者也。故其教道。必使萬物各盡其性。此之謂建極也。譬如五穀自生。是天作也。農人播種耕耨。使之生長收藏。是人作也。此乃聖人贊天地化育之道也。夫花木各有其材質性分。必待一定制法。而始十分開發其材質性分。以顯其精。人之盡性。亦猶是耳。使人物各盡其性。遂其用。以全其材德。而各得其所。此乃贊天地化育之聖人。而可與天地參立稱爲三才者也。童居蓋遂生者。完成生活。至於極限之謂。雖由盡性始達之。不盡其性。而能遂其生。無此理也。故王道之所尚。先在盡性。盡性之道。先在自盡其自我之性。以及世界人物之全體。果能使其自我與世界。盡其性。而無遺憾。則遂生之道。自在其中矣。故王道之完成。要在合自他內

外。共盡其性。而遂其生。合自他內外。非誠道不可。故盡性遂生之道。必待誠道始達之。誠道者何。次章分析述之。

第三章 誠道

第一節 誠道本幹

王道之要義。唯於盡性遂生之道見之。盡性遂生之道。唯由誠道行之。故王道之完成。舍誠道而他求之不可得也。中庸曰。唯天下至誠爲能盡其性能盡其性。則能盡人之性能盡人之性。則能盡物之性能盡物之性。則可以贊天地之化育。可以贊天地之化育。則可以與天地參矣。又曰。唯天下至誠。爲能經綸天下之大經。立天下之大本。知天下之化育。夫焉有所倚。肫肫其仁。淵淵其淵。浩浩其天。苟不因聰明聖知。達天德者。其孰能知之。蓋王道之本。在先盡其人自我之性。而完成之。以及世界人物。其方途則唯在其人先成得此誠道而已。故王道之實行。必以誠道之通達爲尙。中庸一書。論之最浩博深遠。真羣經之統會樞要。朱氏經義考。引黎立武語。儒術之通衡輅轄也。毛西河大學證文。引馮益齋言曰。大學首誠意。中庸首誠身。誠意而歸於至善。誠身而進於至誠。故堯

本欽明。文秉抑畏。易言閑邪而存誠。禮首稱儼若而無不敬。千聖百王。未有不始於誠者也。按是書後半。專說誠道。故宋王柏疑此下非中庸。別當爲一篇。謂之誠明書。徂徠駁之曰。是不知讀書者。不可從矣。解中庸蓋中庸之道。卽在至誠之道。故書中所說。錯綜聯關。亦無可怪也。仁齋以其中說及鬼神。故斥之以爲非聖人書。拘陋之見。與王柏同。然其論誠也。乃曰。中庸言誠。而論語不言誠。何也。曰。夫子之時。周室雖衰。先王之遺化尚在。旣謂之仁。謂之禮。則不言誠。而誠自在其中矣。故其言及誠者。唯有告哀公一語耳。爾後聖遠道湮。實喪僞滋。故不先立之誠。則仁非其仁。義非其義。所以後儒屢言誠。孟子亦然。蓋因時致然。非有二端也。又解至誠經綸一章。則曰。大經者。五品之人倫也。言聖人之德。至誠無妄。故於人倫之道。各盡其極。而可以爲天下萬世之法。所謂經綸者此也。立大本者。修身以爲天下之表準也。知猶主也。知化育者。裁成輔相天地之道也。此皆非有所倚著於物而然。至誠之德。自然功用。不可以力企及也。發中庸可謂猶能不先其要者矣。至素行。則有進焉。曰。篤實無虛僞之謂誠。而是誠之一端也。至於至誠。則是不得已之道。天地之所以爲天地。人物之所以爲人物也。聖人體此至誠。而分萬

物之道。以定其禮。故能達至誠者。無所不通。所謂中庸之中。亦與此無異也。後儒於誠字。立種種工夫。務欲深長其意味。亦徒弄心性之學。非得至誠之實也。我能知其心性。之所以爲心性。乃率其心性。以盡得人道。此之謂盡性。既能盡我之心性。則能立道行禮。無不通達。故又能使天下人物。盡其性。遂其用。全其材德。而各得其所。如此者。唯由至誠不得已之道而來。非矯飾虛僞之所能致也。童居

夫誠云者。孟子趙氏注曰實也。是乃真實无妄。合理無矛盾之謂也。凡事物實有實在之形相。一而不貳之理致也。天地萬物。生生不息之道。在乎此也。中庸曰誠者物之終始。不誠無物。故君子誠之爲貴。又曰天地之道可一言而盡也。其爲物不貳。則其生物不測。案大學言誠意。中庸言誠身。言誠性者。蓋大學分說誠意正心修身三事。而中庸則合而言之耳。身也。性也。意也。皆物也。故其言誠者。其中必常含有此等所誠之物。乃使此等物。爲誠。爲實存實在。而不爲他物。此誠之所以爲誠之道也。故既有誠道行。果能使此等物。自得其誠。則此等物。始得成爲此等物。實存實在。不爲不虛也。故誠云者。一而不貳之謂也。說苑反質篇曰誠者一也是也。誠道云者。使事物實自誠爲其

自體之道也。故中庸曰：誠者自成也。荀子不苟篇曰：不誠則不獨。是也。凡天下一切事物，必先自能成其誠道，而始自能成立其獨立統一之自體，而實在於天下。故凡一切事物之實在與否，徹頭徹尾，唯視其得誠與否而決之。晦庵所謂有一尺誠，便有一尺物，有一寸誠，便有一寸物者，是也。語類六十四 若其一旦間斷而不誠，則其自體之獨立獨存，自致條然解體消滅矣。所謂誠者物之終始，不誠無物者，此之謂也。說文曰：成就也。從戊丁聽。周語曰：成德之終也。毛詩鄭箋曰：成備也。竹山翁曰：成字从戊从丁，丁亦聲。戊之效驗也。漢字詳解 案：戊者，說文威也。九月陽氣微，萬物畢成，陽下入地也。五行土生於戊，盛於戊。從戊一，一亦聲。戊者禮記月令鄭氏注：茂也。萬物皆枝葉茂盛，是戊字亦有成就一實之義也。子曰：觚不觚，觚哉，觚哉。子貢問政。子曰：足食足兵，民信之矣。必不得已而去，則去食去兵，自古皆有死，民無信不立。案：信即誠也。說文曰：誠信也。从言從成，成亦聲。立即獨立也。成立也。自體存立也。聖德太子十七條憲法曰：信是義本。君臣共信，何事不成。君臣無信，萬事悉敗，亦此之謂也。或解此條信字，專為君臣信仰佛教之事，固屬牽強附會，不足取。 周易

家人彖傳曰：父父子子，兄兄弟弟，夫夫婦婦，而家道正。正家而天下定矣。正家者，使家

誠爲家之謂也。天下定者，亦天下正定成立，實爲天下之謂也。齊景公問政，孔子對曰：君君臣臣，父子子。其義亦同。說文曰：正是也。从一，一以止。左傳襄公七年曰：正直爲正。周語曰：正德之道也。管子法法篇曰：正者所以正定萬物之命也。案是字與寔實二字古通用。爾雅釋詁曰：寔是也。公羊桓六年傳曰：寔來者何？猶曰：是人來也。禮大學曰：實能容之。今本作寔。朱允倩曰：寔字亦作寔。是真雙聲總之。正字亦有一實定立之義。是故。夫誠者能使一切事事物物實爲事事物物之道與德也。吾人人格成立實在此之根本原理原則也。天下物格成立實在之根本原理原則也。亦卽一切宇宙事物實能成得獨立自由正義之大本源也。今有人焉，其身旣已自能致誠者，則不獨其身自能成立其自我而已，又必能使他物爲他物，以其自我與世界萬物爲一體共歸於一誠之中。唯此一誠可以同蔽世界萬物。大公至正，共通平等，以使萬物各自能成其獨立自由之生活而無難。此所以誠之一道能完行夫王道之大而無遺憾也。中庸所謂誠者非自成己而已，并所以成物也。合外內之道者，卽是此義。大戴禮文王官人篇曰：終始相悖，外內不合，非誠質者也。子曰：主忠信。子張問政，子曰：居之無倦，行之以忠。忠亦

誠也。不誠無政。復何言王道哉。不誠無物。復何言合自我與世界萬物之道哉。唯其能自誠者。始實有其自我。實有其自我。而後能使萬物實有。故自我之實有。所以致萬物之實有。自我與萬物。一而不貳。何有內外之別。故孟子曰。萬物皆備於我矣。此矣字。推想將然之辭。非決定已然之辭。下莫字同。反身而誠。樂莫大焉。此所謂我者。即實在之自我。就一身能成得其誠

者言之。後儒徒以本然之理性擬之。是空疏之見。偏執之說。不可從也。蓋世界萬物。攝於天地。天地攝於太極。故人一身。果能自致其誠。使萬物與我一體。無復內外之別者。其自我中。必攝有萬物。與此同流同行。而自成一太極。則其自我即萬物。萬物即自我。一而不貳。始可言萬物之備於我矣。道德果能如是高大。內聖外王。蟠天際地。其一舉一動。自與世界萬物。直接聯關。可以建用皇極。通行王道。而無所礙窒矣。

誠道之本質。已如上述矣。而其發生與完成之過程。猶一般人道然。不可不別求之於人類自然之本性。及其所追求當然之理想。是則誠道者。亦可謂本於天。而成於人者也。但此誠道之進行。可以決定第二次理想上之實在。比諸第一次素朴認識思惟上實在之指示。更得一層確實。參照第一章人道與天道中庸曰。誠者自成也。而道自道也。性之

德也。蓋吾人所行誠道。其所以生起之本原。唯在吾人自己所享於天之性能。是即吾人現實上自我本有之欲求活動。使其自然作爲經綸。必欲以其現實上自我。實成爲其理想上當然應有之完善之自我。而後已。若能實現此理想上完善之自我者。是吾人自我之完成。而得其實在者。乃誠道之完行者也。吾人作爲活動。必追求此理想上自我。不能已者。即誠道之所以生起發展。亦吾人現實上本有自然之天性使然也。故誠道者。徹上徹下。唯可行於自然之天性。與當然之理想之間者也。不誠無物者。猶云下不由天性。上不從理想。即不可求得實在自我也。是故自我之實在。必繫之於天性。與理想。中庸所謂豫想前定之道。能成立事物者。亦不外乎此也。然理想者。亦人類自然欲求之所起發也。雖爲天性所本。但不可謂理想即爲天性。故自我之生成。其本末終始。不可不分別觀之也。今所謂人之天性者。固本乎天。在天則指其理氣之性情言之。在人則指其理性及情意感性一切意識上性情。成其自我內容者言之。此等人類性情。因自備有認識作爲欲求活動之性能也。於是其中自有成性之欲求起。而欲使其現實自我之形相內容。必合其理想。以致完成而後已。所謂理想者。其內容之複雜。

雖與現實自我相似。然其形相。要由理性構成之。而自能理治其複雜之內容。使其得成合理無矛盾之統體。所謂理想上自我者是也。如欲必以此理想上自我。向下而實現於現實自我上。則必使其現實自我之內容。亦能向上而致合理無矛盾。與理想上自我無異。而後可達其目的。參照第三篇第二章作爲經綸之本質換言之。必使其情意活動。歸於理性之統治。以致其自我內容全體之誠正完成。而後可。是故其情意之既致誠者。其欲求活動。作爲經綸。必與理性協同作用。以合於其理想。故誠云者。實理之謂也。完全合理之知識也。誠者云者。情意欲求作爲活動之能致合理完成者也。誠云者。自我作爲完成統體之形相理致也。誠者云者。自我成立之形相理致。兼其作爲成體之內容本質而言之也。學庸必言誠意。言誠身。又言誠性者。皆并舉此形相與本質兩方面而見之也。形相可以知識髣髴模樣。而諦認之。而本質則不可。蓋本質者。德人康德氏

manuel Kant, 1724-1804 所謂事物自體 Ding an sich 是也。世人多專舉單數之

Dinge 非知康德本旨者。蓋因尋常所謂學者之學。其世界觀。多偏著普遍之本體。未嘗於特殊事物。身經體察。故徒道聽塗說。意趣空漠。不堪玩索。往往此類也。參考巽軒先生論文。題曰現象與實在。載在哲學雜誌第四百四十八號。但其譯語。巽軒先生用物如二字。桑木氏

用物自體三字。而世上一般通用物其自身四
字。區區有不同。今定作事物自體。似較穩當。

康德謂事物自體者。不能以純粹理性

知之。因吾人認識之力。唯限於形相故也。於是。夏考白氏 Friedrich Jacobi, 1743-

1819 補說之曰。事物自體者。唯感情能直覺之。非希特氏 Johan Gottlieb Fichte,

1762-1814 則曰。事物自體者。唯在自我之活動見之。終歸於主觀之自我自體。卽自

我之觀念是也。至叔本華氏 Arthur Schopenhauer, 1789-1860 則曰。事物自體者。意

志是也。參考文特爾 彭氏哲學史今平心而觀諸家之說。皆執偏見。失其正鵠。夫學庸所謂誠意誠

身誠性者。誠則言其意。身性所以能實在存立之理致也。意身定則各言其誠。所使實

在存立之本質也。故誠意之意。事物自體也。誠身之身。亦事物自體也。誠性之性。亦事

物自體也。雖然。事物自體者。非唯單純意志之謂。如叔氏所說也。必唯誠意之意。而始

可以言實在存立。可以言事物自體耳。若去誠字。而獨求唯意之實在存立。不可得也。

蓋意志者。亦性情之一種。而實成其中核。不可不重視之也。故叔氏謂。世界一切事物。

不過爲一意志之表象。其尊意志也至矣。然惟單純意志則失理性之統治。徒事盲目

活動。其所作爲。必不免自爲矛盾衝突。而陷於自體之解散。大學曰。心不在焉。視而不

見聽而不聞。食而不知其味。晦庵曰。不誠則心不在焉。視不見。聽不聞。是雖謂之無耳目可也。語類卷六十四子曰。諦自既灌而往者。吾不欲觀之矣。晦庵曰。諦自既灌而往。誠意一

散雖有升降威儀。已非所以爲祭祀之事物。如不祭一般。亦見語類卷六十四論語曰。祭如在。如

神在。子曰。吾不與祭。如不祭。朱注引范氏西祖曰。有其誠則有其神。無其誠則無其神。誠

爲實。禮爲虛也。可見不誠無物。意亦云然。於是叔氏復力矯其弊曰。究竟之安心滿足。

唯在拒斥意志。歸於靜寂之涅槃。遂乃至推獎人之自殺而止。過重意志。而反致輕之。

謬哉。无妄九五象傳曰。无妄之藥。不可試也。言將因藥生疾致死。其殆叔氏之謂歟。佛典

亦言菩薩執空之病。心地觀經曰。無病服藥。藥還成病。空治有病。無藥治空。輓近又有尼采者。Friedrich Nietzsche, 1844-

1900。推演叔氏意。更趨極端。竟謂唯強力之意志。乃足以完成個人之自我。於是舉世

之好奇者。均歡迎其所謂自然。超人之說。權勢求勝之主義。營營孳孳。唯霸道是講。德

國哲學之偏僻流弊。至是極焉。而其國亦因之致暴動。而衰頹矣。夏考白以唯一感情。

爲事物自體。是其偏見。與叔氏無擇。唯非希特之舉自我之活動爲說。較長於諸家耳。

蓋事物自體之爲何物。其可徵之者。唯於事物自體之自覺得之。而吾人自我之活動。

亦不外於事物自體之活動。則事物自體之爲何物。即可於吾人自我自體活動之自覺見之也。然菲氏必謂自我之觀念卽爲自我自體。乃欲專依認識上方途。論理上形式。以證明其自我自體之存立。見其知識學序論則亦未能脫出近世歐陸純理學派傳統之窠臼。偏重理智之弊。其不可救也如此。且菲氏偏重主觀觀念。置客觀自然世界於度外。而不顧。尤非所以合外內至誠之道。於是謝林氏 Friedrich Schelling, 1775-1854 一派學者。始組織所謂同一哲學。Identität-philosophie 以自然與精神兩者。視爲同一絕對者之二面。以欲救菲氏之偏見。然其說絕對者之爲何物。則猶有未盡者。至黑格兒氏 George Hegel, 1770-1831 出。乃以此絕對者爲單純理性之觀念。謂自我與世界。俱不過爲理性觀念之顯現發展。遂以唯一論理上之法則。視爲一切人物活動成立之法則。終使其說不可通行實際生活。此皆主知主觀念之學。永久不可擺脫之弊竇也。夫事物自體者。凡宇宙萬物。理氣性情全體之實在者是也。參照第一章理氣性情全體自能致其誠。而得統理獨立者是也。其能自覺此實在獨立之自體者。亦唯可於吾人自我全體活動統成之中。自能體得之。而決定其自體之確實存立也。參考西田博士

曰者書一曰思索與體驗一奇。但此境域亦唯實能進在其中者始能自得之。故中庸必言誠身言誠性者亦欲其自我性情全體自能進修統理活動不息而得其實在存立也。

大學之特言誠意者只因意志爲人格活動之中樞自我獨立之中核故耳。凡偏重理智專言觀念或概念者徒摸捉事物之形相理致而失其內容實質。王陽明致良知之說亦拘拘於致知之知字與誠意之誠字而遺致字與意字之要義。明末已有指摘此缺陷者如劉蕺山

是參考明儒學案卷六十二。祖述孟子唯尊良知而不顧良能故雖設知行合一。事上鍊磨之工夫以濟實地之用。又因其爲人精力絕倫以能遂行偉業。然於其思想之根本固已自相矛盾矣。至其門流則或墮於偏枯或失於矯激率多揣摩摸索未得中道。凡此皆宋元以來性理學家之通弊也。

顧非希特氏以後。至輓近文特爾彭。見上列該爾德 (Rickert) 諸氏。所謂價值哲學

一派之徒。則專認自我自體 (Ich an sich) 之意識。而不別認事物自體 (Dinge an sich)

之實在。又專認主觀上對象。理想上規範。而不認客觀上對象。自然界之理法。參考非氏書知

識學序論列氏書認識之對象。夫所謂自我自體者。與事物自體。二而一。一而二者也。蓋二者同屬理

氣性情所成。其本質固爲同一。參照第一章理氣性情條則能認得自我自體者。卽能認得事物自

體者。譬如孟子所謂知其性則知天是也。繫辭傳亦曰復三三自知也。而事物自體。唯

可依自我自體而認之。不可離自我自體而認之。則二者二而一也。然而二者相對上

之獨立存在。亦不可不認之也。周易雜卦傳曰。臨觀之義。或與或求。此言是一卦體三

三中。可以分立上下。臨觀地澤臨相對之兩義。古來學周易者。率視臨卦傳以爲繫辭

傳所謂因貳以濟民行者。亦此之謂也。今彼菲氏。唯認自我之存在。不認非我之存在。

如是恐至其自我之存在。亦不能認之也。但菲氏所謂絕對自我者。似獨立存在。而其

實所謂絕對者。不可以尋常自我之名命之也。蓋唯有自我故有非我。自我與非我。相

對而存。唯有此相對而存者。故有絕對不相對者。存焉。絕對者亦竟不能離相對而獨

存也。故絕對者既非自我。亦非非我。然亦非全離於自我與非我而獨存者。乃包攝自

我無非我二者而統合之。以歸一原之實體。卽易所謂太極是也。太極雖非兩儀。非三

才萬物。然亦不可全離兩儀三才萬物。而孤懸獨存焉。既審此義。則非我之與自我。可

相對而立也。亦明矣。列該爾德氏謂。認識之對象。不在實在。而在應當。一作常然。又

Sollen

或譯作當爲，又作不許不，皆不穩當。

之判斷規範。蓋一切知識。唯由此判斷規範而生。此判斷規

範。在理想上價值定立之。其能定立此判斷規範者。亦唯在吾人活動作爲之中而已。列氏據此主觀理想上實在之對象。蔑視客觀自然上實在之對象。以爲單純認識上自然之理法。不足言實在之認識。真正之知識也。案列氏言吾人實在之認識。真正之知識。必待於理想上規範。作爲之活動者。其意甚善。而其言認識之對象。唯在應當之判斷規範。而不在實在即事物者。則恐馳末忘本。不免偏見也。何則。所謂應當之判斷規範。亦唯由吾人理想。始可得定立之。理想者。非空虛之想像。又非形式上命令之類。必須以實際世界之知識。客觀上對象。爲其基礎材料。而構成一種有內容之想像者也。此實際世界之知識。客觀上對象。亦必須先以夫自然世界如是之形相理致。認識之。思惟之。而後得之。其至極者。卽爲自然世界如是實在之知識。此乃所謂第一次單純認識。思惟上之實在參照第一條與吾人所求理想規範。因無直接緊要之關係者也。康德氏雖早已以一切認識。歸於自我之主觀。以自然界統一之境界。視爲自我主觀之所生。以證知識之確立。然猶未至連關於理想。而認定其實在。故亦不過徒否定一

切實在。以爲唯可思惟。而不可認識者。乃以此全排去於知識範圍之外。非列諸氏論說。蓋有所本也。雖然。此種知識上論說。豈足以滿吾人究竟之欲求哉。吾人人格之活動。至無已也。決不能以如上所舉單純知性上認識思惟。自致滿足。又必欲獲得一層完善之世界。於是乎有所謂作爲經綸之活動起焉。此活動乃先依其知性與感性所齎基礎材料。構成其完善之理想。據此理想以定立夫應當之規範。而決擇至完至善之事物。認定究竟之實在。而確立之。是故。究竟實在之認定確立。必待於吾人意識活動之第二次覆檢。而後得之。非素朴認識。單純思惟作用之所能及也。雖然。此覆檢之功。若非先待於第一次單純素朴之知識。則其覆檢之標準。理想之內容。不特不能具有妥當之材料。將恐陷於混茫之空觀。徒得形式上法則。不復存其實體而已。此其所以專依純粹主觀。論理上認識。而遺失客觀上之事物自體。乃主張對象之認識。而排斥認識之對象。列氏說終欲廢棄第一次單純客觀之知識於不顧也。可謂偏矣。凡事豫則立。不豫則廢。中庸夫世界一切事物之成立。必須本末內外。互相豫想前定。而後得之。參照第四節
誠身明善條故豫道之義。於康德氏實踐理性批判論。亦略見端倪。但其所舉。限於

不死神自由等形而上究竟絕對之豫想。Pantlat 未及中庸書所言之廣大精微。中庸豫道之至者。誠者也。誠者天之道。自成自道。其爲物不貳。成己成物。合外內之道也。

參照下文及第二節智義條

能使自我與外物主觀與客觀理想與現實皆歸於一者也。不誠則無

物。卽不能合外內使之歸一舉皆虛妄何可言之有。參考意國亞聊他氏 A. Volta 著書科學上唯心論之反動 The Idealistic movement, 1912

誠道始終本末之過程。前已略述之。今更宜就其內外依倚之法。再加考察焉。夫人之天性。既能致誠正者。其真實自我之本質。活動不息。必自能顯現於外部世界。成爲善言善行。而不可掩。故中庸曰。自誠明謂之性。此誠字明字。其下各宜添一者字。否則恐墮於抽象純理之空觀。如明代禪家諸解然。卽如藕益四書解。道之小參問答。德清中庸直指等類皆是。蓋使人爲誠人。由誠人爲明善之人者。唯其所具性情活動之所能使然。故曰謂之性。非別有高遠深奧幽眇不測之義也。又非專指聖人性格如漢宋諸儒所言也。荀子不苟篇曰。不誠則不獨。不獨則不形。蓋言唯由誠道。得其自我之獨立統體者。始能以其自我之性情。顯現於外部世界。行住坐臥。自成爲善言善行。而不可掩也。雖然。誠道

者。非唯由內部自我性能生起發顯而已。且由外部人爲修治之力。而進步發展不已焉。故吾人自我發展完成之道。有待於外部教化修爲之力者固矣。中庸曰。自明誠謂之教。蓋明也者。卽明善之謂。故中庸孟子皆曰。不明乎善。不誠乎身。明善者。言務以善言善行。明示之世間實際。而踐行之。後儒鄭朱等注家。皆以明善爲知善。亦偏重知解之見。獨徂徠乃曰。措諸行事。粲然可見也。中庸解卓然特識。匪夷所思。其所謂東方夷人者。不過自謙之語耳。孔氏正義曰。誠身有道。不明乎善。不誠乎身矣者。言欲行至誠於身。先須有道。明乎善行。若不明乎善行。則不能至誠乎身矣。案孔氏以善爲善行。此蓋徂徠所本也。然至明字之義。則未免含糊不靈。必待徂徠。而後炳乎活躍如是矣。要之。此由外部修爲。成得內部真實自我自體之道。是乃所謂教化之事。與彼由內部自我性能所生起發顯之道。外內相須。徹表徹裏。以成一種合同之法式。使誠道進行發展。又使自我與其所住世界。俱由現實進於理想。化裁彌綸。得盡性遂生而至於完善也。誠道之進展。既有本末過程。內外依倚之關係。必待天性與理想。始終相因。性能與教化。依倚合同。而後能致自我及世界萬物之完成。然則誠道之進展。完行王道之

通達成就。必有待於吾人理想之向上。與教化之發達也。可知。而其能使吾人理想向上。教化發達者。亦除推行此誠道外。別無他術。何也。蓋吾人完善作爲生活之理想。雖可層層向上無窮。然必須唯在誠實者求之。以此誠實之理想。實現於現實自我。及世界上。換言之。必須使其理想上誠者。誠於眼前地上人間而已。但此種理想上誠者。果何在耶。吾人仰觀俯察。凡作爲活動之廣大完善。固無若天道運行之誠實不愆也。孔子曰。天何言哉。四時行焉。百物生焉。周易觀卦象傳曰。觀天之神道。四時不忒。中庸曰。天地之道。可一言而盡。其爲物不忒。則其生物不測。此皆足以見天地作爲之道。誠實不忒之要略矣。於是。吾人作爲生活。終以此天道之誠者爲其理想。而欲實現於人間地上。乃爲之努力推行。精進不已。此實中庸豫道之至。而誠道之所以爲誠道。亦人道之所以致其完成。素行所謂盡天作之實。而立人作之至善者。是也。參照第二章故中庸曰。誠者天之道也。誠之者人之道也。誠者天之道。是吾人所豫想前定理想上之物。吾身所未實有者也。誠之也者。吾人使天道之誠者。實現於現實之自我。及世界上。而措諸實際言行活動中。也。苟欲得人道之完成者。必當如是作爲行動。若然則吾人生活活

動。當行之根本規範。於是定立焉。故孟子亦曰。誠者天之道也。思誠者人之道也。案。思者。思求也。欲求也。企求也。思慕努力。追求不已。必欲交參而實得之。契合而爲一體。非單純認識知覺。理會思考之謂也。孟子所謂文王望道而未之見。周公思兼三王。以施四事。其有不合。仰而思之。夜以繼日。又所謂孔子豈不欲中道哉。不可必得。故思其次者。亦卽此義。言以天道之誠者。豫想而前定之。以爲自我作爲當然之理想。將欲與此合一。同行不已。乃爲之努力。向上參求。向下實現。措諸行事。明善不倦。其中所定立之規範。是爲吾人現實生活一般當行之人道也。孟子思字。與中庸誠之二字。互相照映。以發明其欲實現理想努力精進之義。妙不可言。而後儒註解。無一得其切當者。豈古人語簡難通使然耶。抑亦後人思索力之衰頹所致也。思孟之後。說理之家。世推宋明諸儒爲優。晦庵傑出其間。統攝前此諸家。經營慘澹。遂於斯學之形而上見地。開拓一新生面。厥功偉矣。而其弊也。好爲道統之論。褊執意見。以張門戶。專務回護助長。而無所批判匡救。其集注孟子書。未附伊川所撰其兄明道墓述。以結之。曰。周公沒。聖人之道不行。孟軻死。聖人之學不傳。道不行。百世無善治。學不傳。千載無真儒。無善治。士猶

得以明夫善治之道。以淑諸人。以傳諸後。無真儒。則天下貿貿焉。莫知所之。人欲肆而天理滅矣。先生生乎千四百年之後。得不傳之學於遺經。以興起斯文爲己任。辨異端。闢邪說。使聖人道。煥然復明於世。蓋自孟子之後一人而已。案思孟之學。淵博無涯。故其言性言誠。有概說一般。現實上理氣性情者。有主說其理致形相者。又有暗指理想上本質爲說者。臨時成義。語各有當。不必如程朱輩。專以一理性拘囚之也。晦庵注中庸曰。誠者誠實无妄之謂。天理之本然也。誠之者。崔東壁遺書。孟子事實錄。餘說曰。誠子作思誠之安適。是卽中庸發孟子之明證。案夫急於事實之證。明而忽於文義之理會。是考據家之通弊。博識如東壁亦不免也。未能真實无妄。而欲其真實无妄之謂。人事之當然也。本然當然之別。辨得自明矣。其必截天理人事。以爲不相容之二元。遂至言絕無人欲之私。而純歸天理之公。以成明道之說。殊失先聖所傳天人同原合一之深旨。此種支離之見地。已不及董子之精。卽無以盡思孟之微傳。統云乎哉。參照第一章三才條。及第三章第四節第三段禮樂條。天理人欲夾注。陸象山曰。天理人欲之言。亦自不是至論。若天是理。人是欲。則是天人不同矣。此其原蓋出於老氏。又曰。書云。人心惟危。道心惟微。解者多指人心爲人欲。道心爲天理。此說非是。心一也。人安有二心。莊子云。眇乎

小哉。以屬諸人。警乎大哉。獨遊於天。又云。天道之與人道也。相遠矣。是分明裂天人而爲二也。錄語案象山於天人之關係。不無所見。然至其心卽理之說。則猶未足以盡夫天人合一之義。斯爲憾耳。晦庵又注孟子曰。誠者理之在我者。皆實而無僞。天道之本然也。思誠者欲此理之在我者。皆實而無僞。人道之當然也。所言似得明晰。而實則空揭虛構之形式。而遺充實有力之內容。其於實際世界。人道之實地踐行。非矯揉至極。必絕少影響。所以然者。因僅見及吾人現實上自我所具有。本然自然之理性。未至吾人所豫想前定向上參求。當然之理想上自我本質。故不能審辨自然與當然。現實與理想。所以互相同異分合之故。而其故而其強求之解也。勢不免偏執理性之知覺。思惟而忽略情意之欲求。活動終至悖於先聖所遺。人格全體活動作爲。生成不息之道。而陷於其復性寂靜之主義。而不自覺也。雖然。此種過失。豈獨程朱輩爲然哉。凡依據素朴實在論。偏重理智。好談哲學之徒。東西古今。其揆一也。真儒不出。誠道不明。天人物我。理氣性情。上下隔絕。外內不合。精義埋晦。千古蒼蒼。可爲浩歎已。

世人動稱宋儒學說受佛教影響之大。然是亦多屬揣摩臆測之談。非詳盡其真

相者也。夫濂溪明道之學行。有負於當時所流行禪學之功夫。誰不之知。有遺書可見。至於伊川晦庵以下。則其急於排佛也。不復遑於其教理之深究。一概措諸不問。傳云。晦庵早歲游學時。篋底藏有一部大惠書。其於佛學。亦不過如是云爾。既缺其功夫。更不復爲之究明。何足語其精奧哉。故其注經傳。雖有一二言辭。借自佛書。如所謂事理理欲之辨。然其取義也。僅止於天臺三藏通別。華嚴小乘始終大乘教終始頓。諸教之間。俯仰遲留。闇中摸索。未得超至圓教。事事無礙。相即相入之境地。而豁然貫通。故必峻別天理與人事。強分天理與人欲。以成一家偏側傾危之見。乃以此推自一切人物。性情理氣之關係。以至於太極之絕對。而徒見其相對。終不能見其絕對而止。即視太極爲理。而氣在其外者。以二元觀終。宜矣。膚淺補綴之學說。不唯不得佛教大乘之深旨。又不能合於儒教經傳之精義也。象山語錄曰。晦翁之學。自謂一貫。但其見道不明。終不足以自信。其習熟足以自安。此翁書云。揣量模寫之工。依倣假借之似。其條畫足以自信。其習熟足以自安。此言切中晦翁之膏肓。皇侃論語義疏序曰。此書義文兩立。理事雙該。圓通之教。如或應示。故蔡公云。物有大而不普。小而兼通者。譬如巨鏡百尋。所照必偏。明珠一寸。鑒包六合。以蔡公所喻。故言論語小而圓通。有如明珠。諸典大而偏用。譬如巨鏡。誠哉是言也。案天臺三

千三諦之法義。華嚴十玄六相之緣起。所立法式雖多。要其究竟之具體。進修行道之實際。約略舉在魯論二十篇中展開者。凡吾人日用平生。進退應對之節。行住坐臥之度。只見斷片散殊之不齊一。而能得事事無礙。圓融卽入。可以目擊而道存。所謂大乘之至境。舍此而何適哉。晦庵集注斯書。引伊川說。必言仁是孝弟之本。非孝弟是仁之本。性相近者。專就氣質之性言。非謂本然之性也。案朱注本學而篇。孝弟者其爲仁之本。與日本所傳古本。皆無爲字。今皇疏本有爲字之爲誤衍也。可據後篇疏中所引本文以證明之。參考懷德堂刊武內氏校勘記。何晏集解。皇侃邢昺疏。亦皆不說爲字。獨伊川乃曰。孝弟謂之行仁之本。則可。謂是仁之本。則不可。論語是讀爲字作行字。以爲必不可缺者。何知孝經曰。夫孝德之本也。管子曰。孝弟者仁之祖也。唐玄宗孝經御製序。卽以孝爲百行之源。則孝弟之爲成仁之基本。無可疑也。言朱注之謬者。由仁齋論語西河四書首唱之。徂徠論語履軒中井氏論一堂東條氏論等皆從之。程門諸氏。解爲仁之本。皆略同伊川。獨游氏爲異。曰。孝弟也者。置之而塞乎天地。溥之而橫於四海。人此者爲仁。履此者爲禮。宜此者爲義。信此者爲信。順此者爲樂。茲非仁之本與。知孝弟爲仁之本。則本立而道生之說見矣。見晦庵編論孟精義

此其立異於當時。而卻得其正者。可謂僥倖矣。如象山輩。則終不得其解。而悍然橫決。謂有子之言未然也。遂大啓後學附和詆誣聖門聖經之漸。噫。觀乎知者之過。而道之雖明。可知矣。至性相近之性。爲人人所享有尋常一般性質。非專指氣質。又非專指理性。仁齋東原駁正既晰。不待復辨。但朱注諸若此類。履軒所謂玩味之卮言。妄鑿經意。強就已見。偏重普通抽象之純理。本體。而蔑視特殊具體之事實作用。豈出於時勢之不得已乎。抑亦體認之未至究竟極地歟。願從來世上所謂學者窮理之學。古今東西。率多如此。自畫無進境者。何足與言君子實際體究自得之道也。參照第二節仁智交參條及第四節第四義未條 仁齋曰。論語者。最上至極宇宙第一書。旨哉斯言。惟宋儒不知耳。

誠道之本質。與其發展之過程法式。及其實際完行之要道。既已悉論次之矣。今更欲通觀誠道發展之次第。就其實情考檢其影響所及。以明其所以能爲一切事物規範之故焉。中庸曰。其次致曲。曲能其誠。其次者。未達得至誠者之謂也。致曲者。盡行委曲。無所不至之謂也。能有誠者。能得自誠其身。而次第發展之謂也。夫萬物散殊。環境錯雜。而吾人自我之生活於其中。努力順應。無適無莫。以能十分遂行其明善之道。

隨時隨處。顯諸日常種種言行之間。此之謂致曲也。周易文言傳曰。君子進德修業。忠信所以進德也。修辭立其誠。所以居業也。亦是此義。蓋必自我果能修辭修業。忠信立誠。盡其委曲。始可實得成其所求之真自我。而在焉。凡實有實在者。必自顯現作爲。而不可掩。中庸曰。莫見乎隱。莫顯乎微。詩曰。神之格思。不可度思。矧可射思。夫微之顯。誠之不可掩。如此夫。今其自我。既能得實有實在。則其真自我之性情形相。必漸次發顯於外部環境。自爲善言善行。而不可掩。不可掩。則可以此善言善行。昭明萬物。使萬物仰而觀之。感而動之。生生化化。恆久不已。故又曰。天下至聖。溥博淵泉。而時出之。溥博如天。淵泉如淵。見而民莫不敬。言而民莫不信。行而民莫不說。是以聲名洋溢乎中國。施及蠻貊。舟車所至。人力所通天之所覆。地之所載。日月所照。霜露所隊。凡有血氣者。莫不尊親。故曰配天。又曰。誠則形。形則著。著則明。明則動。動則變。變則化。唯天下至誠爲能化。此亦彼所謂爲物不貳。生物不測之義也。宇宙森羅萬象。皆由此一誠者發動。而呈露萬千種種特殊形相。粲然成天地之文。故誠者。天地萬物生成之原動力也。一切事物成立之至高權威也。孟子亦曰。至誠而不動者。未之有也。

動謂感
動人物

周易中孚象

傳曰。柔在內。而剛得中。

內三三言六三五六得中也

說而巽乎。乃化邦也。豚魚吉。

荀慈明曰。豚魚三艮山

下豚所處。兌澤中。魚所在。

信及豚魚也。利涉大川。乘水舟虛也。繫辭傳曰。子曰。言出乎身。加乎民。行

發乎邇。見乎遠。言行君子之樞機。樞機之發。榮辱之主也。言行君子之所以動天地也。

可不慎哉。案。慎猶學庸慎獨之慎。亦有誠字義。

詳見第四節第一段

无妄卦辭曰。无妄无亨利貞。

其匪正有眚。不利有攸往。彖傳曰。无妄剛自外來。而為主於內。動而健。剛中而應。大亨

以正天之命也。象傳曰。天下雷行。三物與无妄。先王以茂對時育萬物。虞仲翔曰。妄亡

也。謂雷以動之。震為反生。萬物出震。无妄者也。故曰物與无妄。

李氏集解

來矣。鮮曰。天下雷

行。震動發生。一物各具一太極。是物物而與之无妄者。天道之自然也。茂對時育萬物。

樽節愛養。輔成裁成。使物物各遂其无妄之性者。聖人之當然也。

周易集註

乾隆述義曰。震

應乾。動以天。曰无妄。震故元亨。艮故利貞也。

艮言二三四互體

天心復。

言初九

而无妄。所謂誠也。

行於天之下。而鼓萬物者。雷也。雷以時行。而不妄行。物與雷俱出。而不妄出。天下雷行。

陽氣普遍。而物不滯於達。物之无妄。視雷之无妄。故曰。物與无妄。先王之育萬物。亦體

雷行及時之義。茂勉而對越之。對時者。順合天時。育物者。因材而篤。雷震於發生之時。

故於震取時。乾元爲資始之本。故於乾取育。可謂善說天人合一於誠道之理者也。今夫世界實有者。必能自現。而作爲生成不息。猶易有太極。是生兩儀。兩儀生四象。四象生萬物。其理氣性情之所發動。茲有生道之推行焉。天地人物。莫不皆然。繫辭傳曰。天地網緼。言二氣密交。專一而不二也。萬物化醇。男女構精。萬物化生。易曰。三人行。則損一人。一人行。則得其友。言致一也。釋損卦六三爻義。言散殊萬物。生於相對之二形質。相對之二形質。生於絕對不二之一實體也。故吾人若能實行誠道。完成其自我一實不貳之人格。頂天立地。維持其獨立自由之生活。則所謂生道之推行。自在其中。而其道必及他人之人格。與萬物之物格。使各盡其性。而遂其生。不息無疆。偕入一實不貳。自由獨立。恆久之生活。眼前大地。穆然洞然。實現夫博厚高明。圓滿自在之理想世界。中庸曰。至誠無息。不息則久。久則徵。鄭注。徵猶效驗也。或作微。王引之經義述聞曰。作微者爲長。微達也。由人物之性之事。亦發育峻極之事。亦即見而敬。言而信之事。此解得之。徵則悠遠。悠遠則博厚。博厚則高明。博厚所以載物也。高明所以覆物也。悠久所以成物也。博厚配地。高明配天。悠久無疆。如此者不見而章。不動而變。無爲而成。如是生活。如是世界。豈非真而善而美之極致乎。孟子更分

說六段階級。曰。可欲之謂善。有諸己之謂信。有諸己言實有善於己也。信誠也。真也。充實之謂美。充實而有光輝之謂大。大而化之之謂聖。聖而不可知之之謂神。夫誠者。本爲可欲者。故善亦爲實有諸己者。故信亦爲能充實圓滿者。故美。其至極者。則爲大爲聖爲神。中庸曰。至誠之道。可以前知。國家將興。必有禎祥。國家將亡。必有祲鬻。動於蓍龜。著於四體。禍福將至。善必先知之。不善必先知之。故至誠如神。類如也。非似如也。又曰。君子之道。本諸身。徵諸庶民。考諸三王而不繆。建諸天地而不悖。王引之曰。建字當作達。孔氏正義云。君子行道。須本於身。達諸天地。是也。唐石經以悖。誤作建字。樂記曰。禮樂刑政。四達而不悖也。亦同語意。若如今本作建。則與不悖二字。義不貫通矣。質諸鬼神而無疑。百世以俟聖人而不惑。是故。君子動而世爲天下道。行而世爲天下法。言而世爲天下則。蓋言誠道以成君子之人格。君子之人格。以成就貫通三才之王道。其語默動靜。直成天下萬物恆久普通之法則規範。於此可知誠道者。不獨爲吾人自我及一切人物所以實在之究竟原理。且爲吾人完成其自我及人生世界所作爲經綸。一切道術法則之最根本普關之大規範也。故凡一切規範科學所講求之規範法則。俱應本此最根本普關之大規範而定立之。尋繹布演。以範圍世界萬彙。各使盡其性。而遂其生。不然。諸學徒據其

特殊之基準。以設立種種便利之法則。便則便矣。其如不能盡善盡美何。終亦支離。牴牾。自致解體破滅而已矣。故苟欲勉強遂行此種法則。則又不免於推人生與世界。使陷支離解體之厄。焉能完成之。要之。凡所謂政治法律。經濟交通。國家社會。農商工藝。以及教育倫理等。一切所以經綸人生與世界之具。所根據而推行之道。無一脫離此誠道之綱目。而自能成立者也。故誠道之本幹。及其所該一切法式。於吾人作爲經綸之事業。非唯爲根本共通之大道至德已也。且爲根本共通之義務權利焉。以下逐次詳審其法式。


第二節 誠道表面一般法式——內正與外政——成己（仁）與成物（智）（義）——執善之道（勇）

王道與誠道。互相豫想前定。表裏俱成。雖不可分離。亦非無形式之差異。王道則從天地人三才。上下合一之關係。推至四方世界人物之廣。誠道則從自他內外合一之關係。推至上下天地萬物之大。一則由上下貫通縱面關係起。以及於前後左右普遍橫面關係。一則由前後左右普遍橫面關係起。以及於上下貫通縱面關係。二者之


特殊形相。大體如是。惟誠道由吾人自我內部。直接起發。故吾人欲推行王道。貫通三才。徹上徹下。盡性而遂生。亦須以誠道徹內徹外合體。

自他之諸法式。為其實地布施之塗轍。而達成之。

誠道諸法式。乃誠道本幹之所以一貫樹立完成之根柢枝葉也。參照附圖儒道



王道形式




誠道形式

根柢枝葉。與本幹相成一體。不可分解支離而存也。明矣。然必分析而觀之者。敘述之便。不得已也。其法式。先由自他內外之關係。二分其大體。此係從內外相依。豫想前定。以成誠道之發展者。而其內則專屬自我性情內部之心術。表右側中其外則專屬人羣庶物間修為之道法。表左側中又由道術所行顯微本末之關係。二分其法式。此係從表裏相依。豫想前定。以成誠道之發展者。而其表則專屬物我格式一般統正之道。表正外中其

裏則專屬物我素質實際修養之道。表中式性由此實際修養之道。而後層層進入直接實地踐履體行之工夫。表中式性求擊化剛克柔克等類。反至其使此等諸法式。能為實際活動推行之道德者。唯待於誠道本幹。徹上徹下。一貫發展之要道而已。表中式性之道。以至中庸權衡之正道。如此而天人上下一貫之道。始實行於自他內外。相依相豫。合體踐履之間。

今茲所謂物我格式一般統正之道。乃由內正與外政兩方面而成。內正者。吾人內自反省。使其自我合於誠道。得其正成。以自我實為其自我。所謂人格成立之道是也。外政者。吾人使外部人類。及一切事物。合於誠道。得其正成。以事物實為其事物。所謂人格及物格成立之道是也。內正之法式在成己。一切修身修己正己等事屬此。外政之法式在成物。一切開物成務治人成人等事屬此。中庸所謂誠者非自成己而已也。所以成物也。合外內之道也。蓋即此義。案誠成正三字。語義相通。其說已見上節。政字義亦通同。說文政正也。从支正聲。支小擊也。从又卜聲。案政字形聲兼會意。小加事。物。以人為之力。使致其正也。論語政正也。管子書所載同此。論語有政。馬氏注。政者有所改更匡正。周禮夏官掌邦政。鄭氏注。政者所正不正者也。由是觀之。凡政者正一切

事物。入諸規範。使得其誠成之道也。今世所謂政治經濟法律倫理工藝農商等。一切開物成務之具。齊家治國平天下之道。皆當以此外政之道。爲其共通之法式規範。不然。各科事業。道其所道。行其所行。無所統正。則其所經營。必支離扞格。終致破碎滅裂而已。如此而欲完成人生及世界。豈可得乎。儒道要義。本在合物我內外。正之政之。俱歸一誠。而完行人道。若其偏重內我。或偏重外物。耽於唯我唯心之見。或溺於唯物唯理之說。執一忘二。互相排斥者。非其道也。又其截立物我之界限。不知其所歸一者。亦非其義也。是故。儒道之法式。先立內正外政兩面。使兩面俱得一正。而歸於一誠。此其所以能包攝萬彙。大公至正。無偏僻陷溺之弊也。宋僧圭堂著大明錄。辨論儒佛道三



家特色。頗得要領。曰。穹然而高者天也。隕然而下者地也。混然中處者人也。厥初人道

之始生。而儒教已爲之主。既而兩教乃入。特爲之伴焉。非主也。教儒教之尊。實人道之大源。大抵兩教本有交參之妙。故論三之合者。終杌隉而不安。是以儒氏斥佛老之學。謂之異端。伊川曰。但本領不是一齊。差却誠如是也。是故。真具正眼者。終不妄摘其一。二句之相似者。強合附會。以紊儒宗立天地正人心之大統。所謂不同之同。乃所以深同之也。雖然。三之不可強合固也。而各有一言可以綱之。何者。道以尊設。教佛以大設。教。儒以正設。教。世間只有此三字。而三家各主之。每教自具此三字。而三教又各分此三字矣。又曰。儒者之道。一言可以蔽之。曰正也。本於性分之中。而發見於躬行日用之實。三才以立。人倫以定。大本正於人心。而功用行於萬世者也。然道原出於天道。統傳於聖賢。而道學則大明於聖朝之盛。昔也泛濫。而人無適從。今也因其名。窮其義。而所謂名義者。凡三十焉。曰太極。曰天。曰性。曰命。曰心。曰道。曰德。曰仁。曰義。曰義利。曰大中。曰時中。曰中和。曰誠。曰情。曰才。曰善。曰禮。曰樂。曰忠恕。曰智。曰信。曰孝。曰敬。曰恭。曰志。曰氣。曰命分。是也。是皆以天理爲之本。而發用則不同焉。故又謂之理學。雖然。大莫大於性命。其說有二。有天命之性。有氣質之性。有天命之命。有氣賦之命。故理之自然者。

謂之天。出於天者。謂之命。稟於人者。謂之性。而又有氣質氣賦之不同焉。儒學之大。蓋見於是矣。又曰。儒道之大。一日不可無也。天地以之位。萬物以之育。而人生得以自安。自遂於天地間。皆儒教扶持之力也。雖然。儒教特立於天下。扶天立地。不可干甚正。而或者妄欲摘釋老中之語以紊之。夫是之謂無真識。圭堂之見儒學之大。亦唯近囿於當時理學道學中。未遠遡思孟之大思想界。直接求之。故其所見之小。終不免纒舉天命氣質之性別。只甘張橫程明道之糟粕。誠屬可愍。至其提一正字。以表儒道特性所在。則其辨識之確實。竟不可易。從前會通三教。說其契合者。雖有圭峯原人論。仲靈輔教篇等類。未及如此指點鮮明也。大明錄之傳至日本。自僧圓爾聖。其師徑山無準繼佛所手交。圓爾用此爲鎌倉北條時賴講之。別作三教要略。以授京師公卿。編三教典籍目錄。以置東福書庫。於是鎌京五山叢林。儒佛兼采之學風起焉。虎關。夢巖。義堂。岐陽。桂庵等儒僧。接踵輩出。禪儀之傍。必講儒道。故足利黑暗時代。終得扶持世教。不至全絕者。主賴其力也。別有五山文學史稿詳記之

內正之道。誠道之從內及外者也。蓋內正之道。即在成己。成己之道。專成就吾人

一個自我之事也。即使各個人爲各個人之道也。董子所謂義我之道是也。春秋繁露仁義法篇曰。以仁安人。以義正己。故仁之爲言人也。義之爲言我也。仁之法在愛人。義之法在正我。仁造人。義造我。義者謂宜在我者。故言義者。合我宜以爲一也。案己者紀也。理也。自我之獨立統理。以成一體也。此義已詳見第二篇凡人修身。必修正其己。統理性情。而得完全之義我。則可以完成獨立之人格。故內正者。乃各人獨立統一成體之道也。然各人統一成體之道。非其人孤立獨往所可能。必須其人自我能與外部世界萬物。洽接合體。而後始可成之也。卽必使外部人物世界。亦能成其人物世界。而後始可成之也。卽能使物實爲物。而後我可以實爲我也。中庸曰。成己仁也。言吾人完成自我。唯於仁道得之。仁道者。吾人合體世界。同成人物之道也。中庸曰。仁者人也。鄭氏注曰。仁相人偶也。此義出於曾子。曾子曰。人之相與也。譬如舟車然。相濟達也。己先則援之。彼先則推之。是故。人非人不濟。馬非馬不走。土非土不高。水非水不流。大戴禮曾子制言中篇孟子曰。仁人心也。義人路也。又曰。仁者人也。合而言之道也。然則成己之道。無他。唯推其內部仁心。普及外部人物。博施弘濟。使之與我合體。以同成其獨立自體而已。此乃吾人自

我從其內部發展。以及外部。而成就其自我之道。故謂之誠道。從內及外之法式。且仁者韓退之所謂博愛也。一視同仁也。孔子曰。己欲立而立人。己欲達而達人。能近取譬。可謂仁之方也。又曰。仁遠乎哉。我欲仁斯仁至矣。曰殺身成仁。子絕四。毋意。毋必。毋固。毋我。孟子曰。善與人同。舍己從人。佛典多說無我。舍身與此相似。夫自我自體之獨立完成。必待於一視同仁之道。一視同仁之道。從自我內部起發。化其孤懸之故小我。爲普遍之新大我。成立其真實圓滿之自我。即如所謂君子大人聖人之屬。又如孟子所謂善信美大人聖神之人格。以是統攝萬物。以爲一體。孟子所謂仁覆天下。中庸所謂肫肫其仁。淵淵其淵。浩浩其天者。即是其義。故以仁成己。從內及外之道。乃表誠道之無差別方面者也。

外政之道。誠道之從外及內者也。蓋外政之道。即在成物。成物之道。與成己之道。反對而相成者也。成物者。必使一切世界。散殊事物。共理統一。而得其完成者也。故成物之境域。即仁道所實施遍行之處。而人與人。人與物。及物與物。俱各於是相合相濟。以能成家國世界之一大統體者也。故外政者。乃一切人物。互相統合。成體之道。與內正之一人獨立。統理自我。成就個體之道相反。雖然全體者。由部分而成者也。欲離部

分之獨立成體。而偏期全體之統合成體。不可得也。家國世界。猶有機體。由多數細胞所成。集父母兄弟。夫婦子孫。而成一家。集君民吏卒。積衆而成一國。集列國而成一世。今父不父。子不子。而偏期其家之完成。君不君。民不民。而偏求其國之完成。列國不列國。而偏欲世界之完成。豈可得乎。世上種種社會團體。所以成立之道。無不然也。是故。外政成物。統合成體之道。須待部分之獨立成體。而始成之。即使天下特殊事物。一一各。盡其性。遂其生。以完成獨立之自體者。唯人所行之誠道能之。人之能行誠道者。即其自我之能成得真自我者也。故成物之道。必須使一一人人自我。實爲其自我。因而使事事物物。一一各自行其義我之道。以正得其所宜。而後得之。中庸所謂能盡其性。則能盡人之性。能盡人之性。則能盡物之性。正謂此也。孟子曰。其身正。而天下歸之。曰。大人者。正己而物正者也。曰。仁者如射。仁者爲仁道也。射者正己而後發。發而不中。不怨勝己者。反求諸己而已矣。孔子曰。苟正其身矣。於從政乎何有。曰。克己復禮爲仁。一日克己復禮。天下歸仁焉。豬飼敬所論語考文曰。史記無克己復禮爲仁。一日八字。一日當作一日。蓋後人據史記傍注。一曰十一字。傳寫者誤入本文也。

爲仁由己。而由人乎哉。曰。仁遠乎哉。我欲仁。斯仁至矣。皆言人之成仁成物。統正家國天下。必須先以其自我一己。抽出於人羣。區別於庶物。而自行其正義獨立之道也。自我一己之正得義得宜。此所以其能洽接世界。施仁正物。而完成之也。何者。義我正己之道。亦實不外乎仁道之自內及外者也。故曰。一家仁。一國興仁。一國讓。一國興讓。一人貪戾。一國作亂。其機如此。此謂一言僨事。一人定國。此之謂也。學大是故。外政施仁正物之道。終又進入其一人內部。義我正己爲仁之道。而始完成之。乃實能以外部客觀世界。一切事物。收攝於其一人內部自我活動中。互相圓融合體。同正其義。而後得之。孟子言集義所生塞乎天地之氣。又言萬物備我反身而誠之樂。即正指如是境地。此之謂誠道從外及內之法式。

夫爲仁由己。成物之待於義我也如是。而中庸乃曰。成物智也。此何以故。曰。言智猶言義也。其不言義。而特言智者。蓋欲以明正義之辨也。夫義者宜也。萬物各正得其所也。萬物各有其特殊物格。與他相別。以保其內部自體。而盡其性。遂其生也。然萬物之盡性遂生。必待人力。而完成之。吾人乃欲爲之作爲經綸。推行種種事業。使萬物一

一各盡其性。遂其生。皆得其所宜而後已。其使萬物一一各得其所宜者。無他。即使萬物內部。一一各自盡其正義。獨立成體。以致其性質區分之明辨也。孔子爲政。必先正名。荀子之正名。墨子之辨。亦皆欲明辨事物名實之當否。以盡其正義也。是故。若能據名責實。使事物一一各得正當。則知事物一一各得其宜。獨立成體。可以能盡其所以爲其事物之道。而有補於人生與世界之統一完成也明矣。但此區分明辨之事。獨吾人之明智能之。智者何。揚氏法言。問道篇。智也者知也。脩身篇。智燭也。白虎通。性情篇。智者獨見前聞。不惑於事。見微知著也。淮南。道應訓。知可否者智也。荀子脩身篇。是非非謂之知。墨子經上篇。知接也。孟子。是非之心。智之端也。又曰。所惡於智者。爲其鑿也。禹之行水也。行其所無事也。如智者亦行其所無事。則智亦大矣。孔子曰。知之爲知之。不知爲不知。是知也。子曰。蓋有不知而作之者。我無是也。多聞擇其善者而從之。多見而識之。知之次也。又曰。吾有知乎哉。無知也。有鄙夫問於我。空空如也。我叩其兩端而竭焉。又曰。知者不惑。孟子曰。舜明於庶物。察於人倫。周易繫辭傳曰。知周萬物。而道濟天下。未濟象傳曰。君子以慎辨物居方。賁象傳曰。君子以明庶政。无敢折獄。履象傳

曰。君子以辨上下定民志。繫辭傳曰。夫易彰往而察來。微顯闡幽。開而當名。辨物正言。斷辭則備矣。因貳以濟民行。貳者自然差別相對之形相如吉凶是也以明失得之報。言其行爲上得失之報有吉凶也尙書堯典曰。平章百姓。百姓昭明。今文平章作辨程。皋陶謨曰。知人則哲。論語中庸皆以知人爲政要。十七條憲法曰。人各有任掌。宜不濫。事無大小。得人必治。孟子曰。治人不治。反其智。繫辭傳曰。復雷地以自知。小而辨物。德之本也。蓋反身省察。自知自覺者。乃所以辨識萬物。大成道德之基本也。中庸曰。唯天下至聖。爲能聰明睿知。足以有臨也。文理密察。足以有別也。案所謂至聖睿知。密察文理者。能通達事物之本末終始。遠近上下。內外顯微。一切種種兆徵。一一義理。皆相豫想。而判斷之。前定而建立之也。如是者。亦唯中庸所謂至誠者。足以當之。故曰。唯天下至誠。可以前知。國家將興。必有禎祥。國家將亡。必有祲孽。見乎著龜。動乎四體。禍福將至。善必先知之。不善必先知之。故至誠如神。神者何。繫辭傳曰。易无思也。无爲也。寂然不動。感而遂通天下之故。非天下之至神。其孰能與於此。唯神也。故不疾而速。不行而至。又曰。善之德。圓而神。卦之德。方以知。神无方。而易无體。蓋易之本質。藏在其變易圓通之用。變易圓通之用。即在大衍之用。

大衍之用。即在七七之著德。圓通變化之中。故曰。顯道神德行。是故可與酬酢。可與祐神矣。子曰。知變化之道者。其知神之所爲乎。蓋由著德之神用。而成得卦體。得七八九六。卦。卦之德。能依象像形相。便於諦認知識。以其既成。有一般妥當遍通之方所法式也。繫辭傳所謂出入以度。既有典常者。又恆卦象傳所謂立不易方者。是也。故又曰。神以知來。知以藏往。神以知來者。所謂窮神知化。德之盛也。言著德之神用。以豫知未來。一一事物。前定義理。而不爽也。繫辭傳曰。吉凶悔吝者。生乎動者也。變通者。趨時者也。天地之道。貞觀者也。貞觀者。言視之以義理之正定也。坤卦文言傳曰。敬以直內。義以方外。言外部形式方所之成立。有待於義理之正定也。知以藏往者。言其判斷義理之法式。現在布卦八入之諸形相者。可以保留其所得之義理。而能經久不亡失。所謂易簡而天下之理得者是也。雖然。易者變易也。周流六虛。唯變之所適。不可爲典要者也。蓋其著德既在變化酬酢圓通。則其所成得卦爻上所現一一事物義理之形式。亦種種變化。豈得一定因着不靈乎。故曰。精義入神。以致用也。繫辭傳。就成卦言之。唯其感應事物。精審義理。能分別而斷定之者。可以入神於內。而致用於外也。精義之道何在。說卦傳曰。和順

於道德而理於義。是言能合體於天地之大道德。而得其義理也。天地之大道德至賾。而易道能顯之於易簡之法式。唯依易道易簡之法式。先體究其道德之幾微。而後可以以和順之也。易簡之道何在。繫辭傳曰。夫乾天下之至健也。德行恆易以知險。夫坤天下之至順也。德行恆簡以知阻。能說諸心。能研諸慮。定天下之吉凶。成天下之亹亹者。乾隆述義曰。惟中心易直者。能燭其情。而有平其險也。惟行事簡靜者。能察其機。而有以通其阻也。易簡之理。足以悅心。險阻之幾。又能研慮。故為天下定其吉凶。而成其亹亹者。非體乾坤至健至順之德。其孰能之。所謂悅心研慮。乃所以能和順道德。而無窮極也。故又曰。夫易聖人之所以極深而研幾也。唯深也。故能通天下之志。唯幾也。故能成天下之勢。唯極深研幾。而事物之義理。可以體究體認。而豫知前定也。故曰。知幾其神乎。幾者動之微。吉之先見者。孔氏正義曰。凡豫前知幾。皆向吉也。君子見幾而作。不俟終日。孔氏正義曰。言幾微。則須動作而應之。不得待終其日。言赴幾之速也。此孔子就豫卦六二爻辭。介於石。不終日。貞吉。言豫想前定之道也。豫想前定者。就一切作為活動之幾微。當行之義理。體究體認。先見之。判斷之。定立之。隨時隨處。感應通達。一一事物。皆不失其宜也。故又曰。介如石焉。寂然不動也。寧用終日。感應如神也。斷可識矣。互艮為石。二應在五。而四隔之。二操守如石堅。決然去。

卦三象傳曰。蹇難也。險在前也。見險而能止。知矣哉。蹇利西南。往得中也。不利東北。其

道窮也。蹇之時用大矣哉。乾隆述義曰。互離能見。互坎能知也。見險雖以能止爲知。而

乃窮。伊川曰。順時而處。量險而行。從平。蓋智亦唯藏諸用。而其妙不窮。非論理上一定

易之道。由至正之理。乃蹇之時用也。形式途徑所能盡。孟子所謂智者若禹之行水。亦行無所事者。豈不然乎。要之。明智之

所以爲明智者。在通過去現在未來三界。就其本末終始。悉相豫而知之。叩其兩端。舉

其全體。而盡之耳。豫道之至。三才之形相理致而極。子曰。不知命。無以爲君子也。不知

禮。無以立也。不知言。無以知人也。此通三才而言其豫知前定之要者。參照第四節第

條末繫辭傳曰。君子知微知彰。知剛知柔。萬夫之望。蓋此之謂也。是故。唯明智。可以辨識

事物之始終同異。詳審其正義。定立其名分秩序。爾正釋訓曰。條使人物種類相從。各

得其宜。無所混雜侵犯。而始相成其共同之統體。乃於其共同統體中。使種種散殊萬

物。一一各自盡其性。而遂其生也。故智者。明辨宜義之謂也。即使萬物一一各成其內

界獨立自體於一切外界萬物共同統體中之道也。同人象傳曰。天與火。同人。君子以

類族辨物。乾隆述義曰。天之所生。各族殊分。法乾覆之無私者。於殊分之族而類聚其

所同。異中之同也。火之所及。萬物均照。法離明之有別者。於均照之物。而辨析其所以異。同中之異也。同其所不得不同。異其所不得不異。所以爲同之大也。睽象傳曰。上火下澤。睽君子以同而異。彖傳曰。火動而上。澤動而下。二女同居。其志不同行。天地睽。而其事同也。男女睽。而其志通也。萬物睽。而其事類也。睽之時用大矣哉。乾隆述義曰。萬物散殊。睽也。而生長收藏。統別異消息之宜。則其事類可見。不睽則無以爲合。而三才之用息矣。凡此等萬物種種別異成體之作用。卽屬於繫辭傳所謂開物成務之大事業。非獨用形式論理學上辯證法所能成。亦必待夫政治經濟。法律倫理。工藝農商等一切道術學科所講求。諸種特殊義理規範法式之知識。而完成之。卽依此諸種義理規範法式。務使天下事事物物。一一各自成得其真正自體。使人人一一各自成得其真正自我。遂使天地萬物。一一各自能粲然發揮其特殊英華。而後已。繫辭傳曰。天地之大德曰生。聖人之大寶曰位。何以守位。曰仁。何以聚人。曰財。理財正辭。禁民爲非。曰義。乾隆述義曰。易簡之德。此乾隆所顯。該見上文。及第四節第五段。一無所爲。惟以生命爲事。聖人體天地之大德。必有君師之位。而後能使物物遂其生。故位曰大寶。好生謂之仁。所以守位也。

養民謂之財。所以聚人也。理財以厚民生。正辭以正民德。明刑勅法。以禁民爲非。義也。所以行其仁者也。仁義立。而帝王盛德大業備。易道舉矣。蓋亦言王道施仁之實際。有待於人物正義之辨也。是故。以智（或義）成物。從外及內之道。乃屬誠道之差別方面者也。

如上所述。則誠道之從主觀方面行者。卽從內及外。由無差別至差別。卽由普通至特殊

一己。普同萬物。是以仁合智（或義）也。其從客觀方面行者。乃從外及內。由差別至無差別。卽由一至由一萬物卽入一己。是以智（或義）合仁也。兩面作爲活動。循環交參。一多相卽。同成己物。合會外內。長無偏廢。以圓轉其盡性遂生。經綸自我與世界之大業。故仁智二者。相豫相輔。相依相成之關係。實爲自我與世界。互相成立之樞軸也。孔子曰。里仁爲美。居也。里也。擇不處仁。焉得智。又曰。仁者安仁。智者利仁。孟子曰。夫仁天之尊爵也。人之安宅也。莫之禦而不仁。是不智也。不仁不智。無禮無義。人役也。如恥之。莫如爲仁。又曰。惡辱而居不仁。猶惡濕而居下也。恥之惡辱。皆言其知義也。又曰。始條理者。知之事也。終條理者。聖之事也。又引子貢曰。仁且智。夫子旣聖矣。蓋人之生活。內外一致。旣仁且智。己與物

合。物與己一。大德敦化。小德川流。中使其自我與世界共俱轉進軌道。正歸於一誠之

中。非人格圓滿完成者而何。參照第四節第四段。義是收斂。向裏底。外面見之。便是柔。

智更是戡然。更是收斂。智者仁之分別。仁爲四端之者。而智則能成始而成終。猶元爲

四德之長。然元不生於元而生於真。蓋天地之化。不翕聚則不能發散也。仁智交際之

間。故不貞則無以爲元也。見其語類卷六。子曰。君子之於天下也。無適也。釋文。適。無莫

也。鄭音義之與比。孟子曰。仁者無敵。惟義所在。滕文公問曰。滕小國也。竭力以事大國。

則不得免焉。如之何則可。孟子對曰。昔者大王居邠。狄人侵之。事之以皮幣犬馬珠玉。

不得免焉。乃屬其耆老而告之曰。狄人之所欲者。吾土地也。吾聞之也。君子不以其所

以養人者害人。二三子何患乎無君。我將去之。去邠。踰梁山。邑於岐山之下居焉。邠人

曰。仁人也。不可失也。從之者如歸市。或曰。世守也。非身之所能也。效死勿去。君請擇於

斯二者。一則由仁得義。一則由義得仁。各隨其時處。及其人格所能而成之。而所歸者

一也。又對鄒穆公曰。君行仁政。斯民親其上。死其長矣。言能仁而義也。對滕文公曰。鑿

有善。後世子孫必有王者矣。君子創業垂統。爲可繼也。若夫
成功。則天也。君如彼。何哉。言齊之不足畏。唯在仁義之體行。

雖然。誠道之能如此作用實行者。又必待於其自我中樞。恆久固執推行之力。而

後得之。此恆久固執推行之力。卽勇是也。中庸曰。誠者不勉而中。不思而得。從容中道。聖人也。子曰。七十而從心所欲。不踰矩。此無意識之態度。在既致至誠者狀之耳。其所以能致此者。則不可無其自我中樞之努力。意志之自疆不息。故中庸又曰。誠之者。擇善而固執之者也。子曰。克己復禮爲仁。反覆繼續。百折不屈。剛猛精進。執善不失。以實行誠道者。唯勇之德能之也。繫辭傳曰。一陰一陽之謂道。繼之者善也。蓋繼續天道。終日乾乾。自彊不息者。是爲善也。傳注諸家。解繼字。只以繼承於天爲盡其意。非是。天道誠道也。繼續誠道。固執不廢。勇猛精進。恆久不退轉。是吾人所以能實現誠道也。乃知中庸所謂擇善固執者。亦惟自我中樞。實現誠道之實際努力也。故又曰。唯天下至聖。爲能發強剛毅。足以有執也。又詳述此實際努力執善之道。而歸之於人一己百。人十己千之道。曰。博學之。審問之。慎思之。明辨之。篤行之。有弗學。學之弗能。弗措也。弗者。不得也。不能也。不欲也。含字。單純之否定不同。有弗問。問之弗知。弗措也。有弗思。思之弗得。弗措也。有弗辨。辨之弗明。弗措也。有弗行。行之弗篤。弗措也。人一能之。己百之。人十能之。己千之。果能此道矣。雖愚必明。雖柔必強。由是觀之。勇也者。與智仁二者。俱爲實現誠道必要之三方面德性也。子

識理性之作用。仁屬感情作用。勇屬意志作用。以各行其所行也。然至其所以行之。則三者復歸於一誠道而推行之。然後始能有所成也。否則支離散漫。其自我統一成體之事。終不可期。故中庸一篇。以誠字一貫其終始。而誠道之推行實地。必要擇善固執。勇猛精進之意志之活動。則意志之活動。又爲實際行道之中樞。故大學以誠意爲正心脩身之中心基調。而推至齊家治國平天下之大事業。卽如其格物致知。以及所謂三綱領。亦皆必依此中樞之意識。誠意之活動。求心遠心。內外作用。反求擴充。誠身明善。表裏相成。而大學之行焉。誠意之誠字。義已詳於第一節。格物致知三綱領。及遠心求心。反求擴充。誠身明善等類。其義皆分說於下節。意也者。古兼意志及感情言之。而意志爲主。若據周易理氣之說觀之。則意志與感情。俱屬於氣。而氣之主發動推行者。則亦唯意志是已。故孟子曰。志。氣之帥也。氣體之充也。夫志至焉。氣次焉。故曰。持其志。無暴其氣。蓋意志之活動推行。必向其目的理想。而欲實現之。乃按其目的理想。以統一其自我身上感性。使之經營誠正合理之生活。然後成得其所求完全實在之自我矣。孟子據曾子守約之說。善養其浩然之氣。以明所謂大勇之義。意亦猶是耳。孟施舍之守氣。視不勝猶勝也。不過偏主單純感性而已。固不

如曾子之守約也。守約者。即以志帥氣。以誠道正持其志。以統一其自我內容。而得盛大自由之真生活。孟子所說善養其浩然之氣之法。即是也。曰難言也。其爲氣也。至大至剛。以直養而無害。則塞乎天地之間。其爲氣也。配義與道。無是餒也。是集義所生者。非義襲而取之也。王引之曰。義。我字之誤也。趙注不說義字。見經義述聞。行有不慊於心。則餒矣。我故曰。告子未嘗知義。以其外之也。必有事焉。而勿正。心勿忘。勿助長也。無若宋人然。宋人有閔其苗之不長。而揠之者。芒芒然歸。謂其人曰。今日病矣。予助苗長矣。其子趨而往。視之。苗則槁矣。天下之不助苗長者寡矣。以爲無益而舍之者。不耘苗者也。助之長者。揠苗者也。非徒無益。而又害之。案所謂直者。正也。由仁義得之。故曰配義與道。無是餒也。道者。乃仁之謂。孔子曰。道二。仁與不仁而已矣。孟子曰。仁也者。人也。合而言之。道也。能合一於仁義。得其內正外政之全。此所以成就其誠道也。坤卦六二爻辭曰。直方大。不習。无不利。象傳曰。六二之動。直以方也。乾卦九二文言傳曰。龍德而正中者也。庸言之信。庸行之謹。閑邪存其誠。善世而不伐。德博而化。蓋六二之以直動。即九二之所以存其誠也。文言傳又曰。大哉乾乎。剛健中正純粹精也。六爻發揮。旁通情也。時乘六龍。以御天也。

雲行雨施。天下平也。象傳曰。君子以自彊不息。如此者。乃所謂善養吾浩然之氣之至。亦守約誠意之至。抑夫必有事焉而勿正。道義上大勇猛心。浩浩其天。大自由之意。志之活動。亦實於是推行發展無窮者也。所謂居天下之廣居。立天下之正位。行天下之大道。得志與民由之。不得志。獨行其道。富貴不能淫。貧賤不能移。威武不能屈者。豈非此之謂歟。孔子曰。志於道。據於德。依於仁。游於藝。又曰。人能弘道。非道弘人。繫辭傳曰。苟非其人。道不虛行。子曰。見義不爲。無勇也。曾子曰。事君不忠。非孝也。戰陣無勇。非孝也。大戴禮曾子大孝篇又曰。可以託六尺之孤。可以寄百里之命。臨大節而不可奪也。君子人與君子人也。曰。士不可以不弘毅。任重而道遠。仁以爲己任。不亦重乎。死而後已。不亦遠乎。夫盲目之意志。匹夫之小勇。君子所不取。而誠意之意。浩然之氣。至大至剛。自主自由邁往之大勇。則爲吾人自我與自我所住世界之作爲經綸。不可一日缺乏之原動力。而人物家國。一切萬物。成體存立之中樞中核。新學小生。動輒捨此中樞中核。徒事追求皮毛枝葉。喁喁于于。雖曰曰人道。曰正義。曰大同。曰改造。曰新主義。曰新哲學。曰社會文化。世界統一。而大本既失。至道不凝。苟內不自得其真自我。何外望事物之獨

自成立。亂道誤人。在所不免。孟子曰。君子深造之以道。欲其自得之也。自得之。則居之安。居之安。則資之深。資之深。則取之左右逢其原。故君子欲其自得之也。然則自我誠意成體存立推行之道。雖欲不講。豈得乎。

第三節 誠道裏面實際法式——率性之道——性與教

成己者。修身學大或成身問哀公兼正心學大合而言之者也。吾人心身性質。皆天所賦。

中庸曰。天命之謂性。是也。故成己之道。亦必於己性成立之。故又曰。率性之謂道。繫辭傳曰。一陰一陽之謂道。繼之者善也。成之者性也。繼之者善。言吾人行道。唯在承繼天道。經久固執。活動不絕。是謂爲也。成之者性。言此道唯可與吾人本有之性分成立之。不可離性分成立之也。其義與中庸正相發明。且中庸率性之率字。爾雅釋詁曰。循也。又自也。毛詩大雅假樂篇。不愆不忘。率由舊章。鄭氏箋。率循也。成王之令德。不過誤。不遺失。循用舊典之文章。謂周公之禮法也。左傳宣公十二年。今鄭不率。杜氏注。率遵也。哀公十六年。率義之謂勇。杜氏注。率行也。周書大匡篇。三州諸侯咸率。孔子注。率奉順也。孟子曰。天下之言性也。則故而已矣。故者以利爲本。息軒曰。則法也。利導也。孟子定本毛

詩大雅曰。刑於寡妻。至於兄弟。以御於家邦。毛傳曰。刑法也。鄭箋曰。文王以禮法按對其妻。至於宗族。以此又能爲政。治於家邦也。朱集傳曰。其儀法。內施於閨門。而至於兄弟。以御於家邦也。孔子曰。齊家而後國治。孟子曰。言舉斯心加諸彼而已。桀。率性猶則故。言率於性也。率猶則也。又猶刑也。卽據天所賦命之性情。循由利導。以向往於其目的理想。而得成立。天人合一之法則規範。是爲人道也。率字有規律法則之意。下文審之。

蓋人道者。不可離反於人之性情性分。而成立之。若其離反其性情性分。而逆行。此不啻自致矛盾悖戾。而與天道之誠者乖背。不能合一也。何者。人之性情。卽天之性情也。所謂人之天性者。以其性情與天。通同言之也。今離反人所享性情。而偏欲合於天道之誠者。以實現之。必不可得也。天道者。天之理氣性情發動。而運行者。而人道者。亦人之理氣性情發動。而作行者。考其所由來。一也。故要其所歸趣。亦必應一其致也。人道之成立。通行。不可不自循其性情。無所悖戾。猶天道之恆久運行。不可不自循其性情。無所違愆。皆必然而然者。否則其道一旦斷絕。而止息。是故。人道之成立。通行。不可不近於自我性情。求其所由起焉。中庸曰。道自道也。子曰。道不遠人。人之爲道。而遠

人不可以爲道。詩云。伐柯伐柯。其則不遠。執柯以伐柯。睨而視之。猶以爲遠。故君子以人治人。改而正。夫人道而外。人性自我內容。而求之於客觀高遠之空理。非儒道實踐之本義也。天與天道。爲人性與人道所本。而人性人道之所以能完成之理想。亦唯求之於天與天道。則天與天道。謂爲人性人道之所以終始者。殆無不可。唯其所以原始也。故不可不循由。而承繼之。唯其所以要終也。故足以爲理想。而法倣之。非徒尊其所本。復歸天性之謂也。又非徒尙自然。縱任其性情之謂也。素行仁齋徂徠等。所謂古學派徒。力闢宋儒復性之說。其旨極切。而所論未暢。故後學猶或疑焉。嘗試究之。率性之率字。固有循由遵奉之義。而又含有領導帥律調節規正之意。決非盲從委隨放任之謂。說文。率。捕鳥畢也。按。畢。田網也。象絲網。按。借。系。爲。義。以。從。爲。象。上下其竿柄也。形也。朱氏通訓定聲曰。率。又爲達。達。先導也。經傳凡表達字。師保則以師爲之。達。領則以率以帥爲之。小爾雅廣詁。率。勸也。春秋元命苞。律之爲言率也。注。猶導也。荀子王霸論。一相以兼率之。注。領也。淮南時則。天子親率三公九卿大夫。注。使也。又爲帥。左桓二傳。藻率鞞鞞。注。服也。又爲鞞。禮記玉藻。士練帶率。注。鞞也。又爲律。孟子。變其鞞率。陸注。法也。又

爲術。術將術也。經傳皆以帥爲之。荀子富國。將率不能則兵弱。蓋所謂率性之道者。卽由人之天性。則故本利。見上文語。或順而發揮之。如孟子性善擴充之說。或正而化裁之。如荀子性惡化養之說。俱詳於下節。竟欲使完全其性格。而其中能得定立當行之道者。是也。毛詩大雅卷阿篇曰。豈弟君子。俾爾彌爾性。似先公曾矣。毛傳。彌終也。似嗣也。曾終也。鄭箋。樂易之君子。來在位。乃使女終女之性命。無困病之憂。嗣先君之功。而終成之。尙書召誥曰。節性惟日其邁。孔傳。時節其性。令不失中。則道化惟日其行。呂覽重己篇曰。節乎性也。高氏注。節猶和也。禮記王制曰。司徒修六禮。以節民性。由是觀之。率性之道。卽盡性遂生之道。亦誠正作爲經論之作用。實施於人格性情上者也。素行曰。人性以利爲本也。蓋人之知。度越萬物。故其慾心利心。亦度越萬物。好色者。必求天下美人。好聲者。必求天下美聲。不盡其至美不饜。事父母君上。亦猶如此。必欲盡其至善而後已。聖人因天下人人心所同然。而立人道曰。仁與義。欲天下人止於此所同然。至善之地也。孔子七十從心所欲不踰矩。所欲之過者。失道。所欲之不及者。亦不得道。故必品節其性。使無過與不及。此之謂率性之道。非矯枉僞作之道。必基乎不得已之誠道。依

乎好利害之情欲。品節而立之也。孟子性善之說。亦不過如是而已。蓋調居總之。率性之道。本乎人內部自然之天性。而成於外部人爲之修治。故曰修道之謂教。蓋人道之定立。循自然之人性。按天道之理想。化裁品節。以完成之者。必待於外部教化修爲之力。而始能之。且其一旦既能定立。而經時衰頹敗壞。亦或不免。所謂古先聖王之道。比比然也。此則必須後人教化修爲之力。治理而更張之也。

夫性。內本乎天然。教。外起乎人爲。率性之道。合外內天人之道也。故率性之道。乃誠道之緊切人格。進行實際者也。此道之更致實地踐履體當者。大學謂之格物致知。性者。本乎天然。而須順乎天。文言傳所謂後天而奉天時。是也。譬如六位時成。六爻唯其時也。其行之道。中庸謂之誠身。

教者。起乎人爲。而能與天合一。文言傳所謂先天而天不違是也。先天者。人意自由起發作爲之先於天然作用也。其行行之道。中庸謂之明善。

教亦政也。蒙卦彖傳曰。蒙以養正。聖功也。惟政表而教裏。有政事處。先須有教事。政欲以正治事物。則必先教養。以振作其正治事物之基本。而爲之豫備。蒙卦象傳曰。

山下出泉蒙。君子以果行育德。夫施行教化。啓蒙育德。以完成政事者。萬物中唯人足以當之。故教專行於人。而其結果效力。則可遠及於庶物。故先使人爲人。而後使物爲物。以完成人生與世界者。教之力也。坎卦象傳曰。水洊至。習坎。君子以常德行。習教事。乾隆述義曰。始終如一。謂之常。一再不已。謂之習。君子以之治己。則常其德行如源泉。混混不舍。晝夜也。以之治人。則習其教事。如江海浸潤。有加無已也。坎剛中有德行象。水滋益物。有教事象。孟子曰。善政不如善教之得民也。又說滕文公曰。苟爲善。後世子孫必有王者矣。君子創業垂統。爲可繼也。若夫成功則天也。君如彼何哉。疆爲善而已矣。孔子曰。道之以政。齊之以刑。民免而無恥。道之以德。齊之以禮。有恥且格。蓋外政成。物治人之道。唯由表面形式規制施行。不如先自明善於言行。使人觀感興起。遂至各自明善於言行。而日進於道。又藉此力。更使庶物變化盡性。自歸於正善。此乃循人物天性而盡之。使人物自能順歸於正道。無倒行逆施之患者也。孟子論王道王政之基調。曰。不違農時。穀不可勝食也。數罟不入洿池。魚鼈不可勝食也。斧斤以時入山林。材木不可勝用也。五畝之宅。樹之以桑。五十者可以衣帛矣。雞豚狗彘之畜。無失其時。七

十者可以食肉矣。謹庠序之教。申之以孝悌之義。頒白者不負戴於道路矣。七十者衣帛食肉。黎民不飢不寒。然而不王者。未之有也。故王道誠正之實際。必以教養爲先。觀卦彖傳曰。大觀在上。順而巽。中正以觀天下。觀。盥而不薦。有孚顒若。下觀而化也。觀天之神道。四時不忒。聖人以神道設教。而天下服矣。象傳曰。風行地上。觀。先王以省方觀民設教。六三爻辭曰。觀我生進退。孔氏正義曰。我生者。易生生之道也。九五爻辭曰。觀我生。君子无咎。象傳曰。觀我生。觀民也。正義曰。九五居尊。爲觀之王。四海之內。由我而觀。而教化善。則天下有君子之風。教化不善。則天下著小人之俗。故觀民以察我道。有君子之風著。則無咎也。觀民以觀我。故觀我即觀民也。蓋言教道之推行。與自我人格之完成相關。必須上以誠身則於天。而下以明善施於人也。說文曰。教上所施下所效也。按。下所效即所謂學之謂也。故禮學記言教學相長而成之。蓋修學育德乃所以能明善之實際也。故中庸言博學審問慎思明辨篤行。五者不可闕略。又曰。舜其大知也。與。舜好問。而好察邇言。又曰。君子尊德性而道問學。致廣大而盡精微。極高明而道中庸。溫故而知新。敦厚以崇禮。皆言教學之道。待於研鑽體驗。而得其進德修業之實也。


第四節 道術體行實踐之法式

第一段 格致之道——誠身與明善——親民與明明德

誠道之實際。既由率性之道而行之。率性之道。更待格致之道。而得體行實踐。格致之道。大學所謂格物致知是也。格物致知者。人之知行共進。以收性教交涉之實之效者也。

格物之道。卽人格活動之力。自能來格萬物。而體之於身者也。體字有體來身體。於身體當體得。體行體到。體驗體究。體認等義。格物者。乃由自我之活動。以內外事物。實爲自我之有。能使與我合體而爲一也。中庸九經曰。凡爲天下國家有九經。曰修身也。尊賢也。親親也。敬大臣也。體羣臣也。子庶民也。來百工也。柔遠人也。懷諸侯也。論語。葉公問政。子曰。近者說。遠者來。孟子曰。子路人告之以有過則喜。禹聞善言則拜。大舜有大焉。善與人同。舍己從人。樂取於人以爲善。自耕稼陶漁。以至爲帝。無非取於人者。取諸人以爲善。是與人爲善者也。故君子莫大乎與人爲善。與人爲善。言與人同爲善也。曰。學問之道無他。求其放心而已矣。曰。行有不得者。皆反求諸己。曰。所以考其善不善者。豈有他

哉。於已取之而已矣。曰。耳目之官。不思而蔽於物。物交物。則引之而已矣。心之官則思。思則得之。不思則不得也。凡吾人日常行動。可以得於心身者。學問事業。身體力行。莫非格物也。郝京山曰。格。格天下之物也。大學成已成物。故終始格物。天下國家。跡心意



知。總一物也。大學解孔子所謂仁遠乎哉。我欲仁斯仁至。孟子所謂萬物皆備於我者。皆格物之至也。

格字用例。如尙書。格汝舜。祖考來格。

禮月令。暴風來格。毛詩。四海來假。商頌。鄭箋。假至也。釋文。假音格。孔正義。假至釋詁。文。假作格。音義同。中庸引詩

神之格思。不可度思。大雅。抑篇。論語。有恥且格。

禮緇衣。民有格心。有遜心。鄭氏注曰。格來也。蓋言來歸爲一體。中庸所謂體物而不

可遺者。是其義也。鄭氏注。大學。格來也。學記曰。

物亦曰格來也。學記曰。

可遺者。是其義也。鄭氏注。大學。格來也。學記曰。

化民易俗。近者悅服。遠者懷之。此大學之道也。此明明言大學格物之義。表裏昭著者也。周易繫辭傳曰。近取諸身。遠取諸物。孔子曰。君子求諸己。小人求諸人。孟子曰。資之深。則取之左右逢其原。故君子欲其自得。大學曰。慮而后能得。中庸曰。君子無入而不自得焉。皆言其自我人格之力。於其自我之內外。牽引事物及事物之道理。來格而獲得之。體當資益使其自我內容。擴充誠正。以成合外內之大自我真自我也。故格物之格。唯待自我之人格活動於事物。體來之。體行之。體驗之。體致之。有精進不斷之努力。而始能得之。孟子曰。欲常常而見之。故源源而來也。此之謂也。

物字用例。如詩烝民。有物有則。孟子曰。舜明於庶物。察於人倫。易家人象傳。君子以言有物。而行有恆。禮緇衣。言有物。而行有格也。祭統。夫祭者非物自外至者也。自中出。生於心也。中庸。成物智也。不誠無物。周禮有鄉三物。教之萬民。而賓興之。曰六德六行六藝。又有射五物。曰和容。主皮。和頌。興舞。顏習齊。李恕谷。物徂徠等。俱斥宋儒格物窮理之說。乃以周禮鄉三物射五物。解大學格物之物。其意極善。顏李遺書。有恕谷稿。大學辨業四卷。徂徠實則格物之物。指萬物言。非止鄉三物與射五物也。大學。物有本末。事有終始。

說見其大學解

鄭氏注曰。物猶事也。蓋世界一切事物。總言之曰物也。亭林曰。武王之訪箕子之陳。曾子子游之間。孔子之答。皆是物也。惟君子爲能體天下之物。故易曰。君子以言有物。而

行有恆。記曰。仁人不過乎物。孝子不過乎物。日知錄○四庫提要曰。武學有本原。博而能通貫。每一事必詳其始末。參以證佐。而後筆之於書。故引據浩繁。而抵牾者少。非如楊慎。孫汝誠。諸人。偶然涉獵。得一義之異同。知其一而不知其二者也。黃汝或曰。知錄敘文曰。先生成書二百餘卷。閱廓奧曠。咸職綜其理。會通經史之微。明文大義。良法善政。務推禮樂。德刑之本。以達實文。否泰之運。雖錯綜其理。會通其旨。元明諸儒。其流失喜空言心性。凡講說經世之事者。則又迂執

寡要。先生因時立言。頗綜覈名實。意雖救偏。而誠極峻正。直俟諸百世不惑。而使天下曉然於儒術之果可尊信者也。今茲格物二字。亦聖經微文。而儒術大義繫焉。先正有嚮導。後學豈可不講。所以推達之道哉。晦庵讀格物二字。只謂我就事物而窮其理。竟不認自我活動體行。使事物來格於我之義。故至下文物格而后知至。不免主客顛倒。文義不順。而後儒亦襲習不怪者。七百有餘年。只因先入爲主不自覺也。陽明乃以格字訓爲正。與孟子格君心之非同義。按格字亦有規正體來之義。凡吾人人格之活動作爲。學問事業。自能規正萬物。使其與我爲一體。則格字本義。卽規正事物。而體來之也。陽明又以格物爲行爲上事。與晦庵以爲知識上事不同。亦甚精當。不可渝。但格物之格。獨讀爲來格之格。不必讀爲正。與上文正心之正字

重複。而正字之義。自在其中矣。鄭注格物曰。其所知於善深。則來善物。其知於惡深。則來惡物。言事緣人所好來也。孔疏曰。言善事隨人行善。而

來應之。惡事隨人行惡。亦來應之。言善惡之來。緣人之所好也。按鄭孔所說。言辭不充。故後儒徒費多方摸索。終無得一正解。然鄭氏意實以其所來格物價值之等差。歸於人格活動之高低。是亦漢人之猶能保存古義而不混者也。

大學曰。欲修其身者。先正其心。欲正其心者。先誠其意。欲誠其意者。先致其知。致知在格物。物格而后知至。知至而后意誠。意誠而后心正。心正而后身修。乃知格物之道。即所以致知之道。而致知之道。即所以誠意之道也。格物者吾人力行。以事物體得之也。所謂事物者。凡一切萬物。本質事理。俱在其內。下皆同此。致知者。乃以是體察體會。而認定之也。能格物以體得事物。即能體認其事物。故曰致知在格物。乃知格物與致知。二者二而一。可一言以蔽之。曰體認。蓋吾人人人格活動之力。果能體來事物。而體認之。即得完全之知識。以成自我之內容。使世界萬物。此所謂萬物。亦包有與自我共為一體。無衝突。無矛盾。即見渾然統一合理之生活。此渾然統一合理之生活。乃其自我之既能致知而活動者。而所謂誠意者。於是發作成立焉。然則致知者能令得合理知識生活之謂也。其能求得此合理知識生活者。無他。其自我或自我內容之活動。亦即吾人所有之情意是也。換

言之致知者。爲其自我欲誠其意也。既能致其知。則使其意自得所欲之誠也。析言之。致知者。能得誠之謂也。誠者。合理統一無矛盾之謂也。其所以能得此誠之主體。卽其所欲得此誠之意是也。所謂意者。自我內容情意活動之總稱。而其自所欲之意志爲之主。其發而顯者。卽作爲之活動。經綸之生活。八條目三綱領。皆由此始終。京山所謂意爲存誠動物之樞者。大學解其此之謂歟。大學本文。連用欲者字六。連用其字十一。貫通首尾以指意情意之活動。人格之儼立。實儒道一脈生機之所傳。凡讀此書。於此輕看過。而偏求格物致知與誠意之義。於純理形式之上。鑿空彌縫。冀不陷入寂靜主義。亦不可得。安能期其經世實用哉。卽晦庵所謂天理道心。虛靈本體之說。陽明所謂致良知之說。皆趨於過高之形而上學。反失儒道實際推行之中樞中核。於是別立致敬主之一方法。設知行合一之工夫。以欲資於實際體驗。而持儒道之面目。亦其不得已之苦心。學者不可不知也。

致字用例。如周易繫辭傳曰。探賾索隱。鈎深致遠。以定天下之吉凶。孔氏正義曰。物在深處。能鈎取之。物在遠方。能招致之。卜筮能然。繫辭傳又曰。負且乘。致寇至。此引解卦

六三 盜之招也。解卦。六三象傳曰。自我致戎。又誰咎也。禮記禮器篇曰。禮也者物之致也。又曰。致遠物也。論語。子夏曰。百工居肆。以成其事。君子學以致其道。孟子曰。天之高也。星辰之遠也。苟求其故。千歲之日至。可坐而致也。又曰。不之致而至者命也。周禮大卜。一曰致夢。小司寇。以致萬物而詢焉。由是觀之。致者引致也。招致也。孔氏正義說文。致送詣也。从攴从至。會意。蓋从攴者。見其曳曳徐至也。人說文。攴。行遲曳也。攴也。象人兩脛有所躡也。楚危切。段注曰。攴猶送也。送詣者。送而必至其處也。然則致字有十分努力曳引。使事物必得到達其處之意。故致知者。謂自能十分努力牽引。夫理想上完全之知識。而獲得之。又言其人自我十分努力牽曳。以內外萬物事理體會之。體認之。以整治其自我之內容。使得精誠合理。故曰欲誠其意者。先致其知。知至而后意誠。致者。我之使知至。不剩餘力也。至者。知之至於我無不盡也。晦庵以下諸儒。只以推極二字解致字。義未充備。唯徂徠論語可觀。有發明。觀於此義稍

格物致知者。凡吾人學問事業。語默動靜之間。其人格性情。全體活動。而知行共進修成之道也。亦即內外合一之關鍵。誠道發展轉進之基調。吾人行道成德之樞機。

也。唯其能格物致知。則內可以成乎身。外可以明乎善。誠身與明善。求心遠心。內外相依而成之矣。上好格物。夾注。康成所謂緣人所好。來格善物。惡物之說。可以參照。夫中庸篇之豫道。爲一切道義成立不壞之相對上根本法式。而儒道據此相對上根本法式。而能推行其天人內外合一絕對之道於無窮者也。惟相對上之法式。推及之。遞進漸深。遂至誠明而極焉。故曰。在下位不獲乎上。民不可得而治矣。獲乎上有道。不信乎朋友。不獲乎上矣。信乎朋友有道。不順乎親。不信乎朋友矣。順乎親有道。反諸身而不誠。不順乎親矣。誠身有道。不明乎善。不誠乎身矣。誠者天之道也。誠之者人之道也。擇善而固執之者也。自誠明謂之性。自明誠謂之教。誠則明矣。明則誠矣。蓋凡事物。本末因果。互相豫想前定。求理想於現實之際。得現實於理想之中。上下內外自他天人。關係相依。以成立其事物全體焉。今所謂誠者天之道。此吾人所追求而豫定之理想也。誠之者人之道。擇善而固執之者。此吾人所體行而明善之實際也。明善行於教化之間。誠身求於性情之內。而性教二者。本是內外相待。而成立之。見上節則誠身與明善。亦不可不互相豫想前定。互相爲因爲果。相依轉進。以成就其事物之一全體也。且夫誠身者。卽誠性之謂。亦盡心盡性

之謂。大學所謂誠意正心修身之事屬此。明善者。卽明教之謂。亦行道修身之謂。大學所謂齊家治國平天下。論語所謂博施濟衆之事屬此。誠身有待於明善。猶成己待於成物。明善有待於誠身。猶成物待於成己。誠身內部工夫。終至於親民。亦猶成己內部工夫。終至於仁。明善外部之修爲。終至於明明德。猶成物外部方法。終歸於智（義）耳。義誠身惟成己之實際。親民惟仁之實際。故誠身之道。必由親民以及於明明德。一致而相成。亦猶成己之道。必由仁以及於智（義）一致而相成也。明善惟成物之實際。明明德惟智（義）之實際。故明善之道。必由明明德以及於親民。一致而相成。猶成物之道。必由智（義）以及於仁。一致而相成也。

誠身之道。大學雖分誠意正心修身三目。而其要可以一誠字蔽之。卽使其內部情意。從於理性而活動。使其性格全體。合於理想而進修。以得合理統一之自我自體。是已。至其內部實際工夫。則學庸禮器荀子。不荀皆以慎獨爲其第一緊要者。慎獨猶誠身。而其接觸內部自我。語義更覺親切。爾正曰。慎誠也。王念孫曰。中庸之慎獨。亦當訓爲誠。經義徂徠曰。獨。不對人之辭。指己而言。非謂人所不知而已所獨知之地也。庸學

解。駁也。正。辟。

荀子曰。善之爲道者。不誠則不獨。不獨則不形。不形則雖作於心。見於色。出

於言。民猶若未從也。雖從必疑。桉。獨者。自我獨立。完成一體之謂專。舉個我而言。故荀

子又曰。君子養心。莫善於誠。致誠則無他事矣。僉曲園曰。所謂獨者。卽無他事之謂。言

不能誠實。則不能專一於內。不能專一。則不能形見於外也。平。諸子荀子又曰。君子至德。

嘿然而喻。未施而親。不怒而威。夫此順命。以慎其獨者也。天地爲大矣。不誠則不能化

萬物。聖人爲知矣。不誠則不能化萬民。父子爲親矣。不誠則疏。君上爲尊矣。不誠則卑。

夫誠者。君子之所守也。而政事之本也。唯所居以其類至。操之則得之。舍之則失之。操

而得之則輕。舉作容。易也。輕則獨行。自我絕對。獨立行動。獨行而不舍則濟。正成。萬物濟而材盡。長遷而不

及其初。則化矣。盡性遂生。活動不已。由是觀之。慎獨之道。謂爲誠道之所終始。亦可。而其工夫。必

在內部自我之合理生活。故大學曰。所謂誠其意者。毋自欺也。如惡惡臭。如好好色。此

之謂自謙。故君子必慎其獨也。曰。小人閒居。爲不善。無所不至。見君子而后厭然。揜其

不善。而著其善。人之視己。已。卽其獨也。其自我也。如見其肺肝然。則何益矣。此謂誠於中。形於外。

故君子必慎其獨也。曰。富潤屋。德潤身。身。卽自我全體之謂。心廣體胖。德。心。身。體。故君子必誠其意。中

庸曰。道也者。不可須臾離也。可離非道也。是故。君子戒慎乎其所不睹。恐懼乎其所不聞。莫見乎隱。莫顯乎微。故君子慎其獨也。蓋誠身之工夫。其要先在日常生活。內部隱微之際。恐懼修者。愈求其自我之獨立完成。即使自我奧底所藏情意之活動。愈歸於其深深之理性之統治。

謂理性即孟子所謂義理之心。又所謂良心良能四端之心是。

以喚起其性情全體所理想

參求之真自我。於是騰閃之。合體之。固守之。乃使日常生活。不致或自與此矛盾乖違也。否則其所謂自我者。只懸在虛妄假幻之中。畢竟不能保有其真自我。必致前後支離。內外背反。矛盾衝突。終自解體消散。然則惟吾人日常生活。內心深深之慎獨。乃其自我所以益能得其堂堂之獨立。而彼外物所以亦益能致其昭昭之化成也。中庸曰。君子之道。闇然而日章。知遠之近。知微之顯。可與入德。詩云。潛雖伏矣。亦孔之昭。故君子內省不疚。無惡於志。又就既得慎獨之君子。舉其喜怒哀樂未發之中。未發謂其未發於外部。非以爲天下之大本。舉其已發之利。以爲天下之達道。而曰。致中和。天地位焉。萬物育焉。蓋吾人日常生活。自我內部心奧深深隱微之工夫。遠與天地萬物之位育相關。決非誇大虛張之言。詩云。池之竭矣。不云自頻。泉之竭矣。不云自中。大雅

謂其未生起活動也。詳見第三段中和條。

以爲天下之大本。舉其已發之利。以爲天下之達道。而曰。致中和。

不自我先。不自我後。大雅此之謂也。

中庸曰。君子不可以不修身。思修身。不可以不事親。思事親。不可以不知人。思知人。不可以不知天。天者天命之謂。孔子曰。不知命。無以爲君子也。知命以其所命知之。其所命卽性是也。故孟子曰。知其性則知天矣。蓋天者。吾人性情之所原始要終。故吾人尋其性情之所本原。必先於此求之。期其性情之所完成。亦唯於此望之。故果能知人之性情者。必知天。知天者。必知人之性情。知人之性情。則可得其所以事親修身之法式也。董子曰。天地者。萬物之本。先祖之所出也。廣大無極。其德昭明。歷年衆多。永永無疆。春秋繁露爲生不能爲人。爲人者天也。人之爲人。本於天。天亦人之曾祖父也。爲人爲天。父者子之天也。天者父之天也。無父而生。未之有也。天也。萬物之祖。萬物非天不生。獨陰不生。獨陽不生。陰陽與天地參。然後生。順命天者羣物之祖。道之大原。出於天。天人之徵。古今之道也。人受命於天。因超然異於羣生。孔子曰。天地之性。人爲貴。明於天性。知自貴於物。知自貴於物。然後知仁誼。知仁誼。然後重禮節。重禮節。然後安處善。安處善。然後樂循理。樂循理。然後謂之君子。故孔子曰。不知命。亡以爲君子。此之謂也。

孟子又曰。盡其心者。知其性也。蓋能傾注我心力於事物。而無所不至者。盡心之謂也。性即如體悟仁義禮智德性之固有。知故盡心猶格物。知性猶致知。二者必共進而不能分離而獨成也。夫知天知人。是所以知性之第一要義。而成誠身知誠上法式者也。事親是所以盡心之第一要義。而成誠身情意上實行者也。知識上法式。與情意上實行。相依而後能遂行誠身之道。故唯能盡心事親者。即爲能知天人之性情者也。程明道曰。性命孝弟。只是一統底事。就孝弟中。便可盡性至命。如灑掃應對。與盡性至命。亦是一統底事。後來言性命者。別作一般高遠說。伊川作明道行狀董子曰。爲人君者。謹本詳始。敬小慎微。何謂本。天地人萬物之本也。天生之地。養之人。成之。天生之以孝悌。地養之以衣食。人成之以禮樂。三者相爲手足。合以成體。不可一無也。無孝弟則亡其所生。無衣食則亡其所以養。無禮樂則亡其所以成也。三者皆亡。則民如麋鹿。各從其欲。家自爲俗。父不能使子。君不能使臣。雖有城郭。名曰虛色。如此者。其君枕塊而僵。莫之危而自危。莫之喪而自亡。是謂自然之罰。自然之罰至。裏襲石室。分障險阻。猶不能逃之也。明主賀君。必於其信。是故肅墳三本。郊祀致敬。共事祖禰。舉顯孝悌。表異孝行。

所以奉天本也。秉耒躬耕。采桑親蠶。墾草殖穀。開闢以足衣食。所以奉地本也。修孝悌敬讓。明以教化。感以禮樂。所以奉人本也。三者皆奉。則民如子弟。不敢自專。邦如父母。不待恩而愛。不須嚴而使。雖野居露宿。厚於宮室。其君安枕而臥。莫之助而自強。莫之綏而自安。是謂自然之賞。自然之賞至。雖退讓委國而去。百姓襁負其子。隨而君之。君亦不得離也。故以德爲國者。甘於飴蜜。固於膠漆。是以聖賢。勉而崇本。而不敢失也。元立

篇神夫知天者。必欲奉承其所命。而擴充之。孟子曰。存其心。養其性。所以事天也。果能事

天者。必能事親。事親乃所以事天也。故誠身之道之遂行。以事親爲先。孟懿子問孝。子曰。無違。樊遲曰。何謂也。子曰。生事之以禮。死葬之以禮。祭之以禮。曾子曰。慎終追遠。民德歸厚矣。孟子曰。養生喪死。無憾。王道之始也。蓋事親者。亦實仁道之大端大本也。故中庸曰。修身以道。修道以仁。仁者人也。親親爲大。孟子曰。親親仁也。仁之實事親是也。孰不爲事。事親事之本也。有子曰。孝弟也者。甚爲仁之本歟。孝經曰。先王有至德要道。以訓天下。民用和睦。上下亡怨。夫孝德之本也。教之所繇生也。愛敬盡於事親。而德教加於百姓。刑於四海。呂刑云。一人有慶。兆民賴之。資於事父以事母。其愛同。資於事父

以事君。其敬同。故以孝事君則忠。以弟事長則順。忠順不失。以事其上。夫孝。天之經也。地之誼也。民之行也。天地之經。而民是則之。則天之明。因地之利。以訓天下。天地之性。人爲貴。人之行莫大於孝。孝莫大於嚴父。嚴父莫大於配天。親生毓之。以養父母日嚴。聖人因嚴以教敬。因親以教愛。聖人之教不肅而成。其政不嚴而治。其所因者本也。父子之道。天性也。君臣之誼也。父母生之。績莫大焉。君親臨之。厚莫重焉。不愛其親而愛他人者。謂之悖德。不敬其親而敬他人者。謂之悖禮。以訓則昏。民亡則焉。孝子之事親也。居則致其敬。養則致其樂。疾則致其憂。喪則致其哀。祭則致其嚴。五者備矣。然後能事親。事親者。居上不驕。爲下不亂。在醜不爭。孝弟之至。通於神明。光於四海。亡所不暨。生事愛敬。死事哀戚。生民之本盡矣。死生之誼備矣。孝子之事終矣。蕃山曰。易宜近觀之。孝經宜高觀之。蓋易天道也。依天地而發明道德。故語勢幽遠。善觀之者。近取諸身。以合於人道也。孝經人道也。就人倫而教道德。故語勢親切。善學之者。不以辭之近。失旨之遠。乃合於天道也。易之所歸。在人之德行。人之德行。莫大於孝矣。熊澤氏集義禮記郊特牲曰。萬物本乎天。人生本乎祖。此所以配上帝也。郊之祭也。大報本反始也。祭

義曰。郊之祭。大報天而主日。配以月。曾子曰。未有君而忠臣可知者。孝子之謂也。又曰。忠者其孝之本歟。禮大戴蓋忠者中心誠實之謂也。忠孝一本於中心之誠實。中心之誠實者。卽所謂慎獨工夫所得。乃內部真我之活動是也。臯陶謨曰。都。慎厥身。修思永。惇敘九族。庶明勵翼。邇可遠在茲。蓋事親之道。卽事君之道。亦親九族親萬民之道也。其實一在吾人內部真我之發動。於家則事親。於國則事君。於社會則親九族。遂推而遠至親天下萬民。故大學言親民。禮記哀公問言成親。皆言其修德修道。必近事親。以遠至親民。而始見其內部慎獨誠身之大成功也。中庸曰。君子之道。辟如行遠。必自邇。辟如登高。必自卑。詩曰。妻子好合。如鼓瑟琴。兄弟既翕。和樂且耽。宜爾室家。樂爾妻帑。子曰。父母其順也乎。孟子曰。堯舜之道。孝弟而已矣。季康子問使民敬忠勸。如之何。子曰。臨之以莊則敬。孝慈則忠。舉善而教不能則勸。王引之曰。賈誼道應訓云。親愛利子謂之慈。子愛利親謂之孝。孝慈不同。而同取愛利之義。故孝於父母謂之孝慈。內則子事父母慈以旨甘。孝經。慈愛恭敬是也。子愛利其親謂之孝慈。表記。子曰。威莊而安。孝慈而敬。使民有父之尊。母之親。經義通聞劉寶楠曰。荀子大略篇云。禮也者。

老者孝焉。幼者慈焉。祭義云。先王之所以治天下者五。貴老爲其近於親也。慈幼爲其近於子也。貴老是孝。故又云至孝近乎王。雖天子必有父。魏書甄琛傳云。慈敬愛民曰孝。正義語黃鶴曰。祭統。孝者畜也。疏。畜養其親。閒居。以畜萬邦。注。畜訓爲孝。孝與畜古音義同。故釋名云。孝好也。淮南高注。畜好也。又曰左傳。上思利民。忠也。君於民。既可言忠。則言孝亦無妨也。四書異同商併諸家所說。足以觀孝道之有普遍性也。夫孝悌忠信。事親齊家。卽治國平天下之本也。故吾人親民成仁之基調。先在家族親親之道。而欲推此親親之道。以至社會世界萬民編親之。雖有遠近厚薄之別。而通天下萬民。必無所不親而後已。故親之一字。於誠身之工夫。格致之實際。王道之推行。關係綦重。大學之在言其在親民非偶然也。而後儒動輒據一家之私見。縱行予奪。徒競新奇眩耀於時。西河大學證文曰。明道本既改本文親民二字作新民。按明刻程本二程全書第四十卷六經說五。載明道改正大學。未改親民二字。西河所見別有一本歟。伊川本則本文親字下。夾注當作新三字。按。今晦庵章句本。從伊川注之。其意蓋謂。下文引湯銘康誥及詩。皆有新字。正是專釋此新民一句者也。於是改編經文。分章相屬。遂至補竄致知格物一章。其任意妄作。已經陽明一齋諸家指斥。不

待復辯。

一齊佐藤氏大學一家弘言曰大學一書幸而得宋儒而始顯又不幸而得宋儒而始厄與其始顯輒厄寧不顯而不厄之爲愈嗚呼世孰有能竭力拯其厄

者乎有則聖門之干城也

獨怪錦城負其博通之才。事事駁正程朱闕點。而唯於此新之一字。乃尊

程氏爲千古卓見。推服不措。

大學原解

予予至是益知先入爲主之害大也。夫親新二字。俱

託其聲於親字。古時往往通用。就董子繁露三代改制質文篇。史遷史記孔子世家。併觀可知。春秋公羊學家。好新奇。爲可怪之說。意在辯護革命。潤色新政。乃以公羊傳所謂新周。與史記所謂親周二語。同視爲一事。專據新字。以立其說。夫新周者。指洛陽新周之地言之。親周者。言孔子作春秋。雖據魯史記。而猶稱周王。以親於周也。二者區別瞭然。不可牽強附會。陳蘭甫讀書記。已善辨此義矣。孟子說滕文公一節。其上文先言學則三代共之。皆所以明人倫也。人倫明於上。小民親於下。乃至於下文。引詩言周雖舊邦。其命維新。文王之謂也。子力行之。亦以新子之國。必據下文。以合於上文。如程朱所做。則此上文民親之親字。亦將改作新字。而厭後心理之悖。弗思甚也。

親字。古文作親。小篆作親。說文。親至也。从見。親聲。段茂堂曰。至部曰。到者至也。到其地曰至。情意懇到曰至。父母者情之最至者。故謂之親。竹山翁曰。親者慈眼諦視。故

从見。古文以見其意。漢字按。親有盡心親愛接近親比結合之意。廣雅親近也。周易雜卦傳。同人親也。禮記大傳。親屬也。孟子。人之親其兄之子。趙氏注。親愛也。呂覽貴信篇。不能相親。高氏注。親比也。周易比卦象傳。地上有水比。先王以建萬國。親諸侯。晉語。親民之結也。釋名。親襯也。由是觀之。親民者。博愛之實際。必欲親比萬民。而結合之以爲一體也。墨氏兼愛普編之義。與此無異。但儒道所謂親民成仁者。普遍之中。含有特殊。無差別之中。包有差別。中庸曰。仁者人也。親親爲大。義者宜也。尊賢爲大。親親之殺。尊賢之等。禮所生也。故親民之實際。必有遠近親疏上下輕重之等差。使各自得其宜。而後其道能普遍萬民。無所不及。猶彼成己之道由仁。而仁道之實際。必待於義而成之。參照第二節孟子曰。仁者無不愛也。急親賢之爲務。堯舜之仁。不偏愛人。急親賢也。又曰。君子之於物也。愛之而弗仁。於民也。仁之而弗親。親親而仁民。仁民而愛物。可以見仁愛之由差等而盡之者矣。總之。格致誠身之道。周非幽獨孤懸之生活所能得。必待人間親比之道而成之。人間之親比之道。乃社會結合生成發展之樞紐也。其意固在一視同仁無差別。而實則必待等差之明辯。施行之適義。而始完成之。故人人必親其親。君

其君。國其國。而後仁德粲然。明於天下。此所以誠身親民之道。必與明善明明德之道。表裏內外。相輔相依。而成就之也。

誠身內部之工夫。唯待明善外部之修爲。而完成之。明善者。以內部德性。顯明於外部之善言善行也。中庸所謂誠身有道。不明乎善。不誠乎身者。是也。禮器以外心樂發。與內心慎獨。相對言人。唯外心樂發者。而始可以見內心之慎獨。慎獨之功。不能唯在內部孤獨之生活成之也。禮器又曰。大備盛德。措則正。施則行。言唯外部行動作爲。改過遷善。能合於正義者。而始見其德性之盛備。慎獨之成功也。故又曰。忠信禮之本也。義理禮之文也。蓋內部忠信之存立。與外部義理之實踐。表裏相成。未有內外相反離。而獨自成者也。文言傳曰。君子進德修業。忠信所以進德也。修辭立其誠。所以居業也。夫明善者。吾人日常誠身生活不得已之事業也。遏惡揚善。博施濟衆。作新民。作新國。凡大學所謂齊治平天下。一切種種經綸修爲之事業。必依禮之秩序之美。以表章之。顯明之。如此者。乃已進入大學所謂明明德之實際境域者也。堯典曰。欽明文思安安。允恭克讓。先被四表。格於上下。克明峻德。以親九族。九族既睦。平章百姓。百姓昭

明。協和萬邦。黎民於變時雍。平章。今文作辯章。又作辨章。鄭氏曰。辯別也。章明也。百姓羣臣之父子兄弟也。言其峻德之化。能昭明臣民。使之各守其職分。盡其義務。無一不得其正義也。蓋親民之實際。必在明善而見之。明善之成功。必待明明德而得之。明明德於天下者。大學首領之道也。鄭注曰。明明德。謂顯明其至德也。孔正義曰。言大學之兩明字。猶明善之明也。明德者。能明善之德。君子誠身者之所得。爲理想上之令德。亦古先聖王所有也。明德與明命。有所通同。而又有差異。明德以成立之道。言明命以未可直言。道德也。此義學者多惑。以仁齋先生之善辨。猶未之詳明。况其他乎。更須參照下文。其能由善言善行。以此明德。明明實現於天下。特殊萬物之上。使之仰觀感化。移風易俗。各得其宜。無一不被其明德之布施者。此之謂明明德也。故上明字之義。亦在使天下事物。一一各歸於執。而完成其自體也。卽必事其事。物其物。人其人。萬殊羣品。發揮特色。粲然著顯。各自盡其性。而遂其生。而後已。此乃明明德之真諦。而明善之實效。親民之明徵也。然其使人人各自完成其自體者。則亦必待於人人內部慎獨之工夫。而始能之。故明明德者。又必使人人各自得其慎獨誠身之道。而後已。亦必使人人各自知性盡心。以行其事。親親民之道。而後

已。大學曰。康誥曰。克明德。大甲曰。顧諟天之明命。鄭注曰。顧。顧念也。諟。猶正也。諟。天書

也。曲圖四書辨疑。曰。疑。正也。亦與定字通用。見左傳。成十三年。劉子定命之語。又其禮記。異文箋曰。周易未濟。有孚。失是。虞注。是正也。益是字。從正。故有正義。作證。作題。

並即是字耳。見帝典曰。克明峻德。皆自明也。鄭注曰。皆自明德也。按明命亦可以明

德。故曰自明也。此與中庸云。道自道也。同。皆謂明善成德。亦必從其自。我內部天性中

顯深慎獨之工夫起而發周易比卦六二爻辭曰。比之自內。貞吉。象傳曰。比之自內。不

自失也。孟子曰。人人親其親。長其長。而天下平。又曰。日月有明。容光必照。又曰。源泉混

混。不舍晝夜。盈科而後進。放乎四海。有本者如是。此皆可以審吾人道德。內外顯微。依

倚並行之義也。大戴禮王言篇曰。道者所以明德也。德者所以尊道也。京山曰。道不離

經世。學不越事物。明明德實地也。自晦庵一以復性本體之說。解明明德之義。而後學

者相率失其實地。偏向內部。而摸索於虛靈空理之中。至於藕益。以明明德爲自覺。以

親民爲覺他。以止至善爲覺滿。以述其直指見性之義。而後世之俊秀。亦或一知半解。

轉喜其灑脫妙悟。而不自覺其日遠於儒道經世濟民之實地也。左傳襄公二十六年

曰。晉君宣其明德於諸侯。定公四年曰。昭周公之明德。周易晉卦象傳曰。明在地上。晉。

君子以自昭其明德。此皆其不離實地者。可以觀古人用語之本義矣。詳見明德用語例

原解秦蕙田五禮通考。嘉禮設官分職。地官司徒。引方苞曰。以地官掌教者。禮官所教秀

民而已。土地人民。皆隸於地官。而親民之吏屬焉。必地官掌教。乃能盡天下之人。無一不教。古之聖人。所以務明明德於天下。而非漢唐之治所及也。陳傅良曰。地官掌教最難曉。以屬官考之。自鄉師至比長。自遂人至鄰長。皆鄉遂之官。自封人至充人。皆疆場畜牧之官。自載師至均人。皆掌財賦征役之事。自司市至泉府。皆掌市井。自司門至掌節。皆掌門關。自旅師草人。稻人虞衡。以至掌染草炭荼蜃。極於場人圉人。無非山林川澤田疇之官。所謂教官者。師氏保氏司陳司救調人鼓人。不過六七而已。當時謂之教典。何也。先王教民自經界始。八八爲井。五五爲軍。市有奠居里有聯比。無非習民於正。而寓之以道德之意。俾之分定而慮不易。事同而心臧。生厚而德正。易直而淳龐。以服從上令。是曰教典。師保陳救調媒之官。則導嫩惡。訓禮行。判合婚冠者也。而豈徒謂是哉。幽詩述風化之由。孟子言王道之本。無非田圃之事。誠知本者也。參照第四段李光地曰。大司徒主於教民。然教民者。以養民爲本。故自土地田野之事。賦稅兵庫之政。皆司徒

掌之。蓋古者養卽爲教。教卽爲養。養教不相離。非如後世之截然爲二物也。桉。以上秦氏所舉諸說。皆足爲政教一致。親民與明明德並行實地之明徵者也。

第二段 止至善之道

止至善者。誠道執善之實地。自我格致活動中樞之所確立。亦彼明明德親民之所歸趣也。明明德是智義之實。親民是仁之實。則止至善是勇之實也。惟有此勇。止于至善之實。故能使他二者。步趨進行。著實安定。不至於汎濫無所統一也。亦惟有此自我中樞執善確立實地之力。故能使吾人生活踐履實地。進退有度。操守有常。成品性立人格。以維持其所作成人。生世界。而無傾覆放失之患也。

止者。周易艮象也。艮卦彖傳曰。艮止也。時止則止。時行則行。動靜不失其時。其道光明。艮其止。止其所也。蓋言其止於當止處也。故乾卦初九潛龍。九二見龍。九三乾乾。九四或躍。九五飛龍。上九无龍有悔。孟子曰。治則進。亂則退。伯夷也。何事非君。何使非民。治亦進。亂亦進。伊尹也。可以仕則仕。可以止則止。可以久則久。可以速則速。孔子也。桉。孔子之仕止久速。皆其止于至善也。公孫丑問曰。伯夷伊尹於孔子。若是班乎。孟子

曰。否。自生民以來。未有孔子也。曰。然則有同歟。曰。有。得百里之地。而君之。皆能以朝諸侯。有天下。行一不義。殺一不辜。而得天下。皆不爲也。是則同。又曰。非禮之禮。非義之義。大人弗爲。無爲其所不爲。無欲其所不欲。如此而已矣。於不可已而已者。無所不已。人有不爲也。而後可以有爲。孟子之學。出於思曾。其說不動心之道。曰。昔者曾子謂子襄曰。子好勇乎。吾嘗聞大勇於夫子矣。自反而不縮。雖褐寬博。吾不懼焉。自反而縮。雖千萬人。吾往矣。孟施舍之守氣。又不如曾子之守約也。曾子嘗誦易艮象傳。君子以思不出其位一語。見論語。蓋其爲人。意志極剛。而其平生亦深有得於艮止之義。其守約行義。弘毅重任之道。皆基乎此。晦庵曰。曾子壁立千仞底人。類語此乃大學一書。與曾子學風。關係之可推求者也。

止至善之要。固通內外生活言之。誠身明善之際。親民明明德之地。凡其心之所盡。身之所處。莫不皆然。大學引詩邦畿千里。惟民所止。緡蠻黃鳥。止於丘隅。穆穆文王。於緡熙敬止。略解止字義。又如云爲人君止於仁。爲人臣止於敬。爲人子止於孝。爲人父止於慈。與國人交。止於信。皆就吾人生活作爲上主要顯著之時期。舉其至善可止。

之德目。固不可不重視者也。然吾人所住環境之多種多樣。不可勝數。於是。孔子先示止至善之一般法式。曰克己復禮。復者反復履行不離也。又舉其要目曰。非禮勿視。非禮勿聽。非禮勿言。非禮勿動。蓋確守外部發作之軌道也。大學乃提其內部工夫之要諦曰。知止而後有定。定而後能靜。靜而後能安。安而後能慮。慮而後能得。此言吾人動作先宜認定至善可止之地。即目的地句往不惑。誠意正心。靜察熟慮。擇善固執。而後身能履行其至善之地。一軌反復。以得確然無逸也。姚際恒用佛典解之曰。知止而后有定。因戒生定也。定而后能靜。以至安而慮。因定發慧也。般若婆羅密者。般若智慧之謂。婆羅密到彼岸之謂。言惟一智慧。而直可到彼岸。此即知止以至能得之義。故大學者。不過古代禪學之書而已。論禮。戒定慧之解。辭意甚似。而於能得二字之說。其義始見大差焉。蓋知止一段。直接上文在止于至善句。專述自我活動。對於至善目的。統一其意識內容之工夫。即亦主自我誠意實地之工夫也。故其所謂定靜安慮。亦皆以此意志活動之力行之也。故其結末所謂能得者。亦言其意既誠。擇善固執。能得行道不迷。行道不迷。即是實地能得止于至善者。其義略與中庸慎思明辨篤行一段相合。豈獨

一知慧之事哉。京山曰。慮者慮天下之物也。心意知物四者一聯。離意求知。則墮枯稿。離知求物。則成支離。人心之知。與物相通。惟意。意所以能格物。惟誠。可謂善解矣。

今試取一實例於孟子書。以注明止。至善實際際道。如下。曰。滕定公薨。世子謂然

友曰。昔者孟子嘗與我言於宋。於心終不忘。世子曾將之楚。過宋而見孟子。孟子道性

自我活動。擇善固執。必有事焉。而至誠不息者也。今也不幸。至於大故。吾欲使子問於孟子。然後行事。是知止

而向往之。格物致知。努力不倦也。然友之鄒。問於孟子。孟子曰。不亦善乎。先許其可能止于至善也。親喪固所自盡

也。自盡。自我盡心也。言事親是親民之本。而仁之實也。世曾子曰。生事之以禮。死葬之以

禮。祭之以禮。可謂孝矣。惟事親行禮。所以自盡於內也。德諸侯之禮。吾未之學也。雖然。吾

嘗聞之矣。三年之喪。齊疏之服。飭粥之食。自天子達於庶人。三代共之。皆所以明然

友反命。定爲三年之喪。有知止而父兄百官皆不欲。曰。吾宗國魯先君。莫之行。吾先君

亦莫之行也。至於子之身而反之。不可。且志曰。喪祭從先祖。見其親。民明曰。吾有所

受之也。能擇善固執。知止而有定者也。其謂然友曰。吾他日未嘗學問。好馳馬試劍。今

也。父兄百官。不我足也。恐其不能盡於大事。子爲我問孟子。兩我字。一盡字。承上文自

工夫所在，即亦其定。然友復之鄒。問孟子。孟子曰：然。誠者，合外內，不可以他求者也。世靜安處之實地也。子自我誠身，慎獨之外，別無明地。孔子曰：君薨，聽於冢宰，歠粥，面深墨，卽位而哭。百官有司，莫敢不哀。先之也。先誠身事親，民親上有好者，下必有甚焉者矣。君子之德風也，小人之德草也。草尚之風必偃。親民待於是在世子。自我道唯在承上自文自盡言，然友反命，世子曰：然。二人由誠，是誠在我。自我慎獨之至始得，五月居廬，實得止于至善之百官族人可謂曰知。說文：知，可肯也。知，及至葬，四方來觀之。見其格物親之哀。弔者大悅。是誠身親明，德之實際，格物致知之

吾人日常生活作爲語，默動靜，必欲止于至善，而能無過與不及之患者，更以簡明切實之語，表示其道，曰中庸。

第三段 中庸之道——中與和——忠恕與絜矩——樂與禮

中庸之道，乃吾人日常生活，應接事物，所必據，以便其作爲經綸，得止于至善者也。

周禮大司樂，以樂六德教國子。曰：中鄭注：獨和剛柔也。祗敬庸也。有常孝母也。弟善也。





此以中與庸各爲一德也。其連此二字以成一語者始見於論語。徂徠曰：此亦蓋古之法名。非孔子所勑也。中庸解。至子思更多引孔子語以闡明其性質意義。終以爲儒道推行實踐之要樞。子曰：人皆曰：予知。驅徂徠而納諸罟獲陷阱之中。而莫之知辟也。人皆曰：予知。擇乎中庸。斷而不能期月守也。蓋擇守中庸之難。猶擇善固執。止于至善之難也。其能擇而守之者。卽所謂慮而後得。止于至善者也。子曰：回之爲人也。擇乎中庸。得一善則拳拳服膺而弗失之矣。蓋其必擇乎中庸者。卽欲實得善言善行而常止於此耳。

中庸者何。子曰：道之不行也。我知之矣。知者過之。愚者不及也。道之不明也。我知之矣。賢者過之。不肖者不及也。人莫不飲食也。鮮能知味也。子曰：道其不行矣夫。概而言之。所謂無過與不及者。卽爲中庸之道也。所謂知愚賢不肖。不過舉例示之。惟知者賢者。爲世之先賢覺。而不得中庸之道。則殊多誤事。故特舉之耳。

夫無過與不及之道。何以名之曰中庸哉。子曰：舜其大知也與。舜好問而好察邇言。隱惡而揚善。執其兩端。用其中於民。其斯以爲舜乎。蓋中庸者。所謂用中之意。與周

易用九用六。共爲儒道之三大作用。而伏羲堯舜以來相傳之要諦。貫通古今。徹上徹下。不變不動。至極之範疇也。周易二五時中之義。彖傳發明之詳矣。論語堯曰。咨爾舜。天之歷數在爾躬。允執其中。四海困窮。天祿永終。舜亦以命禹。禹所傳卽在洪範。建用皇極。大中至正之道。殷周相承不失。孟子曰。禹惡旨酒。而好善言。湯執中。立賢無方。文王視民如傷。望道而未之見。武王不泄邇。泄漏也。不忘遠。周公思兼三王。以施四事。其有不合者。仰而思之。夜以繼日。幸而得之。坐而待旦。孔子曰。不得中行而與之。必也狂狷乎。狂者進取。狷者有所不爲也。孟子引此語。中行作中道。而曰。孔子豈不欲中道哉。不可必得。故思其次也。

中道之用。非特帝王所必要。亦一般人民日常不可缺者也。孟子曰。中也養不中。才也養不才。故人樂有賢父兄也。賢謂中而有才也。如中也棄不中。才也棄不才。則賢不肖之相去。其間不能以寸。音相去不遺也。

嘗試考中庸字義。說文。中和也。从口。一。下上通。鍾鼎古文。或作。象中侯射鵠之形。又作。朱允倩曰。旁形。蓋象置矢形。說文。庸篆文作。用也。从用从庚。庚更事也。

允倩曰。庚猶續也。事可施行謂之用。行而有繼謂之庸。桉。庚字說文作𠄎。位西方。象秋時萬物庚庚有實也。竹山翁曰。古文作𠄎。𠄎作𠄎。𠄎作𠄎。𠄎字从木。象形。作意與戊字相似。戊小篆作𠄎。古文作𠄎。𠄎从木。𠄎𠄎象枝葉繁茂。或省作戊。稍類戈形。說文以爲中宮。象六申五龍相拘繞。非也。桉。用字。小篆用。古文用。又作𠄎。說文曰。可施行也。从卜中。衛宏說。段茂堂曰。卜中則可施行。故取以會意。竹山翁曰。中當兼聲。總之中者中央也。又中於目的也。用者必期中於目的。而施行也。易道之本質。唯潛在其活動之作用。故曰臧諸用。卽如其大衍之用。九六之用。剛中柔中之用。前民之用。是與神物以前民用。百姓不知之用。百姓日用而不知。制法之用。制而用之謂之法。神致之用。精神義入神以致用也。皆與中庸之用。一其致者也。庸者。卜中施用。繼續不絕也。故庸訓爲常。或爲凡庸。皆引申之義。世多取此引申之義。卽以庸爲平常。爲凡庸。遂與道家無爲治平之思想。結合此說。乃以是視爲爲政之要道。此唯可藉以爲一時制止暴政之方便。非字本義爲然也。繫辭傳曰。繼之者善也。中庸之所以能得止於至善者。以其必繼續用中。經久不絕也。唯其繼續用中。經久不絕也。故又可以積善積德。以成就身世家國。而恒久存在。不致亡失也。繫辭傳又曰。善不積

不足以成名。惡不積不足以滅身。小人以小善爲無益，而弗爲也。以小惡爲無傷，而弗去也。故惡積而不可掩，罪大而不可解。坤卦初六文言傳曰：積善之家，必有餘慶。積不善之家，必有餘殃。臣弑其君，子弑其父，非一朝一夕之故，其所由來者漸矣。由辨之不早辨也。易曰：履霜，堅冰至。蓋言順也。乾九二文言傳曰：龍德而正中者也。庸言之信，庸行之謹，閑邪存其誠，善世而不伐，德博而化。易曰：見龍在田，利見大人，君德也。可以見中庸之庸，亦不外乎誠道繼續實在不已之義也。


中庸之道，亦率性之道也。不可離自我性格而求之。子曰：君子居易以俟命，小人行險以徼幸。射有似乎君子，失諸正鵠，反求諸其身。又曰：道不遠人，人之爲道而遠人，不可以爲道。執柯以伐柯，睨而視之，猶以爲遠。又曰：庸德之行，庸言之謹，有所不足，不敢不勉，有餘不敢盡。言顧行，行顧言。君子胡不慥慥爾。於是中庸之道，又有內外切實之工夫。中和忠恕絜矩之道是也。夫希臘亞氏有中行說，印度龍樹有中觀論，中觀者純在認識，思惟上立言，則其義與我所謂中庸有大差，固其所矣。

不斷不一亦不異不來亦不出。一以破有無空假之偏見。息一切不八之戲論。而令歸於真空實有之中道。正觀得入第一義諦。菩薩行參考吉藏疏。○參照第四段五論錄。

至亞氏中行。則吾人日常生活實地踐履上。必期取事物中間之道。而進行之。不至偏於兩端。其意略同中庸之道。而中庸之道。更含有中和忠恕絜矩之精義。必歸於時中之妙諦。參照第四段權度條其深奧宏達。遠非亞氏中行說所能及也。

夫慎獨致誠之君子。必脩其身。而能得率性之道。內能致誠於性。外能明善於行者。是其內部性情。與外部行事。各得調和。互成順應。使其自我與世界。調和暢達。以能盡性遂生。而無礙。此之謂中和之道。中庸首章。先提性道教三者。舉慎獨之君子。乃直接之曰。喜怒哀樂之未發。謂之中。發而皆中節。謂之和。中也者。天下之大本也。和也者。天下之達道也。致中和。天地位焉。萬物育焉。蓋中者中正也。內部性情。未發顯於外部時。能得其統一調和者。是乃慎獨君子之心意狀態也。亦其自我內容之獨立成體也。此中正無邪之性情。實爲其觸著外部。以作爲事物。經綸世界之基調。故曰。中也者。天下之大本也。和者。調和也。內部中正無邪之性情。發動於外部。接觸事物。亦皆能得調和適應。使其自我與外物。共達其盡性遂生之道。廣推及於世界萬物。故曰。和也者。天下之達道也。蓋中者。性情在內得利。如七情之調節。七情者。禮運曰。何謂人情。喜怒哀樂懼愛惡欲七者。弗學而能。故

曰未發。和者。性情在外得中。如動作之合禮。故日中節。在內者。隱微難知。在外者。顯著可見。雖差異如此。而皆就吾人性情作用了狀態立言。則一也。後儒或亏解性情。謂未發之中。是惟有性。而無情之狀態。即惟一理性是已。程朱二氏。發其緒論。象山一派。心即理之說。亦與此並起。終有傳道唯心唯理。極端之論。殆與佛學無差。皆非中庸之本義。又非儒道之正脈也。至清中葉。彭尺木。羅臺山。龔定庵。魏然深輩。沈溺佛說。及其末造。又有譚壯飛。章太炎等。徒以其泛濫之學。鼓動一時之思潮。求其歸趣。混沌茫漠。獨立思想之衰頹。至是而極。殆與六朝及羅馬末造相齊。學者不可不知其所由來也。夫性情之中正調和者。理性與感性。^{意情}闕其一而不可成之。無理性。則不能整治其形式。而統一之。無感性。則不能充實其內容。而活動之。二者相待。而後其自我能獨立成體於內部。而發展



合體於外界事物。則二者之相關聯而存續。何問其未發與已發乎。唯其必常有此二者。儼然存續。具備不失。然後可以得夫至誠之道。能與天合一。而感動人物。繙綸宇宙之功。亦可以見。故曰。致中和。天地位焉。萬物育焉。善哉西河之說之也。曰。道既修。則內本于性。而達之爲道。其在性。則充實內積。不匱不溢。不謂之性。而謂之中。以慎獨之後。明善擇善。中有所主也。其在道。則節文外著。不流不倚。不僅謂之道。而又謂之和。以明進乎誠。推己及物。無所違戾也。蓋中則建極在我。可以立天下之本。和則本乎天。而成乎人可以達之爲天道。而從而推極之。則以參天地。贊化育。盡己盡人。成己成物。皆在乎此。此中庸一書之要領也。說中庸董子曰。中者天下之終始也。和者天地之所生成也。夫德莫大於和。而道莫大於中。中者天地之美達理也。聖人之所保守也。陰陽之道不同。至於盛。而皆止於中。其所始起。皆必於中。中者天下之太極也。陽者天之寬也。陰者天之急也。中者天之用也。和者天之功也。舉天地之道。而美於和。誠擇其和者。以爲大得天地之奉也。循天之道篇此蓋亦述其天人合一之說者。姚際恆則引佛典。證其通同。曰。華嚴經。法性徧在一切處。楞嚴。色身外洎山河虛空大地。咸是妙明真心中物。此

載公孫養氣之說。曰：裏藏。泰實則氣不通。泰虛則氣不足。此下有熱勝則氣口寒勝泰

勞則氣不入。泰佚則氣宛。至怒則氣高。喜則氣散。憂則氣狂。懼則氣懾。凡此十者氣之

害也。而皆生於不中和。故君子怒則反中。而自說以和。喜則反中。而收之以正。憂則反

中。而舒之以意。懼則反中。而實之以情。夫中和之不可不反如此。故君子道至氣。則華

而上。凡氣從心。心氣之君也。何爲而氣不隨也。樂記則據此中和主義。以成其說者也。

曰：夫民有血氣心知之性。而無哀樂喜怒之常。應感起物而動。然後心術形焉。是故。志

微。噍。殺之音作。而民思憂。擘。諧。慢。易。繁。文。簡。節之音作。而民康樂。云云。此就內部心術

之別言之也。又曰：是故先王本之情性。稽之度數。制之禮義。合生氣之和。道五行之行。

使之陽而不散。陰而不密。剛氣不怒。柔氣不懾。四暢交於中。而發作於外。皆安其位。而


不相奪也。四謂陰陽則柔皆安其位。謂四者各得其宜也。此所謂暢交於中者。卽其喜怒哀樂潛而未顯者能

得中正調和於內部也。所謂發作於外。皆安其位。而不相奪者。卽其喜怒哀樂已發而

顯者。能一一中節於外部也。仁齊因疑中庸篇中和一節。卽古樂經之脫簡。殊不必然。

然樂記所論。實與中庸互相發明。以見孔門中和說之本義也。

禮器篇所說亦頗有類此者。今略攝取其大義。以表示之如左。



中和之實際法式。歸於忠恕絜矩之道。中和之實際體制。形於禮樂之道。

忠恕者中之實也。絜矩者和之實也。忠恕者。盡己推己。以及於物。而達之家國天下。即親民成仁之實地也。絜矩者。以身度物。辨明關係。各正其宜。即明明德辨義成物之實地也。惟忠恕以合情。故絜矩之辨。可以成功。惟絜矩以別義。故忠恕之推。可以順進。二者相待。而中庸之道行焉。

忠恕之義。孔子曰。參乎。吾道一以貫之。曾子曰。唯。子出。門人問曰。何謂也。曾子曰。夫子之道。忠恕而已矣。一者不多之謂。大宰問於子貢曰。夫子聖者與。何其多能也。子聞之曰。大宰知我乎。吾少也賤。故多能鄙事。君子多乎哉。不多也。子曰。賜也。女以予爲

多學而識之者與。對曰。然。非與。曰。非也。予一以貫之。子曰。多聞。擇其善者而從之。皆其義也。貫者。終身實地貫行不斷之謂。故一以貫之者。中庸所謂擇善固執是也。子貢問曰。一言而可以終身行之者乎。子曰。其恕乎。己所不欲。勿施於人。大學曰。君子有諸己。而后求諸人。無諸己。而后非諸人。所藏乎身不恕。而能喻諸人者。未之有也。大戴禮小辨篇曰。知恕必知中。知中必知恕。知恕必知外。蓋忠者盡中心也。恕者推如心也。如心者。如中心也。盡中心者。自我內部。能得中正之性情。春秋繁露。天道無二篇。心止於一中者。謂之忠。持二中者。謂之惠。所謂天下之大本是也。推此大本。及於外部。視萬物。如同自我。卽爲恕也。惟其恕也。則可以推其大本之中正。遍達天下。使天下萬物。統一調和。故或只舉恕之一字。而忠字之義。自在其中矣。忠恕旣足以終身貫行。則其爲吾人日常實地之要道也。固矣。孰謂忠恕非一貫之道乎。且夫道之義。亦有廣者。子曰。志於道。晦庵註曰。凡人倫日用之間。所當行。皆曰道。然則所謂一貫之道。亦有大小可分別者。忠恕雖爲一貫之要道。然其所歸。竟在仁之大道。則是亦不過歸入仁道之塗徑。故中庸曰。忠恕違道不遠。施諸己而不願。亦勿施於人。此所謂道。卽指仁之大道言。孟子所謂仁者人也。合而言之道也。

是也。忠恕雖不過達仁之塗徑。然達仁之道。無近接切要於此。故孟子又曰。反身而誠。樂莫大焉。強恕而行。求仁莫近焉。誠者忠之謂。忠誠而強行恕道。卽可以歸於仁道。近字特見其道相近接切要也。兩道切要之關係。明瞭如此。而後儒猶或狹疑聚訟。遂以爲曾子未達一貫之旨。是不熟讀孟子之過也。或解一貫之道。以爲統一萬物。普遍之理。其說夙自六朝時起。以迄今日。猶未

屏息。所謂學究者流。偏喜言流。終不曉道德是何物。長夜漫漫。奈何奈何。

絜矩之義。大學曰。所謂平天下在治其國者。上老老。尊老也。而民興孝。上長長。敬長也。

而民興弟。上恤孤。而民不倍。是以君子有絜矩之道也。所惡於上。毋以使下。所惡於下。毋以事上。所惡於前。毋以先後。所惡於後。毋以從前。所惡於右。毋以交於左。所惡於左。毋以交於右。此之謂絜矩之道也。樂只君子。民之父母。民之所好。好之。民之所惡。惡之。此之謂民之父母。鄭康成曰。絜猶結也。挈也。矩法也。按。絜矩之道者。人人方正自持之道也。人人方正自持。身之所處。上下四旁。辨正其義。無不入規矩。則可以一致協和。而忠恕之道。亦順行其中也。夫明善齊治平天下之道。唯在一切人物調和之中見之。一切人物調和之道。唯待其中人人物。各盡其正義。得其所宜。不相犯。不相亂。左傳曰。

入民軌物。不啻民宜然。凡一切事事物物。必須如此入軌物。正規矩。而後忠恕之道。可以順行其中。而無礙。明明德之道。亦可以普施其中。而無遺也。孔子曰。君子和而不流。又曰。君子和而不同。小人同而不同。不流不同者。行有絜矩之道。必以正義制事之宜。操守方正。無放辟邪侈。阿比雷同之情。無放辟邪侈。阿比雷同之情。故實能一致於忠恕之道。而行中庸之道也。中庸曰。君子之道四。丘未能一焉。所求乎子。以事父。未能也。所求乎臣。以事君。未能也。所求乎弟。以事兄。未能也。所求乎朋友。先施之。未能也。又曰。君子素其位而行。素。鄭氏曰。儻也。齷也。不願其外。素富貴。行乎富貴。素貧賤。行乎貧賤。素夷狄。行乎夷狄。素患難。行乎患難。君子無入而不自得焉。在上位。不陵在下。在下位。不援上。正己不求於人。則無怨。上不怨天。下不尤人。故君子居易以俟命。小人行險以徼倖。子曰。射有似乎君子。失諸正鵠。反求諸其身。周易履卦初九爻辭曰。素履。其位行也。往無咎。象傳曰。素履之往。獨行願也。此卽中庸不願乎其外者是也。

夫內部忠恕之同情。與外部絜矩之自持。表裏相輔以行者。此實個人經營社會生活之要諦。亦社會維持其秩序。而致發展之根本要義也。此二作用法式之成立體

制而施行人間者。曰樂。曰禮。樂者。調和內部通同之性情。以表顯其忠恕之道。而企中正之發展者。凡文學藝術之道屬之。禮者。辨正外部特殊之義理。以普行其絜矩之道。而圖秩序之調和者。凡禮儀法律。制度典章等類屬之。堯修五禮。吉凶軍五玉。三帛。二生。一死。贄。命。變。典。樂。教。胃子。作胃一直而溫。寬而栗。剛而無慮。簡而無傲。詩言志。歌永言。聲依永。律和聲。八音克諧。無相奪倫。神人以和。臯陶之九德。亦本乎此。曰。寬而栗。柔而立。愿而恭。亂而敬。擾而毅。直而溫。簡而廉。剛而塞。彊而義。彰厥有常。吉哉。樂記曰。天高地下。萬物散殊。而禮制行矣。流而不息。合同而化。而樂興焉。春作夏長。仁也。秋斂冬藏。義也。仁近於樂。義近於禮。樂者敦和。率神而從天。禮者別宜。居鬼而從地。鄭注。居故聖人作樂以應天。制禮以配地。禮樂備。天地官矣。官。猶事也。各得其事。曰。大樂與天地同和。大禮與天地同節。和故祀天祭地。明則有禮樂。幽則有鬼神。如此則四海之內。合敬同愛矣。禮者。殊事合做者也。樂者。異文合愛者也。禮樂之情同。故明王以相沿也。故事與時並。名與功偕。曰。樂者。天地之和也。禮者。天地之序也。和故百物皆化。序故羣物皆別。樂由天作。禮以地制。過制則亂。過作則暴。明於天地。然後能興禮樂。

也。曰。樂者。情之不可變者也。禮者。理之不可易者也。樂統周。禮辨異。禮樂之說。管乎人情矣。管猶也。曰。樂者爲同。禮者爲異。同則相親。異則相敬。樂勝則流。流謂合行不敬離謂則賢不肖別矣。刑禁暴。爵舉賢。則政均矣。仁以愛之。義以正之。如此則民治行矣。此皆不居明言禮樂二者特徵之顯也。又曰。凡音者生於人心者也。樂者通倫理者也。倫猶類也。理分也。是故知聲而不知音者。禽獸是也。知音而不知樂者。衆庶是也。唯君子爲能知樂。是故審聲以知音。審音以知樂。審樂以知政。而治道備矣。是故不知聲者。不可與言音。不知音者。不可與言樂。知樂則幾於禮矣。禮樂皆得。謂之有德。德者得也。是故樂之隆。非極音也。食饗之禮。非致味也。清廟之瑟。朱絃而疏越。壹倡而三嘆。有遺音者矣。大饗之禮。尙玄酒。而俎腥魚。大羹不和。有遺味者矣。是故先王之制禮樂也。非以極口腹耳目之欲也。將以教民平好惡。而反人道之正也。曰。樂者音之所由生也。其本在人心之感於物也。是故其哀心感者。其聲嗥以殺。其樂心感者。其聲嘽以緩。其喜心感者。其聲發以散。其怒心感者。其聲粗以厲。其敬心感者。其聲直以廉。其愛心感者。其聲和以柔。六者

非性也。感於物而后動。是故先王慎所以感之者。故禮以道其志。樂以和其聲。政以一

其行。刑以防其姦。禮樂刑政。其極一也。所以同民心。而出治道也。曰人生而靜。天之性

也。感於物而動。性之欲也。按人天性中本有欲求。故其在初生幼時。性情尙穩靜。雖未

物活動者亦必不可掩。故曰性本然主靜無欲之說者不可從也。不見物至知。物則無欲。此乃誤啓後需。天性本然主靜無欲之說者不可從也。不見物至知。

又有知也。然後好惡形焉。益見物多見欲。好惡無節於內。知誘於外。不能反躬。天理

滅矣。誘猶道也。引也。野猶已。理猶性也。蓋亦鄭氏注語誤之也。夫物之感人無窮。而

人之好惡無節。則是物至而人化物也。人化物也者。滅天理而窮人欲者也。窮人欲。首

至滅窮極之謂。言人欲好惡極樂無節。則於是有悖逆詐僞之心。有淫泆作亂之事。是

故强者脅弱。衆者暴寡。知者詐愚。勇者苦怯。疾病不養。老幼孤獨。不得其所。此大亂之

道也。曰是故先王之制禮樂。人爲之節。衰麻哭泣。所以節喪紀也。鐘鼓干戚。所以和安


樂也。昏姻冠笄。所以別男女也。射鄉食饗。所以正交接也。射鄉。大射。鄉禮節民心。樂和

民聲。政以行之。刑以防之。禮樂刑政。四達而不悖。則王道備矣。曰樂由中出。禮自外作。

和在心。敬樂由中出。故靜禮自外作。故文。文猶動也。大樂必易。大禮必簡。樂至則無怨。禮至

則不爭。揖讓而治天下者。禮樂之謂也。暴民不作。諸侯賓服。兵革不試。五刑不用。百姓無患。天子不怒。如此則樂達矣。合父子之親。明長幼之序。以敬四海之內。天子如此。則禮行矣。曰。故樂也者。動於內者也。禮也者。動於外者也。樂極和。禮極順。內和而外順。則民瞻其顏色。而弗與爭也。望其容貌。而民不生易慢焉。故德輝動於內。而民莫不承聽。理發諸外。而民莫不承順。曰。禮主其減。樂主其盈。禮人所倦。樂人所歡也。禮減而進。以進爲文。樂盈而反。以反爲文。進謂自強。反謂自善也。禮減而不進則銷。樂盈而不反則放。故禮有報。而樂有反。放淫於聲樂。不能止也。報猶進也。禮得其報則樂。樂得其反則安。禮之報。樂之反。其義一也。俱趨立於中。不銷不放也。曰。樂著大始。而禮居成物。著之言處也。大始。百物之始生也。著不息者天也。著不動者地也。著猶明也。息猶休也。一動一靜者。天地之間也。故聖人曰。禮樂云。言禮樂之法。天地也。曰。樂也者。施人禮也者。報也。言樂出而不反。而禮有往來也。樂樂其所自生。禮反其所自始。樂章德。禮報情。反始也。曰。窮本知變。樂之情也。著誠去僞。禮之經也。禮樂俱天地之情。達神明之德。降輿上下之神。而凝是精粗之體。領君臣父子之節。儀猶依象。凝成也。曰。是故。大人舉禮。則天地將爲昭焉。天地訢合。陰陽相得。照姬覆育萬物。訢讀爲熙。覆猶蓋也。姬讀爲熙。覆猶蓋也。曰。樂者非謂黃鐘大呂弦歌干揚

也。樂之末節也。故童者舞之。鋪筵席。陳尊俎。列邊豆。以升降為禮者。禮之末節也。故有司掌之。樂師辨乎聲詩。故北面而弦。宗祝辨乎宗廟之禮。故後尸。商祝辨乎喪禮。故後主人。後辨贊禮儀也。此言知本者。學也。後尸居。是故。德成而上。執成而下。行成而先。事成而



後。是故。先王有上有下。有先有後。然後可以有制於天下也。此皆切言禮樂二者。內外顯微。互相關係之密也。孟子併論仁智禮樂四者。根本關係。曰。仁之實。事親是也。義之實。從兄是也。智之實。知斯二者弗去是也。禮之實。節文斯二者是也。樂之實。樂斯二者。樂則生矣。生則惡可已也。惡可已。則不知足之蹈之。手之舞之。茲更圖示如左。

孔子謂韶。盡美矣。又盡善也。謂武。盡美矣。未盡善也。未盡善者。蓋言其未盡禮也。又曰。興於詩。立於禮。成於樂。此欲善美兼盡之也。亦欲內外相兼。以陶冶性情。完全人格。化成天下也。

禮樂之制。周公立之。而其義則孔孟明之。至荀子更窮其本原。與效果甚詳。今雖不遑論及。然苟講求儒道者。不可不潛心於此也。

第四段 權衡之道——反求與擴充——羣化與分義

中庸之道。依權衡之道而行之。權衡之道者。計較事物之性質分量。各得適宜之調節處理。以推行其時中之道者也。又據此道。先立內外本末終始之關係。以徧通吾人自我與萬物所以盡性遂生之實地。而窮盡人生與世界所以作為經綸之工夫也。唯有此徧通內外本末。而得調節時中之道。故彼中與忠恕之道。可依反求擴充之道。有成於內。而及於外。和與絜矩之道。亦可依羣化分義之道。有成於外。而及於內。於是儒道之本末終始並舉。而俱成焉。此義主由孟荀二子所道破。發揮人生社會。宇宙羣倫。所以結集生成之機能。幾於無餘蘊矣。

周易擊辭傳曰。巽以行權。

孔氏正義曰。巽順以順。時合宜。故可以權也。

稱而隱。

乾隆述義曰。稱謂酌量。處置隱謂深入不露。

德之制也。

柔順而能深入細微。隨宜斷制也。晦庵語類卷七十六曰。巽一陰入在二陽之下。是能入義理之中。無細不入。直徹到底。不只是皮子上。如此方能獨斷。

得殺。如風之動物。無物不入。但見其動。而不見其形。權之用亦猶是也。

謙卦象傳曰。地中有山。謙。君子以裒多益寡。稱物

平施。禮器曰。禮時爲大。順次之。體次之。宜次之。稱次之。孔氏正義曰。禮合天時。揖讓干戈之時。於禮中最大。雖合天時。又須順序。有時有順。又須小大各有體。別大小。雖有體行之。又須各當其宜。稱猶足也。行禮又須各自足也。子曰。可與共學。未可與適道。可與適道。未可與立。可與立。未可與權。又曰。君子之於天下也。無適也。無莫也。義之與比。義之與比。權衡所在。則無適無莫者。所以能實有適有莫也。孟子曰。揚子取爲我。拔一毛而利天下。不爲也。墨子兼愛。摩頂放踵利天下。爲之。子莫執中。執中爲近之。執中無權。猶執一也。所惡執一者。爲其賊道也。舉一而廢百也。又謂齊宣王曰。權然後知輕重。度然後知長短。物皆然。心爲甚。王請度之。淳於髡曰。男女授受不親。禮與。孟子曰。禮也。曰。嫂溺則援之以手乎。曰。嫂溺不援。是豺狼也。男女授受不親。禮也。嫂溺援以手者。權也。今天下溺矣。夫子之不援。何也。曰。天下溺。援之以道。嫂溺。援之以手。子欲手援天下乎。孟權之爲道。唯欲歸於至正之中道。而推行之。固非權謀術數之謂。孟子又曰。君子反經而已矣。其義可以見也。

夫所謂中道者。常由時處位三者之關係。而變動無定。故必待權度而得之。不可

一概拘執。以致礙滯不通。此所以中庸之難行。民鮮能之也。孔子答子路問強曰。君子和不流。強哉矯。中立而不倚。強哉矯。國有道不變。塞焉。強哉矯。國無道。至死不變。強哉矯。又曰。君子中庸。小人反中庸。君子之中庸也。君子而時中。小人之中庸也。小人而無忌憚也。又曰。行夏之時。又曰。時哉時哉。時中之義。易傳說之甚詳。象傳言時者。二十四卦。言中者。三十六卦。象傳言中者。三十九卦。言時者。六卦。惠定宇曰。時中者。易之大要也。時者舉一卦以取之義而言之。中者舉一爻所適之位而言之。時無定者。而位有定。故多言中。少言時。述周易案。此專就卦體言時中出現之多少耳。至於諸爻。則不必然也。繫辭傳曰。六爻相雜。述周易唯其時。如初二物。如陰陽。三四是。剛柔是。也。乾象傳曰。時乘六龍。言其六爻時位。各不相同也。文言傳曰。九三君子終曰乾乾。子曰。因其時而惕。雖危無咎矣。九二見龍在田。子曰。時舍也。又曰。潛龍勿用。陽氣潛藏。見龍在田。天下文明。終日乾乾。與時偕行。或躍在淵。乾道乃革。飛龍在天。乃位乎天德。亢龍有悔。與時偕極。乾元用九。乃見天則。案九五之能得中正。而施天德。所以能得其時也。九三之未得中。而其位則正。故因其時乾乾。所以未失其時也。上九之不中不正。亦亢龍不知退。所以不得乎其時。凡易

道所見。往來消息。損益盈虛。莫非此權度時中之道。繫辭傳曰。變通者趣時者也。是其義。時中之道。亦在時義時用之中。卽如豫卦象傳曰。天地以順動。日月不過。聖人以順動。刑罰輕而民服。豫之時義大矣哉。睽卦象傳曰。男女睽而其志通也。萬物睽而其事類也。睽之時用大矣哉。孟子曰。伯夷聖之清者也。伊尹聖之任者也。柳下惠聖之和者也。孔子聖之時者也。唯能時者。斯得中和之道。以無礙矣。繫辭傳曰。精義入神。知幾其神乎。君子見幾而作。待時而動。知幾知彰。知柔知剛。萬夫之望。中庸曰。不勉而中。不思而得。從容中道。聖人也。又曰。時措之宜也。蓋誠道實地之徵驗。亦於此明見之也。

時中之道。唯由權度之道而得之。凡事物之大小多少。長短輕重。遠近厚薄。消長盈虛。昇降進退。離合聚散。向背緩急。內外顯微。本末終始。一待於此。而後決其當行之義務與權利。故凡倫理教化法律政治藝術。以及社會國家世界。一切人間所作爲經綸事物。其所以能得完全成立之根本基調。無一能脫此權衡折衷之道。而絕對孤往者也。故權衡之道。實可謂於相對比較之中。寓絕對唯一之中道者也。儒道之能得無偏無頗。大公至正。爲天下之大經大法。亦以此故。孟子曰。口之於味也。目之於色也。耳

之於聲也。鼻之於臭也。四肢之於安佚也。性也。有命焉。君子不謂性也。東原曰：君子不

欲其仁之於父子也。義之於君臣也。禮之於賓主也。智之於賢者也。聖人之於天道也。命

也。有性焉。君子不謂命也。仁齋曰：不以此五者委之於命。同是性命。而前則伸命抑性。

後則伸性抑命。此實孟子權衡時中之要旨。如其或切言反求。或力說擴充。亦皆同義。

又曰人之於身也。兼所愛。兼所愛。則兼所養也。無尺寸之膚不愛焉。則無尺寸之膚不

養也。所以考其善不善者。豈有他哉。於己取之而已矣。體有貴賤。有大。小無以小害大。

無以賤害貴。養其小者為小人。養其大者為大人。今有場師。舍其梧櫝。養其楸棘。則為

賤場師焉。養其一指。而失其肩背。而不知也。則為浪疾人也。飲食之人。則人賤之矣。為

其養小以失大也。飲食之人。無有失也。則口腹豈適為尺寸之膚哉。又曰。從其大體為

大人。從其小體為小人。耳目之官。不思而蔽於物。物交物。則引之而已矣。心之官則思。

思則得之。不思則不得也。比天之所與者。先立乎其大者。比。朱本作此。當從趙本作比。

方而先立乎其大者也。則小者不能奪也。耳目之官。既服從於心官。此為大人而已矣。又如其道。

性善。稱堯舜。言仁義。說四端之固有。人倫之可教。及其辨王霸異端。皆必商量批判。嚴

取舍。明去從。以欲反於經。所謂不直則道不見者是已。

荀子用懸衡權衡操術等語。推孟子權度之義。更致深詳。先就心上說之曰。凡人
之患。蔽於一曲。則闇於大理。治則復經。此其孟子反經同意兩疑則感矣。凡萬物異則莫不相爲
蔽。此心術之公患也。墨子蔽於同。盡利而不知文。慎子蔽於法。盡數而不知賢。莊子蔽
於天。盡因而不知人。此皆道之一隅也。夫道者。體常而盡變。一隅不足以舉之。聖人知
心術之患。見蔽塞之禍。故兼陳萬物。而中懸衡。故衆異不得相蔽。以亂其倫。何謂衡。曰
道。故心不可以不知道。心不知道。則不可道。而非道。以其可道之心。與道人論非道。
治之要也。故治之要在於知道人。何以知道。曰心。心何以知。曰虛壹而靜。心未嘗不臧
也。然而有所謂虛。心未嘗不滿也。然而有所謂一。心未嘗不動也。然而有所謂靜。人生
而有知。知而有志。志也者臧也。然而有所謂虛。不以所已臧。害所將受。謂之虛。心生而
有知。知而有異。異也者。同時兼知之。同時兼知之。兩也。然而有所謂一。不以夫一害此
一。謂之壹。心臥則夢。偷則自行。偷慢也使之則謀。故心未嘗不動也。然而有所謂靜。不以
夢劇亂知。謂之靜。將須道者之虛則入。將事道者之一則盡。將思道者之靜則察。知道

察。三字知道行。兩知道問體道者也。虛壹而靜。謂之大清明。萬物莫形而不見。莫見而

不論。倫莫倫而失位。坐於室而見四海。處於今而論久遠。疏觀萬物。而知其情。參稽治

亂。而通其度。經緯天地。而材官萬物。制割大理。而宇宙裏矣。莫包明參日月。大滿八極。

是之謂大人。夫惡有蔽矣哉。解蔽又曰。心者形之君也。而神明之主也。出令而無所受

令。自禁也。自使也。自奪也。自取也。自行也。自止也。心枝則無知。傾則不精。貳則疑惑。以

贊稽之萬物。可兼知也。知者擇一而壹焉。君子壹於道。而以贊稽物。道經曰。人心之危。

道心之微。危微之幾。唯明君子而後能知之。上同又曰。萬物爲道一偏。一物爲萬物一偏。

愚者爲一物一偏。而自以爲知道。無知也。老子有見於絀。而無見於信。墨子有見於齊。

無見於崎。天論又就人類之欲望說之曰。凡人之取也。所欲未嘗粹而來也。其去也。未

嘗粹而往也。故人無動而不與權俱。衡不正則重懸於仰。而人以爲輕。輕懸於俛。而以

人爲重。此人之惑於輕重也。權不正則禍託於欲。而人以爲福。福託於惡。而人以爲禍。

此亦人之所以惑於禍福也。道者古今之正權也。離道而內自擇。則不知禍福之所託。

易者以一易一。人曰無得亦無喪也。以一易兩。人曰無喪而有得也。以兩易一。人曰無


得而有喪也。計者取所多。謀者從所可。以兩易一。人莫之爲明其數也。從道而出。猶以一易兩也。奚喪。離道而內自擇。是猶以兩易一也。奚得。其累百年之欲。易一時之嫌。然且爲之。不明其數也。上同又就禮上說之曰。衡誠懸矣。則不可欺以輕重。君子審於禮。則不可欺以詐僞。衡者平之至。禮者人道之極也。禮之中焉能思索。謂之能慮。禮之中焉能勿易。謂之能固。禮論篇又曰。禮者以財物爲用。以貴賤爲文。以多少爲異。以隆殺爲要。文理繁。情用省。是禮之隆也。文理省。情用繁。是禮之殺也。文理情用相爲內外表裏。並行而複。是禮之中流也。猶中也故君子上致其隆。下盡其殺。而中處其中。步聚馳騁厲鶩。不外是矣。是君子之壇宇宮庭也。於是其中焉。方皇周挾。同曲得其次序。是聖人也。詩曰。禮儀卒度。笑語卒獲。此之謂也。上同又舉後王而說操術曰。千人萬人之情。一人之情是也。天地始者。今日是也。百王之道。後王是也。君子審後王之道。而論於百王之前。若端拜而議。推禮儀之統。分是非之分。總天下之要。治海內之衆。若使一人。故操彌約。而事彌大。五寸之矩。盡天下之方也。故君子不下堂。而海內之情舉。積此者。操術然也。苟不

篇校。所謂後王。亦先王也。但不必求上古邈遠難見難效耳。又曰。王者之制。道不過三

代。法不貳後王。道過三代。謂之蕩。法貳後王。謂之不雅。王制篇 蓋荀子之尊重直接經驗。足以救孟子先驗說。而相成者也。孟子之徒。流於性命之空談。故荀子非之。見非十篇 荀子之門。出李斯。事秦立法。偏於外部實驗。而失內部之理想。以刻薄敗之。漢起。學尚折衷。孟荀之道。並行於武帝以後。乃見儒道之調節而普通天下。

權衡折衷之道。在求心遠心二法之調節。求心之法。由反。求而形於分義。遠心之法。由擴充而形於羣化。羣化之道。待分義而成之。分義之道。待擴充而成之。反求擴充之道。與羣化分義之道。表裏並行。交錯適合。而不失其權衡。則內外一致。自他合體。而時中之道。自行其中。

反求之道。在反身省察。而求道之大本於自我內部。中庸曰。道自道也。周易蹇卦象傳曰。君子以反身修德。九三象傳曰。往蹇來反。內喜之也。王注曰。進則入險。來則得位。為下卦之主。是內之所也。 上六象傳曰。往蹇來碩。志在內也。應在三。故曰志在內。 復卦為反復往來不絕之卦。又為反省自覺之卦。故初九象傳曰。不遠之復。以修身也。六五象傳曰。敦復無悔。中以自考也。內中 繫辭傳曰。復自知也。太甲曰。顧諟天之明命。參照第一段。明明德條。 孟子曰。求則得之。舍則



失之。是求有益於得也。求在我者也。求之有道。得之有命。是求無益於得也。求在外者也。又曰。行有不得者。皆反求諸己。中庸曰。射有似乎君子。失諸正鵠。反求諸其身。蓋反求之道。孔子既早指示之。論語亦多載其說。但其所反求之爲何物。孔子未明言之。至孟子。始明明揭揚之。以示天下人。如曰自我固有之良貴也。天爵也。曰道德上善性也。曰良心也。曰良知良能也。是也。

良貴者何。孟子曰。欲貴者。人之同心也。人人有貴於己者。言於己有貴者也。弗思耳。人之所貴者。非良貴也。趙孟之所貴。趙孟能賤之。天爵者何。曰有天爵者。有人爵者。仁義忠信樂善不倦。此天爵也。公卿大夫。此人爵也。今之人。脩其天爵。以要人爵。既得人爵。而棄其天爵。則惑之甚者也。終亦必亡而已矣。

夫尊德性之要。中庸既言之矣。進至孟子。此說益爲精深。更明言人人固有善性

之可尊者。其鼓舞人類道德上自尊自信之心。效果極大。程氏所稱不謬。曰孟子有大

善也。性但其所謂性善之義。與宋儒所說本有完善理性之見不同。告子篇辨之。素已詳

明。告子曰。性無善無不善也。或曰。性可以為善。可以為不善。是故。文武興則民好善。幽

厲興則民好暴。或曰。有性善。有性不善。是故。以堯為君而有象。瞽瞍為父而有舜。以紂

為兄之子。且以為君。而有微子啓。王子比干。今日性善。然則彼皆非與。孟子曰。乃若其

情。則可以為善矣。乃所謂善也。若夫為不善。非才之罪也。按。告子論性之見地。專在絕

對上之否定。或者之說。一則在其一般可能性之肯定。一則在特種先驗固定性之肯

定。此三說者。皆非孟子所否定反對。而孟子自家之所力說主張。則又在三者之外也。

其意蓋謂。假令性之善惡。於絕對上。未可直接知之。而就其性所發動觀之。有可以為

善之情。既有可以為善之情。亦必有可以為善之性能也。明矣。為不善。謂為不可不善。

在山而不可下也。宋人誤解。以不善為惡。因又誤認性為絕對上善者。即人既必有可

以為善之性能。以視彼禽獸。概無可以為善之性能者。則人之性。決不可不謂之善。故

曰性善。此我所謂善之意也。告子曰。生之謂性。孟子曰。生之謂性也。猶白之謂白與。曰

然則犬之性猶牛之性。牛之性猶人之性。與。案。告子所謂之性。汎就萬物中普遍者。言之。孟子所謂之性。專就人類特種者。一即唯人類中普遍者。一言之。所見既各不同。故所論亦互。背馳而不合。夫性情才三者。其實一也。皆可以爲善。而其有爲不善者。非性情才不可

以爲善之罪。固有可以爲善之性能。而未十分盡之耳。若果十分盡之。皆至爲善。而不爲不善。此所以別有養氣養性。擴充盡性之諸說。極力圖其性能完善之發展。固非人性本來絕對完善。不待人爲修養之謂也。此義至近代。東原字義疏證。東壁遺書。孟子事實

錄附

論 蘭甫讀書記等。辨得已極詳盡。學者不復容疑。然此辨。夙在西漢時。董子已先行

之。殆無遺憾。而學者多不省。故今抄記其大要如下。曰。性有善端。動之愛父母。善於禽獸。則謂之善。此孟子之善。循三綱五紀。浚曉樓注。蘇厚庵義證。俱引白虎通三綱六紀。曰。三綱者。君臣父子夫婦。六紀者。諸父兄弟族

人諸勇師長。朋友是也。

通入端之理。忠信而博愛。敦厚而好禮。乃可謂善。此聖人之善也。聖人之

所謂善。亦未易當也。夫善於禽獸之未得善也。猶知於草木。而不得名知。於萬民之性。善於禽獸。而不得名善。知之名。乃取之聖。聖人之所命。天下以爲正。正朝夕者視北辰。正嫌疑者視聖人。聖人以爲無王之世。不教之民。莫能當善。善之難當如此。而謂萬民之性皆能當之。過矣。質於禽獸之性。則萬民性善矣。質於人道之善。則民性弗及也。萬

民之性。善於禽獸者。許之。聖人之所謂善者。勿許。吾質之命性者。異孟子。孟子下質於禽獸之所爲。故曰已善。吾上質於聖人之所善。故謂性未善。春秋繁露深察名號篇此以其性未善之說。欲調和孟子性善與荀子性惡兩說。而其中明見人格上理想之發越。與道德進化發展之旨義。可謂卓論矣。參照下文荀子性惡一條。

良心者何。孟子曰。牛山之木。嘗美矣。以其郊於大國也。斧斤伐之。可以爲美乎。是其日夜之所息。雨露之所潤。非無萌蘖之生焉。牛羊又從而牧之。是以若彼濯濯也。人見其濯濯也。以爲未嘗有材焉。此豈山之性也哉。雖存乎人者。豈無仁義之心哉。其所以放其良心者。亦猶斧斤之於木也。旦旦而伐之。可以爲美乎。其日夜之所息。平旦之氣。其好惡與人相近也者幾希。則其旦晝之所爲。有梏亡之矣。梏之反覆。則其夜氣不足以存。夜氣不足以存。則其違禽獸不遠矣。人見其禽獸也。而以爲未嘗有才焉者。是豈人之情也哉。案性情才三者。皆一也。良心者。良性良情良才之心也。其言良。不言善者。蓋良者。天良之謂。卽就人天然本能之性情。言其固有可爲善之道德性。既有此可爲善之道德性。則雖未可全許之以善之名。亦不可謂爲非善。故別用良字。以表其可

爲善之本能也。善與良二字通用則同義。分用則異義。文中曰可以爲美乎。猶言可以爲善乎。美猶善耳。曰非無萌蘖之生。曰以爲未嘗有材焉。此豈山之性也哉。皆言固有本能之性可以發展也。良心本能。欲求仁義。故又謂之仁義之心。良心發展。則可以達其仁義之心。以成仁義之德。故道德之完成。其所本在人本能之良心。苟放失良心。不知所養。則去禽獸不遠矣。故人道推行之第一步。在反求其良心。程繁經以善惡念心爲得道之起原善愛念心者。卽此所云良心之謂也。又其言脩成善樹亦然。

良知良能者何。分析良心之性能而言之者也。孟子曰。人之所不學而能者。其良能也。所不慮而知者。其良知也。孩提之童。無不知愛其親也。及其長也。無不知敬其兄也。仁齋連讀知愛知敬。以知爲良知之事。以愛敬爲良能之事。以非陽明偏取良知而遺良能之失。確中程朱以來偏重知性蔑視感性之病。可謂善讀孟子者也。但仁齋謂仁義禮智是道德之名。而非性之名。辨之雖強。亦惟無益而止。蓋人之道德。既本於其固有本能之性情。則仁義禮智爲道德上所得之名。亦爲性情上所得之名。有何可分。仁齋意在斥宋儒性理之說。遂舉性而並斥之。誤矣。雖然。宋儒之專據理性。以說道德

之本然完備。義致乖違。非善讀孟子者也。以論語古義。有子章注曰。孟子謂人之性善。以仁義爲其性也。此以仁義名性也。非直以仁義爲人之性也。所說甚明。然至語孟字義。則力辨仁義禮智是道德之名。而非性之名。終曰。謂仁義即吾性可也。謂吾性即仁義亦可也。但以仁義爲性中名。則不可也。所謂固有者。意蓋如此。案仁齋亦既認仁義爲性。而必言非性之名者。其意蓋謂性雖仁義之本根。然仁義之全成。在外部之推行。故性中不可言全成之仁義也。惟其深辨痛論。繁詞累言。不覺自招。此混雜耳。參照下文四端條。

人性固有道德上本能欲求。然色食利便等欲求本能。亦人性之所固有。則人性決非唯道德性之所成也。明矣。孟子之所主張提倡。專在其道德上善性。此其積極發展主義之所使然。即其所謂權度之道。亦必反求於自我之內容。舉其重且大者。而略其小焉者耳。味色聲臭安佚。雖爲性之固有。而其中亦有命之所定者。故唯謂命。不謂性也。仁義禮智天道。雖爲命之所定。而其中亦有性之可養者。故唯謂性。不謂命。參照上文此乃孟子自行其權衡。決擇用中之道也。又曰。廣土衆民。君子欲之。所樂不存焉。中天下而立。定四海之民。君子樂之。所性不存焉。君子所性。雖大行不加焉。雖窮居不損焉。分定故也。君子所性。仁義禮智根於心。其生色也。晬然見於面。盎於背。施於四體。四體不言而喻。又曰。由是則生。而有不用也。由是則可以辟患。而有不爲也。是故。所欲有甚

於生者。所惡有甚於死者。非獨賢者有是心也。人皆有之。賢者能勿喪耳。按所樂所性云者。皆君子進德修業者。自以爲其樂。亦以此爲其性。而尊重之之謂。非現實人性本來自然。皆如是之謂也。又其連用有字。亦現實人性中必有之之謂。非本性全然之謂也。唯其於本性種種衝動欲求中。必欲擇其善良者。而決行之。故權衡決擇之道。不可不重也。故又曰。天將降大任於是人也。必先苦其心志。勞其筋骨。餓其體膚。空乏其身。行拂亂其所爲。所以動心忍性。曾益其所不能。人恆過。然後能改。困於心。衡於慮。而後作。徵於色。發於聲。而後喻。入則無法家拂士。出則無敵國外患者。國恆亡。然後知生於憂患。而死於安樂也。所謂動心忍性。增益不能。恆過能改。困心衡慮。徵色發聲處。即可見權衡反求時中之道。必亦待實地幾多苦心勞力。決非單純自然生活及知識生活之所能得也。

反求之道。既自反身省察於內部。索吾人行道之根據。遂得之於固有之善性。良心良知良能。此善性。良心良知良能。乃吾人自我之主體。卽爲吾人自我真實成體之根本要素也。吾人自身固有此根本要素。故自能構成其理想。而實現之。成立其所求。

真實自我。而行道無礙也。故道德之根本萌芽。先於吾人內部本然之性能。發起其端。所謂仁義禮智之四端是也。有此四端。則可以擴充之。達成所謂仁義禮智完善之道德。故道德之推行。必先反求自我內部道德性之自覺自動。爲之發端。曾子之守約。曰。自反而縮。雖千萬人。吾往矣。告子曰。不得於言。勿求於心。不得於心。勿求於氣。孟子曰。不得於心。勿求於氣。可。不得於言。勿求於心。不可。夫志之曰志。氣之帥也。氣體之充也。夫志至焉。氣次焉。次舍次也。體氣必至。心志之所至也。故曰。持其志。無暴其氣。無暴謂不可使其暴動。既反求之於現實尋常自我之中。得人所以爲人之根原。以別於禽獸。即可擴充之。進於理想上自我之人格。而欲爲堯舜。故擴充者。先待於反求。而反求之者。將有以擴充之也。深深之反求。所以致層層之擴充也。薛敬軒讀書錄曰。愈收斂愈充拓。愈細密愈廣大。愈深孟子曰。人皆有不忍人之心。先王有不忍人之心。斯有不忍人之政矣。以不忍人之心。行不忍人之政。治天下。可運之掌上。所以謂人皆有不忍人之心者。今人乍見孺子將入於井。皆有怵惕惻隱之心。非所以內交於孺子之父母也。非所以要譽於鄉黨朋友也。非惡其聲而然也。由是觀之。無惻隱之心。非人也。無羞惡之心。非人也。無辭讓之心。非

人也無是非之心。非人也。惻隱之心。仁之端也。羞惡之心。義之端也。辭讓之心。禮之端也。是非之心。智之端也。人之有是四端也。猶其有四體也。有是四端而自謂不能者。自賊者也。謂其君不能者。賊其君者也。凡有四端於我者。知皆擴而充之矣。若火之始然。泉之始達。是良知自發。苟能充之。足以保四海。是良能發。苟之不充之。不足以事父母。按孟子意。並欲亦反求之。亦擴充之。故必舉兩面而竭之。不使偏執反求。而忘擴充也。則反求之於擴充。其實一。而且爲二。知其一。不知其二。學者通弊在焉。且其所謂四端者。四德發展之端本。仁齋所解至當。晦庵以爲內部性理端緒微見於外者。乃以擴充亦爲內部充滿本然之量。是偏重內部。而無視於外部實際擴充之義。不可從也。後儒往往誤用反求之法。專用心於向內省察之功夫。而疏略向外行事上之努力。遂耽溺於主觀之理趣。茫茫蕩蕩。懸空思索。二句見傳習錄。或只以復性歸本。爲全了事。不復務完成道德於外部之實踐躬行。其病源所在。不可不猛省也。四端雖並尊。而仁端爲其首。普關於全體。是凡人生所有道德之最根本。而最普遍者。故以惻隱不忍人之心。爲其總綱。猶兼說仁義。而總綱在仁。其意與孔子無異。復卦象傳曰。復其見天地之乎。天地之心。

言一陽來復。生物不息之心也。六二休復。象傳曰。休復之吉。以下仁也。初九在陽爲仁。附

而順之。是自降下於六四中行獨復。象傳曰。中行獨復。以從道也。韓注曰。順道而此指

點乎反求之道所得極致也。晦庵曰。惻隱之心。頭尾都是惻隱。三者則頭是惻隱。尾是

箇頭子。羞惡辭遜是非。便從這裏發來。又曰。惻隱便是初動時。羞惡是非。恭敬亦須是

箇個先動一動了。譬如四時。若不是春生之氣。夏來長。箇甚麼。秋時又把甚收。冬時又

把甚藏。惻隱是箇腦子。通貫此三者。孟子發明四端。見其語類卷五十三。若孟子又說齊宣

王曰。老吾老。以及人之老。幼吾幼。以及人之幼。天下可運於掌。詩云。刑於寡妻。至於兄

弟。以御於家邦。言舉斯心。加諸彼而已。故推恩足以保四海。不推恩無以保妻子。古之

人所以大過人者。無他焉。善推其所爲而已矣。今恩足以及禽獸。而功不至於百姓者。

獨何與。又其說良知良能也。舉知愛其親。知敬其兄。而曰。親親仁也。敬長義也。無他。達

之天下也。按。不忍之心。惻隱之情。是人道德上自然本能。而未至成道德上完全之仁。

然既爲仁之端。則謂之爲德性。爲仁性。無妨也。故詳言之。則分仁與仁之端。省言之。則

直日仁。其詳言之者。曰。人皆有所不忍。達之於其所忍。仁也。人皆有所不爲。達之於其

所爲。義也。人能充無欲害人之心。而仁不可勝用也。人能充無穿窬之心。而義不可勝

用也。宋穿窬。趙本朱注。本並作穿窬。說文云。穿窬。木戶也。禮備三行。本此作穿窬。注。圭窬。謂門旁窬。

也。穿窬。為之。如圭窬。圭窬。即左傳之圭窬。故徐氏音豆。其實窬。窬。皆為空。而盜也。與

論集。解之。引穿窬。與孟子之穿窬也。穿窬。一也。或借窬為論。故有作穿窬者。然則釋文論語本也。劉氏論

語。正義曰。釋文誤依孔義。改經文。按論語作窬者。釋文一本。足利穿窬。猶音穿。戶與論

札。皇疏。本。邢疏。本。及朱注。本。皆。是。也。其。作。論。者。僅。有。釋。文。本。及。市。川。迷。庵。正。平。本。說。文。所。引。楷

而。心。形。恆。欲。進。為。取。物。而。心。恆。畏。人。垣。牆。論。字。當。為。窬。字。之。形。進。也。故。下。文。言。常。懷。退。走。外。於。正

而。不。及。論。越。而。入。論。字。亦。當。為。窬。字。引。之。江。熙。云。田。文。之。論。字。能。為。狗。盜。穿。壁。如。論。而。入。不。成

入。疏。矣。武。內。氏。校。勘。記。疑。皇。疏。字。乃。係。用。論。字。而。改。也。金。仁。山。論。語。集。注。攷。證。後。人。旁。記。禮。文。誤

牆。者。則。分。為。兩。事。穿。為。穿。壁。窬。為。論。牆。然。穿。壁。而。入。者。為。穿。盜。似。夫。色。厲。而。內。往。者。至。竊。論

為。穴。也。改。窬。為。論。解。為。論。牆。非。也。中。井。履。軒。論。語。達。原。曰。窬。寶。同。諸。音。說。紛。不。紘。惟。仁。山。履。小。穴

合。孔。鄭。明。快。且。得。善。人。能。充。無。受。爾。汝。之。實。無。所。往。而。不。為。義。也。其。省。言。之。者。曰。惻。隱。之。心。

心。人。皆。有。之。羞。惡。之。心。人。皆。有。之。恭。敬。之。心。人。皆。有。之。是。非。之。心。人。皆。有。之。惻。隱。之。心。

仁。也。羞。惡。之。心。義。也。恭。敬。之。心。禮。也。是。非。之。心。智。也。仁。義。禮。智。非。由。外。鑠。我。也。我。固。有

之也。弗思耳矣。故曰。求則得之。舍則失之。或相倍蓰而無算者。不能盡其才者也。詩曰。天生蒸民。有物有則。民之秉夷。好是懿德。孔子曰。爲此詩者。其知道乎。蓋好懿德之性。卽好善之性。亦卽所謂道德性。而天下人人所共通固有者。夫仁義禮智。不能離此共通固有之道德性而成立。故亦省言之曰。仁義禮智。我固有也。實則我所固有者。惟仁義禮智之端本而已。故又曰。口之於味也。有同者焉。耳之於聲也。有同聽焉。目之於色也。有同美焉。至於心。獨無所同然乎。心之所同然者。何也。謂理也。義也。聖人先得我心之所同然耳。故理義之悅我心。猶芻豢之悅我口。蓋此悅理義之心。卽道德上欲求亦卽合理成性之欲求。實爲吾人追求理想。作爲合理生活。完成人生。與世界之根本源泉者也。孟子連呼有者。欲人反求之也。曰。我有之。曰。弗思耳。曰。思則得之者。欲喚起人內部自我之自體。使之自能覺醒而活動也。

孟子曰。堯舜性者也。湯武反之也。動容周旋中禮者。盛德之至也。哭死而哀。非爲生者也。經德不回。非以干祿也。言語必信。非以正行也。君子行法。以俟命而已矣。又曰。堯舜性之也。湯武身之也。五霸假之也。久假而不歸。惡知其非有也。言堯舜德性之優。

專由內部擴充去。而自成盛德也。如湯武。則專待外部修爲之力。格物體認。反省於內。而後能成之也。雖然。由內部擴充。而成其德者。何只堯舜而已哉。苟能存養其德性。而不失者。皆可能之。故又曰。人皆可以爲堯舜。然則存養之道。又在反求與擴充之間。作其連鎖。曰。存其心。養其性。所以事天也。其心者。良心是也。其性者。善性是也。德性是也。又曰。苟得其養。無物不長。苟失其養。無物不消。孔子曰。操則存。舍則亡。出入無時。莫知其鄉。惟心之謂與。又曰。無或乎王之不智也。雖有天下易生之物也。一日暴之。十日寒之。未有能生者也。吾見亦罕矣。吾退而寒之者至矣。吾如有萌焉。何哉。又曰。君子所以異於人者。以其存心也。君子以仁存心。以禮存心。仁者愛人。有禮者敬人。愛人者人恆愛之。敬人者人恆敬之。有人於此。其待我以橫逆。則君子必自反也。我必不仁也。必無禮也。此物奚宜至哉。其自反而仁矣。自反而有禮矣。其橫逆由是也。君子必自反也。我必不忠。自反而忠矣。其橫逆由是也。君子曰。此亦妄人也已矣。如此則與禽獸奚擇哉。於禽獸又何難焉。是故。君子有終身之憂。無一朝之患也。乃若所憂則有之。舜人也。我亦人也。舜爲法於天下。可傳於後世。我由未免爲鄉人也。是則可憂也。憂之如何。如舜

而已矣。若夫君子所患則亡矣。非仁無爲也。非禮無行也。如有一朝之患。則君子不患矣。又曰。養心莫善於寡欲。其爲人也寡欲。雖有不存焉者。寡矣。其爲人也多欲。雖有存焉者。寡矣。蓋人之欲求固多。而唯合理之欲求爲貴。故欲求種類不得不減少。但合理之欲求。乃吾人自我成體之中核。不可一日無其活動。此所以不敢言無欲之爲善。與後儒主靜無欲之說。語有分寸焉。若其言養氣之道。能擴充其自我性情。至塞乎天地之間。則孟子獨得之見。亦吾人實地體行之功夫。其說已詳上章。

吾人之道德性。既反求之。存養之。擴充之。以達於天下。此乃所謂仁覆天下者。離

篇曰。既竭心思焉。繼之以不忍人之政。而仁覆天下矣。以不

亦所謂盡性之極。而以世界萬物。一視同仁。爲一體也。然

此普遍同仁無差別之道。必待特殊分義差別之道。始能成就之。同仁無差別之道。樂

之所鼓吹。忠恕之推行者也。分義差別之道。禮制度典章禮儀之所範圍。絜矩之實用者也。

參照第三段末禮樂條

此義。荀子說之甚詳審。蓋荀子性惡之論。似與孟子相反。實則其言化言

養言盡。以欲完成人類本性。要其所歸。未嘗不與孟子一致也。孟子意謂。人自然固有善性。而未完全。故須存養擴充。而完成之。荀子則謂。人自然本性素朴未完全。故須變

化養育而完成之。一則欲推內部固有之善性以發展於外部世界。乃以反求擴充爲主者。一則欲藉外部人爲之力以化育內部未善之性質。乃以羣化分義爲主者。前者則注重於個人內部德性之力。後者則注重於外部社會教化禮制之力。互相對待。可以盡本末表裏。而資於吾人自我與世界之完成。至其具論外養化性教發育。同仁分義之諸種關係者。竊意莫如荀子之詳備也。蓋荀子之說。類近世之經驗派進化說。英國霍布斯氏 Thomas, Hobbes, 1588-1679 爲最近之。今撮其說要略曰。兩情者。承上文吉上 內倫憂二者言 人生固有端焉。類之盡之。盛之美之。使本末終始。莫不順比。足以爲萬世則。是禮也。非順孰脩爲之。君子莫之能知也。故曰。性者本始材朴也。僞者文理隆盛也。無性則僞之無所加。無僞則性不能自美。性僞合。然後成聖人之名。一天下之功。於是就也。故曰。天地合而萬物生。陰陽接而變化起。性僞合而天下治。禮論 所謂性者何。僞者何。曰。生之所以然者謂性。性之和所生。精合感應。不事而自然。謂之性。性之好惡。喜怒哀樂。謂之情。然而心爲之擇。謂之慮。心慮而能爲之動。謂之僞。慮積焉能習焉。而後成。謂之僞。正名 性惡篇。又據此積習成僞之意義。而推演詳論之。曰。人之性惡。其善者僞也。

從人之性。順人之情。必出於爭奪。合於犯分亂理。而歸於暴。故必將有師法之化。禮義之道。然後出於辭讓。合於文理。而歸於治。孟子曰。今人之性善。將皆失喪其性故也。下故

字添惡看曰。若是則過矣。今人之性。生而離其朴。離其資。必失而喪之。今之人性。飢而欲飽。寒而欲煖。勞而欲休。此人之情性也。今人飢。見長則不敢先食者。將有所讓也。勞而不敢求息者。將有所代也。夫子之讓乎父。弟之讓乎兄。子之代乎父。弟之代乎兄。此二行者。皆反於性。而悖於情也。然而孝子之道。禮義之文理也。故順情性。則不辭讓矣。辭讓則悖於情性矣。用此觀之。然則人之性惡明矣。其善者僞也。又辨明性僞之別。曰。性者天之就也。不可學。不可事。禮義者。聖人之所生也。人之所學而能。所事而成也。不可學。不可事而在人者。謂之性。可學而能。可事而成之在人者。謂之僞。是性僞之分也。又曰。禮義者。是生於聖人之僞。非故生於人之性也。聖人化性而起僞。僞起而生禮義。禮義生而制法度。然則禮義法度者。是聖人之所生也。又曰。凡人之欲爲善者。爲性惡也。夫薄願厚。惡願美。狹願廣。貧願富。賤願貴。苟無之中者。必求於外。用此觀之。人之欲爲善者。爲性惡也。今人之性。固無禮義。故彊學而求有之也。性不知禮義。故思慮而求知之。

也。然則生而已。則人無禮義。悖亂在已。按。人性本不完全。故欲爲完全。荀子所言甚當。但既有欲爲完全之性。則此性固不可不謂之善性也。孟子旨意亦實在此。而荀子終不自省。是爲可惜耳。然孟子之極口高唱性善。稱道堯舜。遽聽之。誰能知其意非以本性完全爲言者乎。宜其誤會之者。遠及於宋儒。猶且然也。而宋儒乃據其誤會。孟子之說。以責荀子。荀子亦據其誤會。孟子之說。以責孟子。孟子之責。蓋亦其自招之也。雖然。靜心而徐思之。孟子之高唱性善。欲明人類之所以爲人類。而別於禽獸也。其性較善。卽可以言善。何必問其完全與不完全乎。其稱道堯舜。欲示完全理想上人格。使人向上發達也。聖人者。拔萃不世出。何可以一般凡民性格同一視之哉。然則誤會之作。誤會者之罪。非孟子責也。且夫宋儒之責。荀子性惡論也。以其所謂惡爲絕對之惡。而不知其唯以未完全者爲言耳。此其誤會荀子。而責荀子。猶荀子誤會孟子。而責孟子。蓋亦宋儒之罪。非荀子責也。性惡篇曰。塗之人可以爲禹。何謂也。曰。凡禹之所以爲禹者。以其爲仁義法正也。然則仁義法正。有可知可能之理。然而塗之人也。皆有可以知仁義法正之質。皆有可以能仁義法正之具。然則其可以爲禹明矣。今使塗之

人。伏術爲學。專心壹志。思索孰察。加日縣久。積善而不息。則通於神明。參於天明矣。故聖人者。人之所積而致也。塗之人可以爲禹。則然。塗之人能爲禹。則未必然也。雖不能爲禹。無害可以爲禹。所謂仁義法正可知可能之質具。與孟子所謂可爲善之情性。全然相符。則荀子所認之性。未可猝然以一惡字說盡也。噫哉。董子之善論質。折衷孟荀。而明辨之。足以一掃善惡之誤會矣。其略曰。名生於真。非其真。弗以爲名。今世闡於性。言之者不同。胡不試反性之名。性之名。非生與。如其生之自然之資。謂之性。性者質也。詰性之質於善之名。能中之與。性之名。不得離質。離質如毛。則非性已。柢衆惡於內。說柢文作梁。如甚切。弱貌。弗使得發於外者心也。故心之爲名柢也。人之受氣。苟無惡者。心何柢焉。吾以心之名。得人之誠。人之誠。有貪有仁。仁貪之氣。兩在於身。身之名。取諸天。天兩有陰陽之施。身亦有貪仁之性。天有陰陽禁。身有情欲柢。與天道一也。故曰。身猶天也。禁天所禁。非禁天也。必知天性不乘於教。終不能柢。察實以爲名。無教之時。性何遽若是。故性比於禾。善比於米。米出禾中。而禾未可全爲米也。善出性中。而性未可全爲善也。善與米。人之繼天而成於外。非在天所爲之內也。天之所爲。有所至而止。止之內。謂之天。

性。止之外。謂之人事。事在性外。而性不得不成德。民之號。取之暝也。使性而已善。則何故以暝爲號。以實者言。弗扶將顛陷猖狂。安得善性。有似目。臥幽而暝。待覺而後見。當其未覺。可謂有見質。而不可謂見。今萬民之性。有其質。而未能覺。譬如暝者。待覺教之。然後善。當其未覺。可謂有善質。而不可謂善。與目之暝而覺。一概之比也。靜心徐察之。其言可見矣。性而暝之未覺。天所爲也。效天所爲。爲之起號。故謂之民。民之爲言。固猶暝也。隨其名號。以入其理。則得之矣。是正名號者。於天地。天地之所生。謂之性情。性情相與爲一暝。情亦性也。謂性已善。奈其情何。故聖人莫謂性善。累其名也。身之有性情也。若天之有陰陽也。言人之質。而無其情。猶言天之陽。而無其陰也。窮論者。無時受也。名性不以上。不以下。以其中名之。性如繭。如卵。卵待覆而爲雛。繭待繅抽而爲絲。性待教而爲善。此之謂真天。天生民。性有善質。而未能善。於是爲之立王。以善之。此天意也。民受未能善之性於天。而退受成性之教於王。王承天意。以成民之性。爲任者也。今按其真實。而謂民性已善者。是失天意。而去王任也。萬民之性。苟已善。則王者受命。尙何任矣。其設名不正。故棄重任。而違大命。非法言也。春秋之辭。內事之待外者。從外言之。

今萬民之性待外教然善能善。善當與教。不當與性。與性則多累而不情。自成功而無聖賢。此世長者之所誤出也。非春秋爲辭之術也。不法之言。無驗之說。君子所外。何以爲哉。春秋繁露深察名號篇又曰。米與善。人之繼天而成於外也。非在天所爲之內也。天所爲。有所至而止。止之內謂之天。止之外謂之王教。王教在性外而性不得不遂。故曰性有善質。而未能爲善也。豈敢美辭。其實然也。天之所爲。止於繭麻與禾。以麻爲布。以繭爲絲。以米爲飯。以性爲善。此皆聖人所繼天而進也。非情性質樸之能至也。聖人之性。不可以名性。斗筭之性。又不可以名性。名性者。中民之性。如繭如卵。卵待覆二十日。而後能爲雛。繭待繅以消。音官。沸也。而後能爲絲。性待漸於教訓。而後能爲善。善教訓之所然也。非質樸之所能至也。春秋別物之理。以正其名。名物必各因其真。真其義也。真其情也。乃以爲名。名實石。則後其五。退飛則先其六。僖十六年春王正月戊申。鵲。頭石。一作宋。五。是月也。六鵲退飛。過宋都。鵲。五。屬切。一作鵲。說文無鵲字。此皆其真也。聖人於言。無所苟而已矣。性者天質之樸也。善者王教之化也。無其質則王教不能化。無王教則質不能善。質而不以善性。其名不正。故不受也。實性篇劉向序荀子書云。孟子者亦大儒。以人之性善。孫卿後孟子百餘年。以爲人性惡。故作性惡

一篇。以非孟子。至漢興。江都相董仲舒亦大儒。作書美孫卿。按董子所謂質樸未善者。實善闡明荀子性惡之義者也。至於孟子性善之名號。則爲恐招人誤會。故極力辨斥之。不借。而其所謂生之資質。資質之善。乃實指孟子所謂四端良知良能。凡可爲善之性而言之。遂使其名義由此而得判然明確。則董子之所美。實不止孫卿一人而已也。其玉杯篇曰。人受命於天。有善善惡惡之性。可養而不可改。可豫而不可去。若形體之可肥臞而不可革也。言良心之爲人。天性所享有可養而長之。此正言孟子所欲言。與上文所引樞心之說參考。而其意可知。

吾人之生活行其權衡之道。於自他內外關係之中。須使反求擴充之道。與羣化分義之道。相依相輔。而得求心遠心二作用之圓滿成功。何謂羣化分義之道。夫和者天下之達道也。和之實在禮義。禮義之要在綱紀統一。即使人人團結成羣。組織社會。相率相助。易風化俗。以進於文明昌平之域。賁卦彖傳所謂觀乎天文。以察時變。觀乎人文。以化成天下。同人彖傳所謂同人於野。亨利涉大川。乾行也。文明以健。中正而應。君子正也。唯君子爲能通天下之志者。皆是也。此義孟子雖已指示之。然其急於仁義。

之說。專致力於內部自我主觀上之功夫。未至詳論外部社會客觀上施行之道。荀子出而補之。始見自他內外主客之關係。全在權衡調節之中。無復遺憾。

荀子之學說。大義謂天下國家。由羣化而成。羣化由分義而成。羣化者人類相羣。結合社會。以成文化之發達也。分義者。個人生活之分限與安定。是也。羣化與分義。一貫統整之體形。謂之禮義。禮義者。分說之。禮是全體之統理也。義是各體之得宜也。萬物各得其宜。而後有萬物之統理。故先以義爲一切禮義體形之基調。孟子力說集義。而荀子詳論分義者。其所著眼。一則高向天人之統體。一則深注人羣之素地也。荀子曰。道者何也。曰君道也。居者何也。曰能羣也。能羣也者何也。曰善生養者也。善班治人者也。善顯設人者也。言顯用其人。各得適所也。善藩飾人者也。善生養人者。人親之。善班治人者。人安之。善顯設人者。人樂之。善藩飾人者。人榮之。四統者具。而天下歸之。夫是之謂能羣。四統者亡。而天下去之。夫是之謂匹夫。故曰。道存則國存。道亡則國亡。省工賈。衆農夫。禁盜賊。除姦邪。是所以生養之也。天下三公。諸侯一相。大夫擅官。士保職。莫不法度而公。是所以班治之也。論德而定次。量能而授官。皆使其人載其事。而各得其所宜。上賢

使之爲三公。次賢使之爲諸侯。下賢使之爲士大夫。是所以顯設之也。修冠弁衣裳。黼黻文章。雕琢刻鏤。皆有差焉。是所以藩飾之也。故由天子至於庶人也。莫不聘其能。得其志。安樂其事也。是所同也。在煖而食充。居安而游樂。事時制明而用足。是又所同也。若夫重色而成文章。重味而成珍備。是所衍也。衍饒也。聖王財以明辨異。財裁也。上飾賢良。而明貴賤。下以飾長幼。而明親疏。上在王公之朝。下在百姓之家。天下曉然。皆知其所。非以爲異也。將以明分達治。而保萬世也。故天下諸侯。無靡費之用。士大夫無流淫之行。百吏官人。無怠慢之事。衆庶百姓。無姦邪之俗。無盜賊之罪。其能以稱義徧矣。故曰。治則衍及百姓。亂則不足及公王。此之謂也。君道篇。此先道破社會統一組織之有機上關係也。又曰。水火有氣而無生。草木有生而無知。禽獸者有知而無義。人有氣有生有知。亦且有義。故最爲天下貴也。力不若牛。走不若馬。卽牛馬爲用何也。曰。人能羣。彼不能羣也。何以能羣。曰分。分何以能行。曰以義。故義以分則和。和則一。一則多力。多力則疆。疆則勝物。宮室可得而居也。故序四時。裁萬物。兼利天下。無它焉。得之分義也。故人生不能無羣。羣而無分則爭。爭則亂。亂則離。離則弱。弱則不能勝物。宮室不可得而居。

也。不可少頃舍禮義之謂也。能以事親謂之孝。能以事兄謂之弟。能以事上謂之順。能
以使下謂之君。君者善羣也。羣道當則萬物皆得其宜。六畜皆得其長。羣生皆得其命。
按。羣與義之意義。孔子已略指示之。曰。君子矜而不爭。羣而不黨。又曰。羣居終日。言不
及義。好行小慧。難矣哉。又曰。君子義以爲質。禮以行之。孫以出之。信以成之。君子哉。至
董子。更演君道之義。說五科。曰。君者元也。君者原也。君者權也。君者溫也。君者羣也。君
意不比於元。則動而失本。動而失本。則所爲不立。所爲不立。則不效於原。不效於原。則
自委舍。自委舍。則化不行。不用權於變。則失中適之宜。失中適之宜。則道不平德不溫。
道不平德不溫。則衆不親安。衆不親安。則離散不羣。離散不羣。則不全於君。蓋皆言先
安定各人分義。統一其禮文。而後可成鞏固之社會國家。其能行之者。卽爲君道。爲王
道。爲統治經綸之道也。故荀子又曰。天地者。生之始也。禮義者。治之始也。爲之貫之。積
重之。致好之者。君子之始也。故天地生君子。君子理天地。君子者。天地之參也。萬物之
總也。民之父母也。無君子則天地不理。禮義無統。上無君師。下無父子。夫是之謂至亂。
君臣父子兄弟夫婦。始則終。終則始。與天地同理。與萬物同久。天是之謂大本。故喪祭

朝聘師旅一也。與上事同理也。貴賤殺生與奪一也。君君臣臣父父子子兄弟弟一也。農

農士士工工商商一也。以一行萬。以類行雜。始則終。終則始。若環之無端也。舍是而天

下衰矣。王制篇。又曰。先王之道。仁之隆也。比中而行之。曷謂中。曰。禮義是也。禮記仲尼燕居篇曰。

所以制中也。道者。非天之道。非地之道。人之所以道也。君子之道也。君子之所謂賢者。非

能偏能人之所能之謂也。若夫謫德而定次。王念孫曰。論當作講。諡決古字通。量能而授官。萬物得其

宜。事變得其應。慎墨不得進其談。惠施鄧析不敢竄其察。言必當理。事必當務。是然後

君子之所長也。儒教篇。更詳論之曰。人之生不能無羣。羣而無分則爭。爭則亂。亂則窮矣。

故無分者。人之大害也。有分者。天下之大利也。而人君者。所以管分之樞要也。故美之

者。是美天下之本也。安之者。是安天下之本也。貴之者。是貴天下之本也。古者先王分

割而等異之也。故使或美或惡。或厚或薄。或佚或樂。或劬或勞。非特以爲淫泰夸麗之

聲。將以明仁之文。通仁之順也。故爲之雕琢刻鏤。黼黻文章。使足以辨貴賤而已。不求

其觀。爲之鐘鼓管磬。琴瑟竽笙。使足以辨吉凶。合歡定和而已。不求其餘。爲之宮室臺

榭。使足以避燥溼。養德辨輕重而已。不求其外。詩曰。雕琢其章。金玉其相。質也。亶亶我王。

綱紀四方。此之謂也。治萬變。材萬物。材裁也。養萬民。兼制天下者。莫若仁人之善也。故君其知慮足以治之。其仁厚足以安之。其德音足以化之。故曰。君子以德。小人以力。力者德之役也。百姓之力。待之而後功。百姓之羣。待之而後和。百姓之財。待之而後聚。百姓之執。待之而後安。百姓之壽。待之而後長。父子不得不親。兄弟不得不順。男女不得不歡。少者以長。老者以養。故曰。天地生之。聖人成之。此之謂也。厚刀布之斂。以奪之財。重田野之稅。以奪之食。苛關市之征。以難其事。有也。又。挾挈伺詐。權謀傾覆。以相顛倒。以靡敝之。百姓曉然。皆知其汙漫暴亂。而將大危凶也。是以。臣或弑其君。下或殺其上。粥其城。倍其節。而不死其事者。無他故焉。人主自取之。詩曰。無言不讐。無德不報。此之謂也。富國篇。又就習俗。而言禮義之化。曰。性也者。吾所不能爲也。然而可化也。積也者。非吾所有也。然而可爲也。注錯習俗。錯置也。所以化性也。并一而不二。所以成積也。習俗移志。安久移質。并一而不二。則通於神明。參於天地矣。涂之人。百姓。積善而全盡。謂之聖人。彼求之而後得。爲之而後成。積之而後高。參之而後聖。故聖人也者。人之所積也。儒效篇。又自禮義。論及法制刑罰之意義。曰。古者聖王以人之性惡。以爲偏險而不正。悖亂而

不治。是以爲之起禮義。制法度。以矯飾人之情性。而正之。以擾化人之情性。而導之也。擾。馴也。馴。性惡也。使皆出於治。合於道也。性惡篇。又曰。聖人化性而起僞。起而生禮義。禮義而制法度。

然則禮義法度者。是聖人之所生也。又曰。無禮義之化。去法正之治。無刑罰之禁。倚而

觀。猶傍觀。天下民人之相與也。若是。則夫彊者害弱而奪之。衆者暴寡而譁之。天下之悖

亂而相亡。不待頃矣。同上。此等說。殆似豫爲近時俄國虛無黨。多衆主義。鮑爾維克等。等言之。

荀子所謂分義之論。理上基礎。在其制名之樞要。卽用單名。單純名辭。與兼名。複合名辭。以

明事物概念同異之關係。用共名。普通名辭。與別名。特殊名辭。以示類屬概念之區別關係。而考

定其名實之正名。曰。王者之制名。名定而實辨。道行而志通。則慎率民而一焉。貴賤不

明。同異不別。如是則志必有不喻之患。而事必有困廢之禍。故知者爲之分別制名。以

指實上以明貴賤。下以辨同異。然則何緣而以同異。曰。心有徵知。徵知則緣耳而知聲

可也。緣目而知形可也。然而徵知必將待天官之當簿其類。然後可也。正名篇。此乃求名

辭概念成立之根據。於感覺統整之作用者。可謂精矣。

分義之要。孟子亦已言之。但孟子先欲行之於經濟上。而後推及於教化禮義之

問題。即欲先得個人經濟生活之分限與安定。而鞏固社會組織之基礎。以作教化禮義普及之素地。然而其能行此道者。則亦唯待夫反求擴充推恩成仁之人格活動。而得之。其對齊宣王曰。無恆產而有恆心者。惟士爲能。若民則無恆產。因無恆心。苟無恆心。放辟邪侈。無不爲已。及陷於罪。然後從而刑之。是罔民也。焉有仁人在位。罔民而可爲也。又對滕文公曰。民之爲道也。有恆產者。有恆心。同前云是故賢君必恭儉禮下。取於民有制。所謂有制者何。其說齊宣王曰。明君制民之產。必使仰足以事父母。俯足以畜妻子。樂歲終身飽。凶年免於死亡。然後驅而之善。故民之從之也輕。今也制民之產。仰不足以事父母。俯不足以畜妻子。樂歲終身苦。凶年不免於死亡。此惟救死而恐不贖奚。暇治禮義哉。王欲行之。則盍反其本矣。五畝之宅。樹之以桑。五十者可以衣帛矣。雞豚狗彘之畜。無失其時。七十者可以食肉矣。百畝之田。勿奪其時。八口之家。可以無飢矣。又其爲滕文公說折衷三代制度。欲分田制祿。以謀士民生計之安固。曰。夫仁政必自經界始。經界不正。井地不均。穀祿不平。是故暴君汙吏。必慢其經界。經界既正。分田制祿。可坐而定也。雖然。經濟生活之基礎既立。而非有教化禮義之道隨之。則不獨其

經濟生活不能完成。且將逸居飽食。近於禽獸。必使經濟生活與道德生活。兩相交錯輔行。而後得之。故其說宣王。直續前言曰。謹庠序之教。申之以孝悌之義。頒白者不負戴於道路矣。老者衣帛食肉。黎民不飢不寒。然而不王者。未之有也。其說滕文公。亦曰。設爲庠序學校。以教之。庠者養也。校者教也。序者射也。夏曰校。殷曰序。周曰庠。學則三代共之。皆所以明人倫也。人倫明於上。小民親於下。死徙無出鄉。鄉田同井。出入相友。守望相助。疾病相扶持。則百姓親睦。其誨陳相。亦曰。后稷教民稼穡。樹藝五穀。五穀熟而民人育。人之有道也。王引之曰。有爲也。一聲之轉。飽食煖衣。逸居而無教。則近於禽獸。聖人有憂之。使契爲司徒。教以人倫。父子有親。君臣有義。夫婦有別。長幼有序。朋友有信。放勳曰。勞之來之。匡之道之。輔之翼之。使自得之。又從而振德之。桀。倫者序也。孟子注。言中

倫包注。虞書。無相奪倫。孔傳。無理者治玉也。說文。條理也。荀子。儒分也。樂記。明分以喻義之意也。管子。術字

从人侖聲。侖者思也。从人册會意。說文。人集也。册猶典也。思索而判斷道理之謂也。蓋人

倫者。人羣所以能和羣之條理。而定立人羣中所有主要關係之區分者也。人羣而無此五條關係之分明定立。則不成其人羣。而解體離散。與禽獸無擇。故五有字。示以人

羣必不可不實有之之義。非架空設立之謂。程瑤田通執錄曰。吾學之道在有。釋氏之道在無。有父子。有君臣。有夫婦。有長幼。有朋友。父子。則有親。君臣。則有義。夫婦。則有別。長幼。則有序。朋友。則有信。以有倫。故盡倫。以有職。故盡職。誠者實有焉而已矣。論學小記 釋氏之道。雖在無。而亦非全不認有者。蓋有無之二觀念。肯定與否定 互相豫想而對生。是吾人思惟本性之作用使然耳。但其所見。各有所主執。主執有者。著於有差別。在所難免。於是中有中觀論起。欲斥去有無之偏見。歸於一體。以至絕對實有之究竟地。是亦思惟發展之次第使然耳。然吾人日常生活。實際踐行之道。與思惟上進行法式。不必一樣。其所主依行。有以有差別爲先者。有以無差別爲先者。其以無差別爲先者。欲一離其有。而歸於絕對實有之究竟地。故曰無。其以有差別爲先者。欲尙卽其有。而直得絕對實有之究竟地。故曰有。此所以其道終各致見異。前者多見於所謂宗教上哲學之傾向。後者多見於所謂倫理上教學之傾向。卽世間教與世外教。至近時雖甚近接。而其根本傾向之差異。竟不能悉除也。儒道之在此二者間。寧與後者相近。蓋其根據。雖在認識上。及理想上。實在界。而其本質。專在作爲經綸之道。作爲經綸之道。以現實萬

有散殊之世界爲對境。其所以專卽於有者。理固宜然也。孟子時。佛教未入中國。然已有墨子兼愛無差別主義。與楊子極端之利己主義盛行。孟子乃力闢之曰。世衰道微。邪說暴行有作。臣弑其君者有之。子弑其父者有之。孔子懼。作春秋。春秋天子之事也。是故。孔子曰。知我者。其惟春秋乎。罪我者。其惟春秋乎。聖王不作。諸侯放恣。處士橫議。楊朱墨翟之言。盈天下。天下之言。不歸楊則歸墨。楊氏爲我。是無君也。墨氏兼愛。是無父也。無父無君。是禽獸也。公明儀曰。庖有肥肉。廄有肥馬。民有飢色。野有餓殍。此率獸而食人也。楊墨之道不息。孔子之道不著。是邪說誣民。充塞仁義也。仁義充塞。則率獸食人。人將相食。吾爲此懼。閑先聖之道。距楊墨。放淫辭。邪說者不得非。作於其心。害於其事。作於其事。害於其政。聖人復起。不易吾言矣。昔者禹抑洪水。而天下平。周公兼夷狄。驅猛獸。而百姓寧。孔子成春秋。而亂臣賊子懼。詩云。戎狄是膺。荆舒是懲。則莫我敢承。無父無君。是周公所膺也。我亦欲正人心。息邪說。距詖行。放淫辭。以承三聖者。豈好辯哉。予不得已也。能言距楊墨者。聖人之徒也。按。墨子所謂兼愛。與孔孟所謂仁。其俱帶有普遍無差別之意。固無論矣。但孔孟之成仁。必與分義之道。表裏相待。而行之。故

必先有親疎差等之明於其中。而墨子則無之。此所以不同其道也。墨者夷之。因徐辟而求見孟子。孟子曰。吾固願見。今吾尙病。病愈我且往見。夷子不來。他日又求見孟子。孟子曰。吾今則可以見矣。不直則道不見。我且直之。吾聞夷子墨者。墨之治喪也。以薄爲其道也。夷子思以易天下。豈以爲非是而不貴也。王引之曰。言其以爲非此則不貴耶。然而夷子葬其親厚。則是以所賤事親也。徐子以告夷子。夷子曰。儒者之道。古之人若保赤子。曲闈平議曰。儒者十一字一句。道猶言也。趙注釋儒者之道。作儒者曰。趙此言何謂也。之則以爲愛無差等。施由親始。徐子以告孟子。孟子曰。夫夷子信以爲人人親其兄之子。爲若親其鄰之赤子乎。彼有取爾也。赤子匍匐將入井。非赤子之罪也。且天之生物也。使之一本。而夷子二本故也。蓋上世嘗有不葬其親者。其親死則舉而委之於壑。他日過之。狐狸食之。蠅蚋姑嘬之。其類有泚。睨而不視。夫泚也。非爲人泚。中心達於面目。蓋歸。蓋旣也。見檀弓。反。藁溲而掩之。掩之誠是也。則孝子仁人之掩其親。亦有道矣。徐子以告夷子。夷子憮然。爲間曰。命之矣。桮曰。孟子括約人倫之要道。以爲五種。其主旨固在分義。而其所以分義者。有三。一則欲使人類據此而區別於禽獸也。二則欲使聖人之道明分於異端也。三則欲使父子君臣夫婦長

幼。朋友五種特殊關係。定立於人羣中。而不致紊亂也。

泊翁扈言曰。夫婦有別。古來諸說皆大明白。或以爲男治外。女

治內之謂。或以爲夫唱婦隨之義。或以爲陰陽剛柔之義。予謂諸說皆非也。呂氏春秋。昔太古嘗無君矣。其民聚生羣處。知母不知父。無親戚。兄弟。夫妻。男女之別。無上下

長幼之道。云云。今日夫婦有別。蓋言夫婦一定。男女不混淆也。司馬談六家要旨云。敝君臣父子之禮。列夫妻長幼之別。即亦此意。但五種關係之括約

者。雖始見於孟子所言。然其中要素。各已見於論語及諸書。中庸五達德。其目與此無

異。但以君臣關係置首位。不同耳。西河曰。契所教人倫在尙書。

堯典。舜。慎。徽。五典。五典。克。從。命。契。曰。百姓不親。

五品不遜。汝作司徒。敬敷五教。五教在寬。舊傳極是明白。總見春秋文十八年傳。季文子引臧文仲之言。使

史克曰。高辛氏舉八元。使布五教于四方。父義母慈。兄弟恭子孝。謂之五教。而杜預

注云。契作司徒。五教在寬。是當時五倫。只父母兄弟子五者。而其爲教。則又與春秋義

方。大學慈孝。康誥友恭。相左證。五帝紀述五教。亦無異辭。因之虞書慎徽五典傳云。五

典者。五常之教。父義母慈。兄弟恭子孝。五者是也。至五品不遜。正義謂。五品卽父母

兄弟子五者。敬敷五教。正義謂。五教卽教之義。慈友恭孝五者。漢唐儒者。不以五達道

爲五倫。不使孟子人倫闕入一字。孟子所言。必戰國相傳。別有如此。章大來補注於西

河之說。曰。孟子所言人倫。在春秋時已有之。子路曰。長幼之節不可廢也。君臣之義。如

之何其廢之。欲潔其身。而亂大倫。則亦以君臣長幼。爲人倫之二矣。西河又曰。古經極重名實。猶是君臣父子諸倫。而名實不苟。偶有稱舉。必各爲區目。如管子經六親。是父母妻子兄弟。衛石碯稱六順。是君義臣行。父慈子孝。兄友弟恭。王制稱七教。是父子兄弟夫婦君臣長幼朋友賓客。禮運稱十義。是父慈子孝。兄良弟弟。夫義婦聽。長惠幼順。君仁臣忠。齊晏嬰稱十禮。是君令臣恭。父慈子孝。兄愛弟敬。夫和妻柔。姑義婦聽。祭統稱十倫。是事鬼神君臣父子貴賤親疏爵賞夫婦政事長幼上下。白虎通稱三綱五紀。

案五紀當作六紀

是君臣父子夫婦兄弟諸父族人諸舅師長朋友。雖朝三暮四。總此物數。而

十倫非十義。五道非五常。中庸三德。斷非洪範之三德。則五達道。必非五倫也。四書版

按。人倫名目之稱舉。因時不同。實與西河所言。樂記曰。道五常之行。論衡問孔篇曰。五常之道。仁義禮智信也。是其所本。在董子繁露五行相生篇。王肅尙書僞傳。乃以五常之名。用當五典五品。與鄭氏之直據文十八年左傳五教。史記集解引爲鄭氏堯典注不同。而實則猶從左傳。列舉其目。以致名實不符。焦里堂乃斷謂。司徒五教宜以孟子爲定論。不可據左傳以疑孟子也。孟子正義按。據左傳以疑孟子。固不可。而據孟子以定司徒五教。亦復

不可。今稽諸種稱舉。其體制之該通整備。莫若中庸與孟子。乃若左傳。則止於家庭內事。適足以見其近於古也。若夫中庸以君臣關係爲首。孟子則以父子關係爲首者。其所著想。一在國家。一在社會之不同耳。

當時又有極端社會主義一派。宣傳共產勞農平均之說。孟子乃據其制產分業等差之道。論難之。今撮其要略如下。有爲神農之言者許行。自楚之滕。踵門而告文公曰。遠方之人。聞君行仁政。願受一廛而爲氓。文公與之處。其徒數十人。皆衣褐。捆屨織席以爲食。陳良之徒陳相。與其弟辛。負耒耜而自宋之滕。曰。聞君行聖人之政。是亦聖人也。願爲聖人之氓。陳相見許行。而大悅。盡棄其學。而學焉。陳相見孟子。道許行之言。曰。滕君則誠賢君也。雖然。未聞道也。賢君與民並耕而食。饗飧而治。今已。滕有倉廩府庫。則是厲民以自養也。惡得賢。孟子曰。許子必種粟而後食乎。曰然。許子冠乎。曰冠。曰奚冠。曰冠素。曰自織之與。曰否。以粟易之。曰許子奚爲不自織。曰害於耕。曰許子以釜甌爨。以鐵耕乎。曰然。自爲之與。曰否。以粟易之。以粟易械器者。不爲厲陶冶。陶冶亦以其械器易粟者。豈爲厲農夫哉。且許子何不爲陶冶。舍皆取諸其宮中而用之。舍止也。惟也。

何爲紛紛然與百工交易。何許子之不憚煩。曰。百工之事。固不可耕且爲也。然則治天下。獨可耕且爲與。有大人之事。有小人之事。且一人之身。而百工之所爲備。如必自爲而後用之。是率天下而路也。故曰。或勞心。或勞力。勞心者治人。勞力者治於人。治於人者食人。治人者食於人。天下之通義也。當堯之時。天下猶未平。洪水橫流。汜濫於天下。堯獨憂之。舉舜而敷焉。通本。堯下。有治字。馮登府十三經詁答。開曰。趙注。敷。治也。蓋本文無治字。以注添入經也。然後中國可得而食也。禹八年於外。三過其門而不入。雖欲耕得乎。后稷教民稼穡。使契作司徒。教人以人倫。聖人之憂民如此。而暇耕乎。堯以不得舜爲己憂。舜以不得禹皋陶爲己憂。夫以百畝之不易爲己憂者。農夫也。堯舜之治天下。豈無所用其心哉。亦不用於耕耳。吾聞用夏變夷者。未聞變於夷者也。陳良楚產也。悅周公仲尼之道。北學於中國。北方之學者。未能或之先也。彼所謂豪傑之士也。子之兄弟。事之數十事。師死而遂倍之。昔者孔子沒。子夏子張子游。以有若似聖人。欲以所事孔子事之。疆曾子。曾子曰。不可。今也南蠻馭舌之人。非先王之道。子倍子之師。而學之。亦異於曾子矣。魯頌曰。戎狄是膺。荆舒是懲。周公方且膺之。子是之學。亦爲不善變矣。從許子之道。則市價不貳。國中無僞。

雖使五尺之童適市。莫之或欺。布帛長短同。則賈相若。屨大小同。則賈相若。曰。物之不齊。物之情也。或相倍蓰。或相什伯。或相千萬。子比而同之。是亂天下也。巨屨小屨小巨粗也。同賈。人豈爲之哉。從許子之道。相率而爲僞者也。惡能治國家。

總之。擴充之道。與分義之道。爲儒道一切諸法之實際基調。夫忠恕與絜矩。親民與明明德。皆由是實其法式。以完成仁智（義）之德。則誠道內正外政之法式。亦皆得其實。而所謂執善率性。格致止至善。中庸權衡之道。皆一貫行於其中。而後王道可以達之。人道可以全之。果能行此道。則亦能成己成物。使自我與自我所住世界。得其理想上完成。而無遺憾矣。然則擴充分義之二道。關係於吾人日常生活之實際。不亦重乎。其所關係。雖在儒道一切諸法開合發展之中。而其直接之要務。則在其爲仁義（智）二德完成之實際基調也。顧夫說卦傳。定立人道。曰仁與義。而後儒者所講求。無不在成己成物之功夫。自經曾子孟子二人。連唱仁義二字一語。遂成儒道之標幟。仁字內容之分析。由孟子明之。義字內容之分析。由荀子明之。各審其所以發生之根據。而詳其所以完成之道塗。是學者之所宜顧望尋思。不可輕輕看過者也。孟子之明

仁義性質。相分相關之意。曰人皆有所不忍。達之於其所忍。仁也。人皆有所不爲。達之於其所爲。義也。曰仁人心也。義人路也。曰仁人之安宅也。義人之正路也。曰居仁由義。大人之事備矣。是皆特分說仁義。而其所謂不忍者。不爲者。心者。路者。安宅者。正路者。居者。由者。無不指示二者之各可取特殊方途。而成之也。仁齋曰。惻隱之心。人皆有之。故曰人心也。義者萬事之裁制。人之不可不由者。故曰人路也。仁曰人心。而義曰人路者。以仁人之本心。而義著於行事也。古孟子按。此皆由內外心行。兩面分之也。雖然是唯分說。以明其特質而已。若合而言之。則內外交通。心行不離。故曰。告子未嘗知義。以其外之也。丑公孫又曰。人之所異於禽獸者。幾希。庶民去之。君子存之。舜明於庶物。察於人倫。由仁義行。非行仁義也。篇離婁又曰。君子所性。仁義禮智根於心。篇盡心言仁義之道德。俱本乎人類自我內部。非從外部取來者。而其俱可以行於世也。勿論矣。蓋仁義之道德。出於惻隱不忍之心。與羞惡不爲之心。俱本乎人心。因有自然不容己之本性。而成於擴充分義當然不可易之規範。規範者。所謂義務範圍之指定。康德氏所謂無上命法之類。而是亦本出於人類內部自我性情之作用。非從外部強制者。康德氏謂之自

律。中庸謂之自道。太甲曰。天作孽猶可違。自作孽不可活。引孟子孟子曰。禍福無不自己

求之者。丑公孫丑篇所謂自律自道。當然不可易之規範。是乃人之自求而自作者。故其服從

奉行之義務責任。皆在人自我一身之分內。不在外部。天作之自然。則所謂自律當然

之規範。惟賴人自我。以存立而維持之。不可疑也。孟子曰。夭壽不貳。脩身以俟之。所以

立命也。莫非命也。順受其正。盡心篇蓋言所謂正命之建立不動。亦必待於自我人格不

斷之努力活動也。雖然。人自我之所以自求而自作此規範者。亦實人類本性自然天

作之用。出於此。不容己。而使其然者。詩所謂維天之命。於穆不已。頌周頌是也。中庸更說天

命之性。率性之道。以及誠者性之德。合外內之道。人作與天作。同原並行歸一之義。乃

知當然之規範。唯由自然之天性而立之。天作之不息。唯由人作之推行而見之。書曰。

天降下民。作之君。作之師。惟曰其助上帝。寵之四方。有罪無罪。惟我在。天下曷敢有越

厥志。引孟子孟子曰。存其心。養其性。所以事天也。故所謂人作當然之規範。亦必由天作

自然之道。以成其始終。乃見天作與人作。俱在吾人自我之中。交錯活動。一體而行。詩

云。永言配命。自求多福。大雅文王其自所配之命。是乃天之命於穆不已者。則夫自我內部

當然義務之指定。與天作自然不已之命。合一而不貳也。子曰。不知命。無以爲君子也。夫知人而不知己。非知道者也。知己而不知天。非知命者也。故孟子曰。盡其心者。知其性也。知其性。則知天矣。孔子曰。五十而知天命。又曰。不怨天。不尤人。下學而上達。知我者其天乎。曰。天之未喪斯文也。匡人其如予何。曰。天生德於予。桓魋其如予何。曰。予所否者。天厭之。天厭之。其若是夫。性命源頭之幽遠高深也。今乃去此天。而專言性命者。豈真性命也哉。去此天命。而專言規範者。豈真規範也哉。惟規範之當然。道德之所在。學者皆能審之。至不容己之自然。性情作用之所貫法。天人交通同行之際。學者或不自省。豈謂真體得聖人教學發動之深意哉。卽如康德菲希特諸氏所說。亦止限於自我內部實踐理性。或良心之範圍。則其所謂命法者。恐未足以言無上矣。夫怵惕惻隱不忍之心。最是天地生物之心。其用自動於內。不得已而發作。人類道德性之最根本。而最普遍者。陽明所謂天翻地覆。皆賴有聖賢一點不得已之心。一齋孟子欄外書。引四書述中語。豈非此之謂歟。凡吾人作爲經綸之道德。亦皆由此而生起之。又由此而成就之。同體萬物。合一天人。唯在斯心之擴充。仁德之完成。參照第三故聖學之要。惟仁爲至重。與世

上諸學。專重理智者。所以不同其歸趣。繫辭傳所謂仁者見之謂之仁。知者見之謂之智。顯諸仁。藏諸用。顯道神德行者。此之謂也。按。顯諸仁者。言道之認定。唯可於道德上得之也。乃以道之本質。表顯之於仁德遍布之形相。即亦道德上實行之法式不表顯之於知識上。即認識論上種種形式也。用者。作用活動。與形體相對也。故子曰。知及之。仁不能守之。雖得之。必失之。知及之。仁能守之。不莊以蒞之。則民不敬。知及之。仁能守之。莊以蒞之。動之不以禮。未善也。子曰。仁者其言訥。子曰。吾欲無言。天何言哉。四時行焉。萬物生焉。孟子曰。天不言。以行與事示之而已矣。繫辭傳曰。書不盡言。言不盡意。默而成之。不言而信。存乎德行。中庸曰。君子不動而敬。不言而信。詩曰。奏假無言。時靡有爭。又曰。不顯惟德。百辟其則之。君子篤恭而天下平。子曰。聲色之於以化民。末也。上天之載。無聲無臭。至矣。孟子所並舉仁義禮智四德。約而言之亦惟一仁。有惻隱之心貫通以成之而已。伊川傳周易乾卦彖辭元亨利貞曰。四德之元。猶五常之仁。偏言則一事。專言則包四者。是也。晦庵說其偏專分合之義甚詳。曰。以天道言之。爲元亨利貞。以四時言之。爲春夏秋冬。以人道言之。爲仁義禮智。以氣候言之。爲溫涼燥濕。以四方言之。爲東西南北。

元者天地生物之端倪也。元者生意。在亨則生意之長。在利則生意之遂。在貞則生意之成。若言仁便是這意思。仁本生意。乃惻隱之心也。苟傷着這生意。則惻隱之心便發。

若羞惡也是仁去那義上發。按。晦庵於四端與四德持本末顛倒之見。如上所說。此條所謂羞惡辭讓是非字與義禮智字亦宜互相換看。乃得

安若辭遜也是仁去那禮上發。若是非也是仁去那智上發。若不仁之人安得更有義

禮智。語類卷六十八又曰。大抵人之德性上自有此四者意思。仁便是箇溫和底意思。義便是

慘烈剛斷底意思。禮便是宣著發揮底意思。智便是箇收斂無痕迹底意思。性中有此

四者。聖門卻只以求仁爲急者。緣仁卻是四者之先。若常存得溫厚底意思在這裏。到

宣著發揮時。便是自然會宣著發揮。到剛斷時。便自然會剛斷。到收斂時。便自然會收

斂。若將別箇做主。便都對副不着了。此仁之所以包四者也。語類卷六今更分而言之。義與

智差別也。分析也。區分也。禮由區分而成統理者也。禮字有統分二義者。廣雅釋言。禮體

也。得事體也。詩行葦鄭箋。體成形也。周禮天官釋文。體形體也。詩相鼠毛傳。體四支也。孟子趙注。體四支股肱也。家語論禮。禮者理也。禮仲尼燕居。禮也者理也。荀子正名。楊

注。理有條貫也。文理謂節文條理也。禮樂記倫理注。理分也。白虎通情性。禮義者有分理。詳見東原孟子字義疏證。仁亦分析而言之。爲三親也。

仁也。愛也。所以分析之者以義。故仁中含有義也。孟子曰。君子之於物也。愛之而弗仁。

於民也。仁之而弗親。親親而仁民。仁民而愛物。若通言之。三者皆仁也。故又曰。智者無不知也。當務之爲急。仁者無不愛也。急親賢之爲務。堯舜之知而不徧物。急先務也。堯舜之仁。不徧愛人。急親賢也。盡心篇。又仁智二者。分說之。則智能分析差別。故能成事物之始。仁能統合共貫。故能成事物之終。故曰。孔子之謂集大成。集大成也者。金聲而玉振之也。金聲也者。始條理也。玉振之也者。終條理也。始條理者。智之事也。終條理者。聖之事也。智譬則巧也。聖譬則力也。由射於百步之外也。其至。爾力也。其中。非爾力也。萬章篇

蓋聖者。時中成仁之謂也。仁之成。必待於智。智能分析事理。事理分析。而得統合也。故智之成也。能統合事理。使仁普遍於事物中。無礙矣。故仁且智。而能同異事物。有始

有終者。聖之實也。公孫丑篇。仁且智。夫子既聖矣。王自以爲與周公執仁且智。說文。聖通也。从耳。呈聲。大戴禮。語志。仁者爲聖。荀子。儒效。明之爲聖人。注。通

明於事。則爲聖人。詩。凱風傳。聖者通智。智名。書。洪範。睿爲聖。傳。於事無不通。謂之聖。董子。繁露。五行。五事。引作容作聖。曰。聖者。設也。王者。心寬大。無不容。則聖能設施。事各得其宜也。禮樂記。作者之謂聖。孟子。盡心。大而化之之謂聖。禮。鄉飲酒義。產萬物者。聖也。注。聖之。言生也。荀子。禮論。聖人者。道之極也。要而言之。仁智相依。

形成一體。始能同異事物。而作爲經綸。盡性遂生。固不可偏廢也。然則仁智二者。統一與分析之關係。猶仁義二者之關係。然而智與義之於仁。其關係又互有所一致也。今

更以仁智義三者。分立而觀之。亦非無差異焉。董子曰。莫近於仁。莫急於智。不仁而有
勇力材能。則狂而操利兵也。不智而辨慧環給。則迷而乘良馬也。此非無材能也。其施
之不當。而處之不義也。仁而不知。則愛而不別也。智而不仁。則知而不爲也。故仁者所
以愛人而已。智者所以除其害也。春秋繁露仁且知篇。蓋仁而有智。則有利無害。有利無害。卽由
其得義也。義我也。宜也。萬物各自得其宜。而成立其自體也。詳見第三章第二節乾卦辭。元亨利
貞。從來學者。多以四德充之。元。仁。亨。禮。利。義。貞。智。是也。文言傳乃曰。元者善之長也。利
者義之和也。按。元之爲善善長。猶仁之爲四德之首。足以一貫他三者。而統合之也。何
謂利爲義之和。說文曰。利。銛銳也。从刀从和省。和然後利。又曰。和相應也。从口禾聲。又
曰。禾嘉穀也。二月始生。八月而熟。得時之中。故謂之禾。朱允倩曰。得時之中。猶曰得時
之和。古中和通訓。齊民要術。及思元賦。皆引說文得時之中和。後人以意沾和也。易蒙
釋文。中和也。書歸禾序疏。禾者和也。管子小問。故命之曰禾。注。禾以調和人之性命。按。
利自有中和之義。可合上所見之說而知也。但文言傳旣云。利者義之和也。則非利。卽
與和同。和必有義而後可謂利也。荀子王制篇。分義之說。於是益見其緊要不可缺也。

曰。義以分則和。和則一。蓋義以分者。使特殊事物。各隨其時處位。而自得其宜也。特殊事物。各自得其宜。則致全體之和也。故文言傳曰。義之和。義之和。即爲利也。利者人我全體之和也。一切萬物之遂生也。人我全體之和。一切萬物之遂生。必待於各人先得其分義成己之道。董子曰。正其誼不謀其利。明其道不計其功。此據漢書本傳所見。繁不謀其利。修其功。蓋先行盡性之義。而遂生之功自然從之。呂東萊曰。王道之外無坦途。舉皆荆棘。仁義之外無功利。舉皆禍殃。博議論此之謂也。或謂周易言利。是執功利主義也。如木村氏東洋倫理學史或謂儒道不可關與功利之事。如宋元以後性理學家皆謬矣。大學曰。國不以利爲利。以義爲利。左傳僖二十七年。趙衰曰。德義利之本也。此可謂得其要者也。所謂德義者。道義者。或仁義者。其實際無他。唯在廣充與分義之權衡適施而已。

第五段 正直之道——剛克(用九)與柔克(用六)

儒道者。自然而當然。先天而後天。法效化裁。作爲經綸。活動進行。不容己者也。故其道必常以其本末終始。互相預想前定。藏之於用。而成其能。又必徹上徹下。合現實於理想而不悖。大中至正。該萬物於法式而不謬。自他表裏。以是理之。內外古今。以是

通之。推而行之。一身動靜。繫於萬衆之生成。括而約之。萬法之開合。歸於一己之云爲。誠也。勇也。率性也。格致也。止至善也。中庸也。權衡也。名目雖異。尋其所系。不過惟一儒道中樞作用之發展而已。以即亦唯藏之於用。其曰成已成物。曰性教中和。反求羣化。法式雖多。要其所歸。終不出於仁與義二道之外。仁可以包義則亦唯顯之於仁而已。乃知說卦傳所立人道之萬古不可移易也。雖然。人道仁與義之所原本。固在天道一陰一陽之高明求其法象。發生其知識理想。而其實際所作爲推行。則又不可不在地道一剛一柔之博原。取其着實踐履之功夫。以成其悠久無疆之人道。繫辭傳曰。乾知大始。坤作成物。乾以易知。易謂一也。實也。健也。專也。直也。送也。健也。坤以簡從。簡謂二也。虛也。順也。翕也。闢也。數也。順也。易則易知。簡則易從。易知則有親。易從則有功。有親則可久。有功則可大。可久則賢人之德。可大則賢人之業。易簡而天下之理得矣。天下之理得。而成位乎其中矣。蓋天地設位。而易已行乎其中。成性存存。道義之門。乾坤既定。是易之縕。上下成列。而易又立乎其中。天地之大德曰生。生生之謂易。乾健直之易。以大生不已。坤順關之簡。以廣生無疆。故成象之謂乾。效法之謂坤。成象者。無象之中。忽然見象。有主乎一切事物之大始也。故曰大哉乾元。萬物資始。乃

統天。雲行雨施。品物流形。大明終始。六位時成。傳乾象乾元用九。乃見天則。傳文言象之始

見。坤卽順承。而法效之。有作成乎其事物也。故曰。至哉坤元。萬物資生。乃順承天。坤厚

載。德合無疆。含弘光大。品物咸亨。傳坤象坤道其順乎。承天而時行。傳文言是故吾人認識

夫太極實體顯現之形相理致。先求端於乾象。確然專直之易。則乾象者。吾人精明知

識之大源泉也。而吾人高遠之理想。亦於是起焉。作爲夫生成萬物之事業。近取型於

坤道。隕然翕闢之簡。則坤道者。吾人完行經綸之真軌轍也。而吾人現實之世界。亦於

是成焉。是故。吾人生活。必於此上。乾健易知之理趣。與下坤順易從之規矩之中。仰視

俯行。以窮盡其實地。存立踐履之道術。始可以成其位育贊參之大業。繫辭傳所謂天

地設位。聖人成能。易簡之善。配至德者。此之謂也。故又曰。夫易聖人所以崇德而廣業

也。知崇禮畀。崇效天。畀法地。蓋言知識以進德踐履以成業。知識要高明至誠如天。踐

履要畀順極功如地也。又曰。剛柔相推而生變化。變化者進退之象也。爻也者。效天下

之動者也。是故。吉凶生而悔吝著也。蓋言吾人一切作爲活動。經綸生活。其身體力行。


當近倣地道之簡約。唯於剛柔相摩。襲化進退之中。驗之也。是故。儒道體驗施行之最

切於吾人日常生活者。終以剛克柔克之法式示之。而其所以能推行此法式者。總歸於中樞正直之道。參照第二章第二節洪範條此亦儒道實地施行之一貫萬古。不容荒廢者也。

顧此三德之於洪範。三德即正直。剛克柔克是。乃所以實現皇極之要道。而推行九疇之樞機

也。亦王道之所以施行成立根本至德也。洪範曰。無偏無黨。王道蕩蕩。無黨無偏。王道平平。無反無側。王道正直。會其有極。歸其有極。所謂剛克與柔克。乃所以能無偏無黨。無反無側。以推行大中至正之王道。而成就之者也。故彼誠道之實際。中庸權衡之實地。凡吾人日常平生。接物應事。作爲經綸。當務之急。無切於此三德之體驗。蓋此三德。以正直爲體。以剛克柔克爲用。用兩相待交進。而體一絕對。立於其中。是故。正直者。權衡之所以能成其實質者也。剛克與柔克者。擴充（成仁者）與分義（成義者）之所以能得其實行者也。吾人欲完成人生與世界者。其日常平生。一舉一動。一進一退。造次顛沛。不可須臾離之要道。必於是求之。吾人一切規範生活之最昇最近。最微最細者。亦必於是得之。繫辭傳所謂易簡而天下之理得。以言天地之間則備者。是也。理得者。謂一事物義理之當然。無不得其所也。剛柔地道之簡也。正直天道之易也。分說詳於下文。然而至其所

該之廣。所關之大。則直與天地萬有之生成。變化。同其流行節度。而又由是能創造人類所求理想上完善至美之世界。而成就之。即彼周易六十四卦三百八十四爻中所表象。用九用六。參照第一章三才條正位時中之道。能使吾人日常動靜。一切情事。與天地萬象之變化。直接交涉。表裏相成。一切人類日常生活之規範與宇宙物象生成之理法。經緯錯綜。而指示吾人法儗化裁。實現理想之道法。故所謂用九用六。剛中柔中之道者。即是易道之藏於用。而能推行吾人一切道術之支脈。無不周徧者也。今以一表。示其要義。如左。



正直者。無邪無曲。所謂大公至正之一貫不柱者也。周易四大德。元亨利貞。貞者。卽正固不變。以成就一切盡性遂生之道者也。繫辭傳。天地之道。貞觀者也。天下之動。貞夫一者也。乾。其靜也專。其動也直。乾卦九二文言傳。龍德而正中者也。閑邪而存其誠。君子學以聚之。問以辨之。寬以居之。仁以行之。坤卦六二爻辭。直方大。不習。无不利。文言傳。敬其正也。方其義也。君子敬以直內。義以方外。敬義立而德不孤。直方大。不習。无不利。不疑其所行也。蓋正直者。亦不外於誠道之實地實行。無矯枉邪曲詐僞者。乃夫乾知大始之易。去聲晦庵所謂要生便生。要做便做者。語類卷七十四是已。唯體此乾健易知大始之正直。而行夫坤順簡從作成之剛柔。則可以得義理。而顯諸仁。無餘也。但正直者。其正與直。分說之。不無小異。詩小明篇。嗟爾君子。無恆安處。靖共爾位。正直是與。神之聽之。式穀以女。毛傳。正直爲正。能正人之曲曰直。左傳襄七年。正直爲正。正曲爲直。杜注。正直爲正。正己之心。正曲爲直。正人之曲。說文。直。正見也。从乙从十。从目。會意。古文作稟。允倩曰。十目視乙。無可匿也。古文。十目視木。審曲面勢。與相同意。按。洪範。木曰曲直。荀子脩身篇。是謂是。非謂非。曰直。墨子經上篇。直參也。韓詩柏舟篇。實維我直。傳。

相當值也。禮投壺篇。馬各直其算。疏。當也。魏都賦。直事所繇。注。若今之當事也。詩大東篇。其直如矢。由是觀之。直者。一直前進。參於事物。擔當其事。不屈不枉。不匿不逃之謂也。子曰。吾之於人也。誰毀誰譽。如有譽者。其有所試矣。斯民也。三代之所以直道而行也。又曰。人之生也直。罔之生也。幸而免。馬氏注曰。言人所以生於世。而自終者。以其正直也。仁齋古義曰。生者。謂人生在世。罔。謂諛。罔直道。人而邪枉。不可一日生於天地間也。西河稽求編。履軒逢原。息軒集說。謂罔直道。人而邪枉。不可一日生於天地間也。本直。罔不直也。而亦生者。幸而免爾。其或問曰。上生字爲始生之生。下生字爲生存之生。按。程朱輩。切欲認吾人道德性之固有。其意何曾不可。唯其過也。必欲更定道德自體之固有。而鑿空駁駁不止。遂致其按德義之德。本子作惠。从直心。蓋直之道德性。亦平。日解經牽強。運思支離類是也。

人類本性。自然所具。與天無異。而最屬原始根本者。其能爲人格活動之中樞。猶勇之德也。然直之所以能全其道德性者。以其中具有規範性也。故直之實爲道德上完全之直。必須正中。而後得之。猶勇之待於誠正。而後實爲人格活動之中樞也。是故直固可尙。而必連言正直。始可以完行直道。又可以使正中之道。充實推行。大有力焉。果能如此。則正直與剛中柔中之三道德。亦不外於智（義）仁勇三道德之實地實行者也。參照上表及下文子曰。孰謂微生高直。或乞醯焉。乞諸其鄰而與之。子曰。直哉史魚。邦有道

如矢。邦無道如矢。君子哉蘧伯玉。邦有道則仕。邦無道則可卷而懷之。可見君子之道。必待正中貞固。而後成之。文言傳曰。貞固足以幹事。此之謂也。葉公語孔子曰。吾黨有直躬者。其父攘羊。而子證之。孔子曰。吾黨之直者。異於是。父爲子隱。子爲父隱。直在其中矣。直而失正中。其不足貴。可以知也。哀公問曰。何爲則民服。孔子對曰。舉直錯諸枉。則民服。舉枉錯諸直。則民不服。孟子曰。不直則道不見。又引曾子曰。自反而縮。雖千萬人。吾往矣。釋文。縮直也。又曰。其爲氣也。至大至剛。以直養而無害。則塞乎天地之間。其爲氣也。配義與道。無是餒也。是集義所生者。行有不慊於心。則餒矣。此以道義二字。補足直字之義。卽亦言其當以正中之直道。養成其氣。而得大勇之發動也。或曰。以德報怨。何如。子曰。何以報德。以直報怨。以德報德。可以見直道亦竟不可缺也。故凡吾人之作爲經綸。不直則不能一往邁進。通達其乾健一實專直之易道。易去聲又不正直。則不能通達其權衡中庸。率性執善之誠道。欲實行此正直之道。非由坤順二虛翕闢之簡道。以順應於時地之所宜。則不可。故誠道之實地。正直之體行。其實必在剛克柔克。用九用六之際見之。去九六剛柔之實際。別求道德於高尙假空之境域。理似得之。實則

失之矣。

總之。用九用六之道。亦一歸於用中之道。用中之道。必待正直之道而成之。陰陽之於氣。剛柔之於質。仁義之於德。共歸於一人格。完全人格之道。亦必待正直之道而成之。苟不正直。則人道失其一貫之體系。苟不剛克柔克。則人道失其運行之作用。有其作用。則其體系以立。離其作用。而別求體系。則人道或幾乎息矣。是故。用九用六。剛克柔克之道。實於人生活。不可一日忽略者也。凡事豫則立。不豫則廢。若專執用九。而偏於剛克。或專執用六。而偏於柔克。斯反側傾危。不能自全者矣。豈正直一貫之道也哉。申時行曰。人之習俗氣稟。每有不齊。而我之政教寬嚴。亦異其用。於是。有正治者焉。有反治者焉。若遇着強梗不順的。則利用剛以治之。振之以威。加之以法。使之有所畏。而不爲惡。若是和柔委順的人。則可用柔治之。錫之以福。施之以恩。使之有所勸。而爲善。斯二者。以剛克剛。以柔克柔。因俗而異施。所謂正治者也。又有資稟沈深潛退。過於柔者。則激勵而進之。柔而濟之以剛。使之有所企而不思。及有高元明爽。過於剛者。則裁抑而退之。剛而濟之以柔。使之有所俯而思。就斯二者。以剛克柔。以柔克剛。因人而

異施。所謂反治者也。然其爲用。雖有剛柔之異。治法。雖有正反之殊。要不過矯其偏。去其蔽。以同歸於平康正直而已。譬之天道。秋冬春夏。舒慘異宜。而皆一元之運。雨露雪霜。生殺異用。而皆化育之行。帝王所以代天理物。其道莫要於此。義書經講會編申氏專舉帝王政教之大者。爲之解說。然九六剛柔之用。豈止於此哉。凡吾人日常生活。作爲經綸。完我自我家國。天下世界。其接物應事。一切當行之道術。皆於此決之。故九六剛柔之用。與自我及自我所住世界之完成。直接相關而行焉。繫辭傳曰。易之爲書也。不可遠。爲道也。屢遷。變動不居。周流六虛。上下无常。剛柔相易。不可爲典要。唯變所適。其出入以度。外內使知懼。又明於憂患與故。无有師保。如臨父母。危者使平。易者使傾。其道甚大。百物不廢。初率其辭。而揆其方。既有典常。苟非其人。道不虛行。蓋此之謂也。

